

## 1 Samuel & Banzembo Ba-Leson ezali na Mokanda Oyo

Leson 1. Nzambe ayokaki losambo ya Anne, apesaki ye mwana ya mobali. 1 Samuel 1—2:11 .....	3
Leson 2 Bana ya Eli basalaki buzoba. 1 Samuel 1:3b ; 2:12-36 .....	7
Leson 3 Nzambe abengaki Samuel. 1 Samuel 3:1-21, 4:1 .....	11
Leson 4 Makambo ya pasi pe ya soni esalemaki na bitumba. 1 Samuel 4:1-22 .....	15
Leson 5 Ekeko ya Dagon ekweyaki elongi liboso ya Sanduku na Boyokani na Nzambe. 1 Samuel 5:1-12 .....	19
Leson 6 Sanduku na Nzambe ezongaki, pe bato ya Israel bayambaki yango na esengo. 1 Samuel 6:1-18 .....	23
Leson 7 Samuel amemaki Israel na kobongola mitema, pe asambelaki po na Israel. 1 Samuel 7:3-17 .....	27
Leson 8 Israel balukaki mokonzi, Samuel alakisa bango ba-pasi oyo mokonzi akomema. 1 Samuel 8:1-22 .....	32
Leson 9 Israel azwi mokonzi ya liboso. 1 Samuel 9:1-27, 10:1-27 .....	36
Leson 10 Saul alongaki bato ya Ammon, bato nyonso oyo bandimaki ye lokola mokonzi. 1 Samuel 11:1-15 .....	40
Leson 11 Samuel apesaki message ya suka. 1 Samuel 12:1-25 .....	45
Leson 12 Saul apesaki makabo na Nzambe oyo apesi ye te ndingisa ya kopesa (yango). 1 Samuel 13:1-23 .....	49
Leson 13 Nzambe aboyaki Saul po azalaki kotosa lisusu te. 1 Samuel 15:1-28 .....	53
Leson 14 Samuel atiaki David mokonzi ya Israel. 1 Samuel 16:1-13 .....	58
Leson 15 David asalelaki Saul na musique, akómaki Banzembo. 1 Samuel 16:14-23, Mokanda ya Banzembo (sommaire) .....	62
Leson 16 David azalaki na konzo to bopikiliki ya kobunda na Goliath. 1 Samuel 17:1-53 .....	66
Leson 17 David asalaki boyokani na Jonathan. 1 Samuel 17:58--18:5 .....	71
Leson 18 Saul alingaki koboma David na likunia. 1 Samuel 18:6—30 .....	75
Leson 19 Jonathan asalisaki moninga na ye David. 1 Samuel 19:1-24, 20:1-42 .....	79
Leson 20 David ayokelaki Saul mawa. 1 Samuel 21-23 sommaire, 24 .....	82
Leson 21 David akómaki Banzembo ezali kolakisa ndenge ya koluka Nzambe na tango ya pasi. Banzembo mokapo 18... 86	86
Leson 22 Abigail alukaki kimia ná David. 1 Samuel 25:3-35 .....	90
Leson 23 David akimaki kanda ya Saul pe ayokelaki ye lisusu mawa. 1 Samuel 26:1-25, 27:1-12. ....	93
Leson 24 Nzambe aboyaki Saul po alukaki moto oyo asololaka na bakufi. 1 Samuel 28 .....	98
Leson 25 Saul akufaki na bitumba. 1 Samuel 31 .....	103
KOMEMA MWANA NA YESU .....	106
KOTEYA MIKANDA YA BIBLE .....	106

Leson 27 Revision ya 1 Samuel pe Banzembo

Koteya Mikanda ya Bible

Komema mwana na Yesu

## Moniteur, Leson nyonso oyo elandi mabongisi oyo:

### N° ya Leson., Titre

#### Leson na mokuse:

Adresse ya Leson oyo na Bible

[Moniteur, malamu otanga nyonso na preparation na yo, kasi na classe, botanga kaka biteni oyo totia na kati ya Leson. Toponi partie nini kotanga na Bana po ezala mokuse.]

#### I. Preparation ya Moniteur—

- 👂 Tina ya Leson:
- ♥ Verse ya lel'oyo:
- 👂 Nzembo ezali kokende nzela moko ná leson:

#### II. Revision—

- ⤴ Kolanda devoir ya Leson oyo eleki:
- ⤴ Koyemba lisusu Ba-Leson oyo eleki:

#### III. Koteya Leson Oyo—

- ✈ Ebandeli:
- 🏠 Developpement (Malakisi monene ya Leson oyo na banzete 4):

##### 1.1 Malakisi ya nzete ya liboso

###### 📖 Tangela Bana:

[Awa okomona eteni ya histoire ya Bible ozali kotangela Bana.]

###### ? Tuna bana:

- Niveau prescolaire --
- 
- 
- 
- Niveau primaire --
- Niveau secondaire --

###### 👤 Bana basala bageste:

###### 👥 Bana bayemba pe babina:

###### 🔍 Kosilisa:

- ♥ Verse ya lel'oyo:

Biteni oyo ekomona na na nzete nyonso ya malakisi.

Bitini oyo ekomon ana mbala moko kaka na suka ya leson.

👂 Banzembo ezali kokende nzela moko na Leson:

👂 Devoir po na bakristo:

✝ Kobenga babungi na Yesu:

#### NB po na verse ya lelo:

[Moniteur, okomona ete tososoli verse nyonso ya mokolo / kolakisa lolenge ya koteya yango make make. Biso pe to souligner eteni oyo ekoki kozala malamu na koteya na yo ya prescolaire.]

Ndakisa:

Ya solo, Nzambe alingi bato mingi penza;/ yango wana apesi /Mwana na ye se moko, / po 'tè moto nyonso oyo akondimela ye/ ákufa té,/ kasi ázwa bomoi ya seko./ Yoane 3:16

Tolakisi verse na preparation po yo moniteur oyeklola yangoo liboso, yambo ya kotambwisa Bana na yango.

#### NB po na Banzembo:

Soki oyebe te Banzembo oyo tolobi, mema Bana na koyemba nzembo mosusu oyo oyebe. Kasi, kaka nzembango nyonso te, kasi Banzembo ezali kokende nzela moko na Malakisi ya Leson.

Totiyé Banzembo na preparation po yo, moniteur, okanisa malamu Banzembo nini koyemba. Yekola yango to benga moto mosusu atambwisa yango.

#### NB po na moniteur:

Matondo po na ndenge ozali kosalela Nkolo Yesu Kristu pe lingomba na esika oyo ozali. Mosala ya koteya Bana ezali mosala monene pe ya motuya. Nzambe asalisa yo na preparationn pe na Malakisi na yo. Tika apesa yo kondako lisusu ya sika.

Nzambe asalisa yo, apambola yo, pe apesa yo makasi, na kombo na Yesu ! Amen.

## Leson 1. Nzambe ayokaki losambo ya Anne, apesaki ye mwana ya mobali. 1 Samuel 1—2:11

**Leson na mokuse:** Anne azalaki na soni pe na mawa po azalaki kobota te. Asengaki Nzambe mwana pe alakaki azongisa mwana wana na Nzambe. Nzambe ayokaki losambo na ye, ebongo abotaki mwana ya mobali, Samuel.

### I. Preparation ya Moniteur—

#### Tina ya Leson:

Tosambela Nzambe po na ba-pasi nyonso ya bomoi.

#### Verse ya lel'oyo:

(Anne asambelaki ete:

*“Yawe abatelaka/ bato oyo/batosaka ye/kasi bato mabe/ bakufaka na kati ya molili.”/ 1 Samuel 2:9.*

#### Nzembo ezali kokende nzela moko ná leson:

Nzambe ayokaka na Suka

Nzambe na ngai akoyoka  
Tango nyonso oyo na kosambela  
Ata na suka, Ata na butu,  
Nzambe akoyoka!

Nzambe akoyoka na-su-uka  
Nzambe akoyoka na mi-idi  
Nzambe akoyoka na pokwa  
Tango nyonso tozala kosambela!

### II. Revision—

#### Kolanda devoir ya Leson oyo eleki:

*[Moniteur, ezali Leson ya liboso, yango wana tokosalela oyo na poso oyo te, kasi tokosalela yango na Ba-Leson oyo ez'olanda.]*

#### Koyemba lisusu Ba-Leson oyo eleki:

Toyekoli deja Mokanda ya Bilombe to ba-juje. Tomoni ete moto lokola mokonzi azalaki kokonza te, kasi Nzambe apesaki bato ba-juje batambwisa bango tango baboetelaki. Ezalaki sik'oyo banguna batungisaki bango makasi po bato ya Israel

baBatoliki bango ndenge Nzambe alobaki. Batikaki bapakano oyobazalaki kobika na kati na bango. Ezalaki tango ya buluyeke mingi, sik'oyo bato nyonso basalaki na makanisi na bango moko.

Biso pe tomonaki Mokanda ya Rut, pe tomonaki ete ata na mikolo wana ya mabe, mwa-moke ba-familille bazalaki kolanda Nzambe pe kotosa Ye. Nzambe pe azalaki kosalela kobongisa tango ete akotinda Messie, Mobikisi. Ee, Booz pe Rut bayebaki te, kasi mwana na bango Obedi akokoma kulutu ya Messie wana.

### III. Koteya Leson Oyo—

#### Ebandeli:

Tomoni Bilombe to ba-juje mingi. Boni, bokoki kokanisa mwa-moke na bango? *[Moniteur, pesa ngonga po mwa-moke ya Bana baloba na bango.]*

(Ee, Samson, Gedeon, Debora, bazalaki Bilombe to ba-juje oyo babikisaki bato ya Israel na banguna na bango.) Lel'oyo tokomona Elombe (to juge) ya suka. Tokomona nini? *[Bato bazongisa: Elombe (to juge) ya suka.] abotamaki po mama na ye asambelaki Nzambe na kati ya ba-pasi ya bomoi na ye. Yoka malamumu po oyoka kombo ya Elombe (to juge) wana.*

#### Developpement (Malakisi monene ya Leson oyo na banzete 4):

##### 1.1 Anne azalaki na pasi mingi na motema po azalaki kobota te. 1 Samuel 1:1-8

#### Tangela Bana:

*1 Moto moko azalaki na mboka Rama, epai ya bangomba ya Ephraim, kombo na ye Elkana...*

*2 Elkana azalaki na basi mibale, moko kombo na ye Anne pe mosusu kombo Penina. Penina azalaki na bana, kasi Anne te.*

*3 Mbala na mbala, Elkana azalaki kolongwa mboka na ye pe kokende na Silo po na kokumisa Yawe, ...pe kopesa ye mabonza...*

5 ... Anne, azalaki kopesa ye eteni ya monene koleka, po alingoki ye mingi, atako Yawe apesaki ye Bana te.

6 Kasi... Penina azalaki koseka pe kotumola ye mingi po Yawe apesaki Bana te.

7 (ti)...azalaki kaka kotuma Anne pe kuna Anne abandaki kolela pe aboyaki kolia.

### ? Tuna bana:

#### Niveau prescolaire –

- Pasi ya Anne azalaki nini? (Azalaki kobota te.)

#### Niveau primaire –

- Soki mwana abotaka te, ezali pasimonene. Nani akomisaki makamb'oyo pasi koleka? (Penina, mwasi ya mibale ya Elkana)
- Penina asalaki nini oyo epesaki Anne pasi? (Kaka kotumola ye.)

#### Niveau secondaire –

- Tata Elkana asalaki nini po na komeka kosalisa makanisi ya Anne? (Apesaki ye mabonza monene koleka Penina)

### Bana basala bageste:

Bana basala bageste ya mawa pe ya pasi ya Anne tango Penina azalaki koseka ye.

### Bana bayemba pe babina:

O, pasi, Anne!  
Po abotaka te.

## 1.2 Anne asambelaki Nzambe makasi po apesi ye mwana ya mobali. Alakaki kozongisa mwana wana na Nzambe. 1 Samuel 1:9-18

### Tangela Bana:

9 Mokolo moko...Anne... azongaki na Ndako ya Nzambe, esika Nganga-Nzambe Eli afandaki pene ya porte.

10 Motema ya Anne etondaki na mawa; asambelaki Yawe na mai na misope kolela boye:

11 “Yawe, Yawe na Nguya nyonso, ngai nazali moumbu na yo, tala pasi na ngai. Kobosana

ngai té; yokela ngai mawa. Na bndeli yo, pesa ngai mwana mobali, bongo, nakopesa ye epai na yo libela, po asalelaka yo. Bakokata suki na ye ata mokolo moko té.”

12 Lokola Anne aumelaki mingi na losambo, Eli azalaki kotala ye na monoko.

13 Anne azalaki kosambela na sé ya motema, kaka monoko ezalaki nde moto ezali koningana, Eli azalaki koyoka ata eloko moko té ya mongongo na ye. Yango wana, akanisaki ete alangwe masanga,

14 Alobi na ye : “Molangwa na yo ekosila té? Kende kosilisa yango epai mosusu!”

15 Anne azongisi : “Te, Mokonzi, na langwe masanga te...Nazali moto ya mawa, kasi nameli masanga te. Naye awa po na koyebisa Yawe pasi na ngai.

17 Bongo Eli alobi na ye: “...Nzambe ya Israel apesa yo eloko oyo osengi ye.”....

### ? Tuna bana:

#### Niveau prescolaire –

- Anne asalaki nini po na pasi na ye? (Asambelaki Nzambe.)

#### Niveau primaire –

- Anne akendeki wapi po na kosambela Nzambe? (Na porte ya Ndako ya Nzambe)

#### Niveau secondaire –

- Nani amonaki Anne kosambela? (Nganga-Nzambe na kombo ya Eli)
- Pona nini akanisaki ete alangwe masanga? (Po monoko ezalaki koningana, kasi maloba ebimaki na monoko te.)
- Anne alobaki ete nalangwe masanga te, kasi azalaki kosalela nini? (Koyebisa Nzambe ba-pasi na ye.)
- Anne akataki selesakilaka ete soki Nzambe apesi ngai mwana, akosalela nini? (Akozongisa ye na Nzambe po na kosalela ye bomoi na ye mobimba.)

### **Bana basala bageste:**

Bana basala bageste po na kotalisandenge Anne alobaki tango molai kaka na monoko mongongo kozanga kobimisa maloba.

### **Bana bayemba pe babina:**

Anne ayebisaki Nzambe  
Ba-pasi na ye.

### **1.3 Nzambe ayokaki losambo ya Anne, ebongo apesika Anne mwana ya mobali na kombo ya Samuel. 1 Samuel 1:19-20**

#### **Tangela Bana:**

*19-20 mokolo elandaki, Elkana pe famille na ye ...bakendeki kosambela Yawe, ebongo sima, ba zongaka na mboka na bango, na Rama. Kuna, Yawe andimaki losambo ya Anne. Anne azwaki zemi ya mobali na ye Elkana, ebongo abotamaki mwana ya mobali. Apesaki ye kombo Samuel, po alobi ete: "Nasengaki ye na Yawe."*

### **? Tuna bana:**

#### **Niveau prescolaire –**

- Boni, Nzambe apesaki Anne mwana, to te? (E, apesiki.)

#### **Niveau primaire –**

- Anne apesaki mwana na ye kombo nini? (Samuel)
- Ndimbola nini ya kombo Samuel? (Nasengaki ye na Yawe.)

#### **Niveau secondaire –**

- Okanisi nini? Boni, Anne Alingaki kozwa mwana soki asengaka ye na Nzambe te? [Moniteur, yoka makanisi ya Bana. Mbala mosusu Alingaki kotikala kaka ekomba.]

### **Bana basala bageste:**

Bana basala bageste lokola mama azali kosimba mwana na ye na esengo pe na bolingo.

### **Bana bayemba pe babina:**

#### **Niveau primaire –**

Esengo na yo, mama Anne.  
Osambeli Nzambe.  
Esengo na yo, mama Anne.  
Nzambe apesi yo mwana.

### **1.4 Anne akokisaki elaka na ye, pe akumisaki Nzambe. 1 Samuel 1:24-28, 2:1-11**

#### **Tangela Bana:**

*24-25 Tango mwana atikaki komela mabele, Anne amemaki ....Samuel na Ndako ya Nzambe, atako azalaki kaka mwana moke....bamemaki mwana na Nganga-Nzambe Eli.*

*26 Anne alobaki na Eli ete: "Mokonzi na ngai, boni, oyebi ngai lisusu? Na zali mwasi oyo akataki seleka awa mokolo moko pene-pene na yo, oyo azalaki kosambela Yawe.*

*27 Na sengaki ye mwana-mobali, ebongo ye apesi ngai mwana yango. Ye oyo.*

*28 Yango wana, nazali kopesa ye na Yawe, akozala moto ya Yawe na bomoi na ye mobimba."...*

*2:1 Sik'oyo, Anne asambelaki Nzambe ete: "Yawe asepelisi ngai mingi na motema ! Sik'oyo ngai na koki kotelemisa motu na ngai kozanga soni..."*

*Nasepeli po Nzambe asalisi ngai.*

*9 Yawe abatelaka bomoi ya bato oyo ba tosaka Ye,*

*Kasi baoyo baboyaka Ye, bakokufa na kati ya molili ;*

*Makasi ya moto ye moko ekoki kolongisa te, na makasi na ye moko.*

*11 ...mwana yango Samuel atikalaki kuna na mboka Silo. Akomaki kosalela Yawe na maboko ya Nganga-Nzambe Eli.*

### **? Tuna bana:**

#### **Niveau prescolaire –**

- Mosala ya Samuel ekozala kosalela nani? (Nganga-Nzambe)

•

- Anne akataki selekasilaka ete akopesa mwana na Nzambe po na kosalela ye. Ndenge nini akokisaki elaka na ye? (Apesaki ye mwana Samuel po na kosalisa na ndako ya Nzambe.)

### Niveau secondaire –

- Ndenge nini okanisi motema ya Anne ezalaki tango atikaki mwana na ye na ndako ya Nzambe?  
*[Moniteur, yoka makanisi ya Bana. Mbala mosusu esengo pe mawa ezalaki na motema kaka mbala moko.]*

### Bana basala bageste:

Bana basala bageste lokola bazali Anne, azali koloba tikala malamumu na mwana Samuel na ndako ya Nzambe.

### Bana bayemba pe babina:

Nzambe asalisaki Anne  
Oe azongisaki matondo.  
Nzambe asalisaki Anne  
Pe akokisaki maloba na ye.

### ►|◀ Kosilisa:

Anne azalaki na pasi ya kobota mwana. makambo nini mosusu ya bomoi ekoki kopesa biso pasi? *[Moniteur, yoka makanisi ya Bana.]* Ee, pasi ya bilei, pasi ya maladi, pasi ya classe, pasi ya bitumba pasi ya kofinga ya bato, pasi ya ndenge na ndenge. Malamumu soki lokola Anne, tozala kosambela Nzambe na kati ya ba-pasi ya bomoi. Kaka ye moto akoki kosalisa biso. Nzambe apesaki Anne mwana Samuel, pe Samuel akomaki Elombe (to juge) monene, Elombe (to juge) ya suka ya Israel.

### ♥ Verse ya lel'oyo:

(Anne asambelaki ete:

*“Yawe abatelaka/ bomoi ya bato oyo/ batosaka Ye/...makasi ya moto ye moko ekoki kolongisa ye te/ na makasi na ye moko.”* / 1 Samuel 2:9

 **Banzembo ezali kokende nzela moko na Leson:**

Yemba Nzambe ayokaka na Suka to nzembo mosusu ezali kokende nzela moko ná Leson oyo.

### Devoir po na bakristo:

Devoir nazali kopesa bino bakristo po na poso oyo, kosambela Nzambe makasi na pasi nyonso ya bomoi, na elikia ete akosalisa yo.

### Kobenga babungi na Yesu:

Kasi soki ozali mokristu nanu te, yeba ete Nzambe azali oyo asalaki biloko nyonso. Bisobato, tokotá na makombo ná Ye, po totosi na ye te. Tosali oyo ayebisaki biso kosalela te, pe totika kosalela oyo ayebisaki biso tosala. Tobunga nzela. Tosali masumu.

Masumu ekoki kokota na lola te. Kasi Nzambe alingi biso mingi, yango wana abongisi nzela oyo biso bato mabe tokoki kokota na lola. alobi ete lifuta ya masumu ezali kufa, kasi atinda Mwana na Yesu Kristu kokota mokili'oyo, kosalela makambo ya malamumu, kasi na suka, akufa na esika na biso. Kasi alongaki likolo ya kufa. Asekwaki na kufa, pe sik'oyo, azali na bomoi seko na seko.

Sik'oyo, soki oyoki mawa po na masumu na yo, koki kaka kotiá motema.

Tango wana, akosokola motema na yo. Ya solo, akopesa yo motema ya esika ya bolingo kolanda nzela ya Nzambe. Akolimabesa masumu na yo nyonso. akokomisa yo mwana na ye. O, boni, osili kotiela ye motema? Soki te, tolingi mingi kosalisa yo po okoma mwana na Nzambe. Soki ezali bongo, tikala sima ya Ecodim. To, yaka kosolola na biso tango nyonso oyo olingi. Yesu ke vingila yo.

### ==SUKA YA LESON 1

**Soki ngonga ekokoka,**

### Teya mikanda ya Bible:

(Makanisi ezali na suka ya Mokanda oyo.)

## Leson 2 Bana ya Eli basalaki buzoba. 1

Samuel 1:3b ; 2:12-36

### Leson na mokuse:

Moto moko oyo Nzambe ayebisaki Eli ete Nzambe obayi libota na ye kolandela bonganga, po Bana na ye basali mabe mingi. Kasi mokolo moko, Nzambe atindi Nganga oyo tokoki kotiá motema, Messie.

### I. Preparation ya Moniteur—

#### Tina ya Leson:

Toluka makambo na Nzambe te. Tolela Nzambe po na kopesa ye mokolo, kasi tpluka te ba programme ya biso moko.

#### Verse ya lel'oyo:

Maloba na Nzambe:  
*... "Na kotosa to napesaka lokumu na/ moto oyo atosaka to apesaka ngai lokumu/ na yokisaka soni to natalaka pamba/ na moto oyo azali kopesa lokumu te to atalaka nai pamba."/ 1 Samuel 2:30b*

#### Nzembo ezali kokende nzela moko ná leson:

##### Zwa lokumu

Na bomoi na ngai  
 Zwa lokumu, zwa lokumu,  
 Na bomoi na ngai  
 Zwa lokumu lelo !

##### Ee, Mokonzi, Ee

Ee, Mokonzi, Ee,  
 Na nyonso oyo oloba  
 Ee, Mokonzi, ee  
 Nakoki kotosa  
 Wana naz'o tanga Bible  
 Nako kaka ndima  
 Na koloba ee, Mokonzi, ee !

### II. Revision—

#### Kolanda devoir ya Leson oyo eleki:

Na poso eleki, to sengaki bino kosambela Nzambe na pasi nyonso ya bomoi. Kozwa eyano ekoki kosenga ete bokoba kosenga

koleka poso moko. Kasi nani asambelaki Nzambe, pe Nzambe asalisaki ye na poso eleki? [Moniteur, pesa Bana mwa-moke ya tango ya kopesa biyano. Tuna bango pasi nini asalisaki, pe ndenge nini ye asalisaki. Pesa bango encouragement bakoba kaka kosambela.]

#### Koyemba lisusu Ba-Leson oyo eleki:

- Nani asengaki na Nzambe apesa ye mwana? (Mama Anne)
- Alakaki kosalela nini na mwana wana? (Kozongisa ye na Nzambe, akosalisa nganga na ndako ya Nzambe)
- Nzambe apesaki ye mwana mobali na kombo ya nani? (Samuel)
- Samuel akomaki Elombe (to juge). Bilombe to ba-juge boni mosusu bayaki sima na ye? (Zero. Ye Elombe (to juge) ya suka.)

### III. Koteya Leson Oyo—

#### Ebandeli:

Na kati ya mboka to paroisse, soki bakamabe to batambwisi ya lingomba bazali kosalela malam, esengo mingi na bato nyonso.

Na tango ya mwana Samuel, motambwisi na kati ya ndako-Nzambe ezalaki Eli. Azalaki nganga-Nzambe. Liboso Yesu aya, bato ya Israel bazalaki na banganga oyo bapesaki mabonza ya banyama na Nzambe. Eli ye moko asalaki malam, kasi atambwisaki te bana na ye na ndenge ya malam. Bana bazalaki mabe na misson na Nzambe. O, mawa!

#### Developpement (Malakisi monene ya Leson oyo na banzete 4):

**2.1 Bana ya Eli, Hofni ná Pihnas, bazalaki banganga-Nzambe. Bazalaki bato ya pamba oyo bayebaki Nzambe te. 1 Samuel 1:3b, 2:12**

#### Tangela Bana:

*1:3b ...Bana mibale ya Eli, Hofni ná Pihnas, bazalaki banganga-Nzambe kuna na Silo.*

*2:12 Bana ya Eli bazalaki mobulu to Bana ya pamba. Bazalaki kobanga Yawe te to koyeba Nzambe te,*

### ? Tuna bana:

#### Niveau prescolaire –

- Bana ya Eli bazalaki malamuru to mabe? (Mabe)

#### Niveau primaire –

- Bible elobi ete Bana ya Eli, Hofni ná Pihnas, bazalaki bato ya pamba. Boni, ekozala esengo soki moto abengi yango moto ya pamba? Po na nini? [Moniteur, yoka makanisi ya Bana. maloba 'pamba' elingi koloba ete bazalaki mabe mingi, mabe kaka. Elokó ya malamuru ya koloba po na bango ezalaki te.]

#### Niveau secondaire –

- *Na français 2:12 elobi, « ils ne connaissent point l'Éternel » (Bayebaki Nzambe te ata moke). Ndenge nini moto akoki kozala Nganga-Nzambe, kasi bayebi te Nzambe? [Moniteur, yoka makanisi ya Bana.]*

### Bana basala bageste:

Bana basala bageste koyebisa ete Bana ya Eli bazalaki pamba.

### Bana bayemba pe babina:

Bana ya Eli pamba kaka Bakanisaki Nzambe te.

## 2.2 Tango nyonso, Eli azalaki koyoka makambo ya mabe ya Bana na ye bazalaki kosalela. Agangelaki bango, kasi bayokaki. 1 Samuel 2:13-18, 22-24

### Tangela Bana:

*13-16 bazalaki pe kolanda te mibeko ya ba banganga-Nzambe. (Balukaki bandenge ya*

*koyiba bato mabonza to mbeka oyo bamemaki na kopesa na Nzambe.)*

*16 Soki moto (andimaki te bayiba mabonza na ye, bayebisaki ye:) “Bongo te, pesa ngai yango sik’oyo, soki te na kozwa yango na makasi to kobotola yango.”*

*17 Ndenge yango wana Bana ya Eli bazalaki kosalela mubulu na miso ya Yawe, bazalaki kotosa te mabonza oyo bato bazalaki koya komemela Nzambe.*

*22 Tango Nganga-Nzambe Eli azalaki akomi mpaka to mobange penza, azalaki koyoka makambo nyonso oyo Bana na ye bazalaki kosalela na bato ya Israel... (Ayokaki ndenge bazalaki kosala mabe ná basi oyo bazalaki koya kosambela.)*

*23-24 Yango wana, atunaki bango ete: « po na nini bosali makambo ya ndengo oyo? » ... botika makambo wana. ...ezali malamuru te ata moke.*

### ? Tuna bana:

#### Niveau prescolaire –

- Bana ya Eli basalaki malamuru to basalaki mabe? (Mabe)

#### Niveau primaire –

- Bana ya Eli basalaki nini na mabonza oyo bato bamemaki na ndako ya Nzambe? (Bayibaki yango)
- Bana ya Eli basalaki nini na basi oyo bayaki kosambela Nzambe? (Basalaki mabe na bango.)
- Ndenge nini Bana ya Eli bazalaki koluka makambo ná Nzambe? (Basalaki makambo nyonso oyo balingaki. Bakanisaki lokumu na Nzambe te, kasi esengo na bango moko kaka.)

#### Niveau secondaire –

- Eli ayebisaki Bana na ye ndenge bazalaki kosala mabe. Kasi asalaki



yango na tango nini? (Tango akomaki mpaka to mobange penza.)

### **Bana basala bageste:**

Bana basala bageste ya mawa po na ndenge Bana ya Eli bazalaki kosalela.



### **Bana bayemba pe babina:**

Bana ya Eli, mabe kaka.  
O mawa, mawa.

## **2.3 Molobeli na Nzambe ayebisaki Eli ete Nzambe obayi famille na ye elandaki bonganga po na mabe ya Bana na ye. Bango mibale bakokufa kaka na mokolo moko.**

1 Samuel 2:27-34

### **Tangela Bana:**

*27-28 Prophete moko eyaki koyebisa Eli makamb'oyo Yawe alobi ete: « ...Naponaki famille (na bino) po bozala banganga-Nzambe na Ngai... na pesi bango pe ndingisa ya kozwa ndambo ya mabonza oyo bato ya Israel bapesaka Ngai.*

*29 Ebongo po na nini sik'oyo bozali kosakana na mabonza oyo nai Yawe napesaki mitindo ete bamema na ndako na ngai?*

*30 « Yango wana ngai Yawe, Nzambe ya Israel, nazali koloba ete: « Na lapaki uta kala ete famille na yo pe libota na yo bakosalela ngai tii kuna. Kasi sik'oyo, ngai naboyi. Nako pesa lokumu moto oyo akopesa nga lokumu to akotosa ngai, nayokisaka soni na moto oyo apesaka ngai soni.*

*31 mokolo ezali... ata moto moko te na libota na yo akokoma mobange. »*

*32-34 okozali lisusu na ndako na ngai (ya bosanto) te.... «Okoyeba ete makambo oyo nalobi ekokweya bongo tango Bana na yo Hofni ná Pihnas, bango mibale bakokufa na mokolo moko.*

### **? Tuna bana:**

#### **Niveau prescolaire –**

- Nzambe alobaki ete Bana na ye Hofni ná Pihnas bakoumela mingi, to bakokufa na mokolo moko? (Bakokufa na mokolo moko.)

#### **Niveau primaire –**

- Etumbu nini Nzambe apesaki Eli pe famille na ye? (Bakokoma bampaka to mobange te, bakozala banganga-Nzambe lisusu te.)

#### **Niveau secondaire –**

- Pona nini Nzambe azalaki na kanda na ndenge Bana ya Eli bayibaki mabonza ya bato? (Apesi bango ndingisa ya kozwa mwa-moke. Apesi ndeng bakozwa bilei oyo bazalaki na yango bosenga. Kasi bango balingaki kozwa nyonso.)

### **Bana basala bageste:**

Bana basala bageste kotalisaa ete Nzambe aboyaki famille ya Eli.



### **Bana bayemba pe babina:**

Bana ya Eli basalaki mabe Balukaki makambo na Nzambe. Ebongo Nzambe apesaki etumbu Kino aboyaki bango.

## **2.4 Prophete alobaki ete mokolo moko, Nzambe akotelemisa Nganga oyo bakotiela motema. Nganga oyo akozala Messie.**

1 Samuel 2:35

### **Tangela Bana:**

*35 Sima, nakopona Nganga-Nzambe oyo akoyokela ngai pe akosala makambo nyonso oyo nakoyebisa ye...*

### **? Tuna bana:**

#### **Niveau prescolaire –**

- Nganga oyo bakoki kotiela motema ekozala nani? (Messie)

**Niveau primaire –**

- Eloko moko ezali nini oyo Nzambe alobaki po na Messie? (Akozala Nganga-Nzambe moko oyo bakoki kotielá motema.)

**Niveau secondaire –**

- Kanisa. Yesu Messie zalaki Nganga-Nzambe ya ndenge nini? (Apesaki makila na ye libonza po na masumu na biso.)

** Bana basala bageste:**

Bana batombola maboko lokola bazali Yesu likolo ya ekulusu, azali kopesa libonza ya makila po na masumu na biso.

** Bana bayemba pe babina:**

Yesu, Messie,  
Nganga-Nzambe ya kotielá motema!

Yesu, Messie,  
Apesaki makila na ye !  
Nyonso po na biso.

**>|< Kosilisa:**

Bana, Bana ya Eli bazalaki banganga-Nzambe, kasi bakoki kotielá bano motema te. Bazalaki te kopesa Nzambe lokumu. Bazalaki koluka makambo na Nzambe po na balukaki bolamu na bango moko. Nzambe apesaki bango etumbu ya makasi.


Nzambe alakaki ete mokolo moko, akotinda Messie oy akozala Nganga-Nzambe oyo bakotielá motema. Wana ngonga ekokaki, Yesu Messie ayaki. Asepelisaki Nzambe na makambo nyonso. Apesakia makila na ye lokola libonza na Nzambe. Makila wana ekoki kolongola masumu ya moto nyonso oyo akotiá motema na yesu.

Tozala te lokola Bana ya Eli, koluka makambo na Nzambe. Topesa ye lokumu ya solo na motema na biso, na losambo na biso, pe na bomoi na biso. Amen.

**♥ Verse ya lel'oyo:**

Maloba na Nzambe:

...*"Na kotosa to kopesa lokumu na/ moto oyo*  
...*"Na kotosa to napesaka lokumu na/ moto*  
*oyo atosaka to apesaka ngai lokumu/ na*  
*yokisaka soni to natalaka pamba/ na moto oyo*  
*azali kopesa lokumu te to atalaka nai*  
*pamba."/* 1 Samuel 2:30b

** Banzembo ezali kokende nzela moko na Leson:**

Mema Bana na koyemba 'Zwa lokumu', 'Ee, Mokonzi, Ee', to nzembo mosusu ezali kokende moko pe Leson oyo.

** Devoir po na bakristo:**

Bana bakristo, devoir nazali kopesa bino poso oyo: eleki malamú kopesa Nzambe lokumu na nyonso oyo okosalela. Koluka te bolamu na yo moko, kasi luka kopesa lokumu na ye kaka.

**✝ Kobenga babungi na Yesu:**

Bana, tomoni Bana ya Eli, Hofni ná Pihnas. Bazalaki banganga-Nzambe. Mosala na bango na kati na ndako ya Nzambe. Kasi Bible ezali koloba ete bayebaki Nzambe te. Moto akoki kozala molakisi to moteyi, pasteur, diacre, choriste, kasi ayebaki Nzambe penza te. Ebongo yo, ozali na kati ya ecodim, kasi boni, oyebi Nzambe? Boni, obongoli motema, oyambi Yesu Kristu lokola Mobikisi pe Mokonzi na yo?

Etumbu ya bato oyo bayebi Nzambe te ezali terrible. Ezali kufa ya seko na seko. Bato yango bakokoma na mboka ya Nzambe te.

Soki ozali na bosenga ya lisalisi po na koyamba Yesu, yaka kosolula na biso sima ya Ecodim. Esengo mingi soki tokoki kosalisa yo.

**==SUKA YA LESON 2**

**Soki ngonga ekokoka,**

** Teya mikanda ya Bible:**

(Makanisi ezali na suka ya Mokanda oyo.)

## Leson 3 Nzambe abengaki Samuel.

### 1 Samuel 3:1-21, 4:1

**Leson na mokuse:** Nzambe abengaki Samuel na butu, kasi liboso akanisaki ete ezalaki Eli. Na suka, andimaki pe ayokaki maloba na Nzambe.

#### I. Preparation ya Moniteur—

##### Tina ya Leson:

Nyonso oyo Nzambe alobi, tozala ndingisa ya kondima.

##### Verse ya lel'oyo:

*“Loba;/ ngai msali na yo/ naz’o yoka.”/*  
1 Samuel 3:10b

##### Nzembo ezali kokende nzela moko ná leson:

Ee, Mokonzi, Ee

Ee, Mokonzi, ee

Na nyonso oyo olobi

Ee, Mokonzi, ee

Nakoki kotosa

Wana naz’o tanga Bible

Nako kondima kaka

Na koloba ee,

Mokonzi, ee!

##### Yoka Bible

Yoka Bible

Tanga Bible

‘Bongo yo

Okomona

Nzela malamungu

Nzela malamungu

Pe bwagna!

Pe bwagna!

#### II. Revision—

##### Kolanda devoir ya Leson oyo eleki:

Na poso eleki, topesaki bino bakristo devoir ya koluka kopesa Nzambe lokumu na nyonso oyo okosalela. Nani amekaki kosalela yango Na poso eleki? Nani akoki koyebisa biso lolenge elekaki po na ye?

##### Koyemba lisusu Ba-Leson oyo eleki:

*[Moniteur, yo tanga, pe Bana baloba maloba oyo ezali.]*

Eli ná Bana bazalaki (nini)

\_\_\_\_\_, mosala na bango kosalela Nzambe na kati ya

\_\_\_\_\_.

Kasi, Bana ya Eli bazalaki bato ya (ndenge nini?) \_\_\_\_\_. Bazalaki kaka koluka makambo na (nani?) \_\_\_\_\_.

Yango wana, Nzambe atindaki

(nani?) \_\_\_\_\_ moko na koyebisa

Eli ete famille na ye nyonso bakozwa

(nini?) \_\_\_\_\_ monene.

Na kati na yango, Bana na ye nyonso

mibale bakokufa na mokolo

\_\_\_\_\_.

*[Moniteur, biyano oyo: banganga-Nzambe, ndako ya Nzambe, Nzambe, prophetie, etumbu, moko.]*

#### III. Koteya Leson Oyo—

##### Ebandeli:

Tomoni bato mibale minene na mikapo oyo ya ebandeli ya 1 Samuel. Tomoni Nganga-Nzambe na kombo ya? (Eli) pe tomoni mwana na kombo ya? (Samuel) Tomoni ete Nzambe apesaki mwana Samuel na mama Anne oyo abondelaki apesa ye mwana. Tomoni ete Mama Anne amemaki Samuel po atika ye wapi? (Na ndako ya Nzambe) Mosala ya Samuel na bomwana akosalisa nani? (Nganga-Nzambe Eli)

##### **Developpement (Malakisi monene ya Leson oyo na banzete 5):**

##### **3.1 Nzambe azalaki koloba na bato mingi te na mikolo wana. 1 Samuel 3:1**

##### Tangela Bana:

*1 Elenge Samuel azalaki kosalela Yawe na maboko ya Eli. Na mikolo yango wana, Yawe azalaki koloba mbala mingi te na bato ya Israel, to koyebisa bango makambo na emoniseli to ndoto.*

##### Tuna bana:

Niveau prescolaire –

- Na mikolo wana, Nzambe alobaki na bato mingi, to mingi te? (Mingi te)

#### Niveau primaire –

- Boni, Nzambe azalaki koloba na bato na emoniseli mbala mingi na mikolo wana?  
(Ezali te. Nzambe azalaki koloba ki mingi te.)

#### Niveau secondaire –

- Pona nini okanisi Nzambe azalaki koloba mingi te na bato? (Po balingaki te koyoka ye. Bazalaki kolanda te oyo ye moko ayebisaki bango deja. Ndakisa: Bana ya Eli.)

#### Bana basala bageste:

Bana batiá lobiko likolo ya monoko baloba ete Nzambe azalaki koloba mingi te na mikolo wana.

#### Bana bayemba pe babina:

Nzambe azalaki koloba ki mingi te, mingi te, mingi te.

Nzambe azalaki koloba ki mingi te.

Mikolo ezalaki mabe.

### 3.2 Mbala misato Nzambe abengaki Samuel, kasi akanisaki ete ezalaki Eli. 1 Samuel 3:2-8a

#### Tangela Bana:

*2-3 mokolo moko na butu, Eli azalaki alali na chambre na ye ...Samuel pe azalaki kolala na Ndako na Nzambe...*

*4 Sik'oyo, Yawe abengaki Samuel ete: « Samuel ! » Samuel azongisaki ete: « E, mokonzi, ngai ye oyo »,*

*5 ebongo ye akei to akimi mbangu epai ya Eli pe alobaki ete, « yo moto obengi ngai, ngai ye oyo: Kasi Eli azongisi ete: « Te !, na bengi yo té ; Zonga, kende kolala. » Boye Samuel pe azongaki kolala.*

*6 Yawe abengaki lisusu (mbala ya mibale) ete: « Samuel ! » Samuel atelamaki, ayaki lisusu epai ya Eli ete: «obengaki ngai, ngai*

*ye oyo. » Eli ete: « Te ! Na bengi yo te, kende kolala.”*

*7 Samuel azalaki koyeba Yawe nanu te, po tii tango wana, Yawe asololaki nanu te na ye.*

*8a Yawe abengi Samuel lisusu mbala ya misato ete: « Samuel ! » Samuel atelamaki, ayé lisusu epai ya Eli pe alobi ete: « Obengi ngai, ngai ye oyo. »*

#### ? Tuna bana:

#### Niveau prescolaire –

- Nani azalaki kobenga Samuel na butu? (Yawe )
- Samuel akanisaki ete ezalaki nani azali kobenga ye? (Eli)

#### Niveau primaire –

- Nzambe abengaki Samuel mbala boni? (Mbala misato)
- Mbala misato Eli ayebisaki Samuel asala nini? (Akende kolala kaka.)

#### Niveau secondaire –

- Pona nini Samuel ayebaki te ete Nzambe azalaki kobenga ye? (Nzambe alobeli ye nanu te, pe Nzambe azalaki koloba mingi te na bato na mikolo wana.)

#### Bana basala bageste:

Tiá mwana moko kozala Eli. Alala liboso ya Bana mosusu. Bana mosusu basala lokola Samuel. Basala bageste lokola bazali kolala pongi. Yo moniteur benga, “Samuel!” Bana oyo bazali Samuel batelama pe bakende na Eli. Ye kaka azongisa bango. Sala yango mbala misato.

#### Bana bayemba pe babina:

Samuel! Samuel! Nzambe abengaki ye. Mbala misato Nzambe abengaki. Kasi Samuel akendekei na Eli.

### 3.3 Wana Samuel ayaki mbala ya minei, Eli asololaki ete Nzambe azalaki kobenga, yango

### wana apesika Samuel conseil kondima pe koyoka ye. 1 Samuel 3:8b-9

#### Tangela Bana:

8b Sik'oyo, Eli ayaki koyeba ete ezali Yawe moto az'o benga Samuel,

9 Yango wana, alobaki na ye ete: "Kende kolala"; soki moto kobengi yo lisusu, ekoloba ete: "Mokonzi, loba na yo ; ngi mosali na yo nazali koyoka yo." Ebongo Samuel azongaki kolala.

#### ? Tuna bana:

##### Niveau prescolaire –

- Sik'oyo, Eli asosolaki ete nani moto azalaki kobenga Samuel? (Nzambe)

##### Niveau primaire –

- Eli apesiki Samuel conseil ete, soki moto abengi ye lisusu, alobaki nini? ("Mokonzi, loba na yo ; nazali koyoka yo naz'o yoka yo.")

##### Niveau secondaire –

- Ndenge nini omoni conseil ya Eli na Samuel? (Malamu po azalaki lokola kofongola na koyoka maloba na Nzambe.)

#### Bana basala bageste:

Bana batiá maboko pemonguna ya matoyi na bango lokola bazali koyoka. Baloba ete: "Mokonzi, loba na yo; nazali koyoka yo nazali koyoka."

#### Bana bayemba pe babina:

Soki Nzambe abengi lisusu, Samuel asengeli kondima. Soki Nzambea bengi lisusu, Samuel asengeli koyoka.

### 3.4 Samuel andimaki pe ayokaki maloba na Nzambe. 1 Samuel 3:10-14

#### Tangela Bana:

10 Yawe ...abengaki Samuel ndenge ya liboso ete: "Samuel ! Samuel!" Samuel

azongisi: "Loba na yo; ngai mosali na yo nazali koyoka."

11-12 Bono Yawe alobi Samuel ete: « ngai nasali ...na famille ya Eli makambo nyonso oyo na lobaki...

13 Na yebisaki ye ete nazali kopesa famille na ye etumbu oyo ezangi suka po Bana na ye bafingaki ngai; ye Eli azalaki koyeba ete bazali kosala makambo ya mabe, kasi azalaki kosala eloko moko te.....

#### ? Tuna bana:

##### Niveau prescolaire –

- Nzambe abengaki Samuel lisusu, to abengaki te? (Abengaki lisusu.)

##### Niveau primaire –

- Makambo oyo Nzambe ayebisaki Samuel etalaki etumbu ya nani? (Famille ya Eli)

##### Niveau secondaire –

- Tomoni deja ndenge Bana ya Eli basalaki mabe, ndenge bazalaki koluka makambo na Nzambe. Nzambe alobi ndenge Basalaki ezalaki lokola bazali kosalela nini na ye? (Kofinga ye.)

#### Bana basala bageste:

Bana baningisa motù na bango pe batalisa elongi ya mawa po na etumbu oyo makasi Nzambe akopesa na famille ya Eli.

#### Bana bayemba pe babina:

Mawa, mawa, etumbu na famille ya Eli.

### 3.5 Samuel Alingaki te koyebisa Eli, kasi abondelaki Samuel, yango wana ayebisaki etumbu oyo Nzambe akopesa famille na ye. Ebongo Nzambe abandaki kosalela na Samuel lokola prophete na ye. 1 Samuel 3:15-21

#### Tangela Bana:

15 Samuel alalaki kaka tii na tongo...kasi Abangaki na kende koyebisa Eli makambo ya emoniseli oyo amonaki.

16 Eli abengaki ye ete: « Mwana na ngai Samuel!" Samuel alobi: "E Papa."

17 Eli atunaki ye ete: "Makambo nini Yawe ayebisaki yo, kobombela ngai eloko te...."

18 Yango wana, Samuel abetelaki Eli makambo nyonso abombaki....Eli alobaki: « Oyo ezali Yawe. Azali kosala makambo oyo amoni tè ezali malamumu. »

19 Samuel akoli. Yawe azalaki ná Ye. Akokisaki makambo nyonso oyo Samuel alobaki na kombo na ye.

20 Boye ete bato nyonso ya Israel... bayebaki ete ya solo, Samuel azali prophete ya Yawe.

4:1 Tango Samuel azalaki koloba, bato nyonso ya Israel bazalaki koyoka.

### ? Tuna bana:

#### Niveau prescolaire –

- Na suka, boni, Samuel ayebisaki Eli nini Nzambe alobaki, to ayebisaki ye te? (Ayebisaki Eli.)

#### Niveau primaire –

- Bato babandaki koyeba pe kososola ete Samuel azalaki nini? (Prophete ya Nzambe)

#### Niveau secondaire --

- Kanisa. Samuel abandaki lokola nini, pe akoma nini sik'oyo? (Ye abandaki lokola mwana-mosalisi na ndako ya Nzambe. Akomi prophete ya Nzambe oyo bato nyonso bakoyoka.)
- Okanisi nini po na eyano ya Eli? (Malamu. Atako azwaki etumbu, eyano na ye kolakisa lozito na Nzambe.)

### ✝ Bana basala bageste:

Bana batiá lisusu maboko pemonguna ya matoyi. Baloba bango na bango ete, “Koyoka Samuel. Nzambe azali koloba na ye.”

### 👤 Bana bayemba pe babina:

Samuel akomaki prophete, prophete, prophete Samuel akomaki prophete Nzambe alobaki na ye.

### >|< Kosilisa:

Tango Nzambe abengaki Samuel, Ayokaki maloba na ye. Na mikolo wana, Nzambe alobaki na bato, na ba prophete. Lel'oyo, Malakisi ya ba prophete wana, bakomi yango na kati ya Bible. Yango wana, kotanga Bible ezali ndenge ya liboso oyo toyokaka maloba na

Nzambe. Boni, tozali kotanga yango mingi? Bino oyo botangaka yango nanu te, boni, bosenga mokolo ya famille kotangela yo? Tango toyokaka Malakisi ya Bible, boni, tolobaka na motema na biso ete, “Ee, na lingi kotosa. Nalingi kosalela oyo ekopesa yo esengo, Nzambe”?

### ♥ Verse ya lel'oyo:

“Loba na yo;/ ngai mosali na yo/ na nazali koyoka.”/ 1 Samuel 3:10b

(Maloba oyo Samuel alobaki tango Nzambe abengaki ye)

Bana baloba yango mwa-moke-mwa-moke mbala misato. Sima, mwana moko oyo azali makasi akosalela Banzembo, atiá yango na nzembo pe atambwisa Bana mosusu na koyemba yango. Tiá bageste pe kobina yango.

### 👤 Banzembo ezali kokende nzela moko na Leson:

Bana bayemba ‘Ee, Mokonzi, Ee’ to nzembo mosusu oyo ezali kokende nzela moko na Leson oyo.

### 👋 Devoir po na bakristo:

Devoir nazali kopesa bino bakristo, yango oyo: mokolo nyonso na poso ezali koya, tanga mwa-moke ya Bible. Ebongo, komituna: Boni, awa nazali komona mobeko ya liboso ya liteya oyo esengeli natoso? Ezali nini? Ebongo, tiá makasi kotosa na yango to kosalela yango. Loba: “Ee” na Nzambe.

### ✝ Kobenga babungi na Yesu:

Mbala mosusu yo oyambi nanu te Yesu Kristu Mwana na Nzambe lokola Mobikisi na yo. Kotosa liboso-liboso oyo Nzambe azali koluka yango, kaka koyamba Yesu, kotiá motema na ye. Soki olingi tolimbola makamb'oyo koleka, to tosambela pe po na ngai, tikala sima ya Ecodim lel'oyo, pe tokosalisa yo.

### ==SUKA YA NZAMBE ABENGAKI SAMUEL

#### Soki ngonga ekokoka,

#### 👤 Teya mikanda ya Bible:

(Makanisi ezali na suka ya Mokanda oyo.)

## Leson 4 Makambo ya pasi pe ya soni esalemaki na bitumba. 1 Samuel 4:1-22

**Leson na mokuse:** Ba-philistin balongaki bato ya Israel na bitumba. Ebongo bato ya Israel basalaki mbeba monene na komema Sanduku na Nzambe na bitumba, pe ba-philistin bazwaki yango.

### I. Preparation ya Moniteur—

#### Tina ya Leson:

Tosalela te biloko na Nzambe na ndenge ya magie, kasi toluka moko, pe ezala ya solo.

#### Verse ya lel'oyo:

*Tango bino bokokota na pasi, / tango makamb'oyo nyonso ekokweela bino, / ndé bokoyeba/ koluka Yawe, / pe koyokela ye. / Kozongela 4:30*

#### Nzembo ezali kokende nzela moko na leson:

Luka nanu

### II. Revision—

#### Kolanda devoir ya Leson oyo eleki:

Na poso eleki, tosengaki bino bakristo kotanga mwa-moke ya Bible mikolo nyonso pe kosala makasi ya kosalela oyo otangaki. Nani asalaki makasi ya kosalela yango? Nani akoki koyebisa biso eloko moko oyo atangaki pe asalelaki maloba na Nzambe? [Moniteur, pesa mwa ngonga po na Bana bapesa eyano.]

#### Koyemba lisusu Ba-Leson oyo eleki:

Na poso eleki, tomonaki ete Nzambe alobaki na mwana Samuel. Nzambe alobaki ete akopesa etumbu na famille ya Eli po Bana na ye bazalaki kosala mabe mingi. Alobi pe ete Bana na ye mibale bakokufa kaka na mokolo moko.

Sango ya mawa mingi po na famille ya Eli !

### III. Koteya Leson Oyo—

#### Ebandeli:

Liboso Bana ya Israel kotaka na mokili oyo Nzambe apesaki bango, Moise ayebisaki bango, « Tango bino bokokota na pasi, tango makamb'oyo nyonso ekokweela bino, ndé bokoyeba koluka Yawe, pe koyokela ye (Kozongela 4:30). Ee, batango pasi oyo esengeli eya, ebongo na tango wana, basengeli kosala nini? [Moniteur, Bana pesa eyano: Koluka Nzambe pe koyokela ye.]

Kanisa ete Nzambe ayebisaki bango kukula bato nyonso oy bazalaki kobika liboso na mokili wana, kasi bato ya Israel basalaki yango kaka mwa-moke. Ebongo bato wana bakomaki banguna oyo bazalaki kopesa bango pasi tango nyonso.

#### Developpement (Malakisi monene ya Leson oyo na banzete 4):

**4.1 Ba-philistin balongaki bato ya Israel na bitumba, yango wana Israel amemaki Sanduku na Nzambe lokola elokó ya magie oyo ekoki kobikisa bango. 1 Samuel 4:1-5**

#### Tangela Bana:

1 Na Tango wana, bato ya Israel bakendeki kobunda bitumba na ba-philistin.

2 Ba-philistin ... balongaki bato ya Israel...

3 ...bambuta-muntu to to mibange ya Israel balobaki ete: "Pona nini Yawe atiki ba-philistin kolonga...? Bisu tokende kozwa Sanduku na Boyokani..., boye ete Yawe akozala na biso pe akobikisa biso na maboko ya banguna na biso."

4 Yango wana, batindaki bato ...na kozwa Sanduku na Boyokani ya Yawe... Bana mibale ya Eli...bayaki nzela moko ná yango.

5 Tango Sanduku na Boyokani eyaki kokoma na kati ya camp, bato ya Israel basepelaki mingi ; batiáki makelele mingi...

#### Tuna bana:

Niveau prescolaire –

- Bakendeki koluka, to kobunda bitumba? (Kobunda bitumba)

**Niveau primaire –**

- Babundaki na monguna nini? (Ba-philistin)
- Balongaki to balongaki te? (Balongaki te)
- Bakanisaki ete nini ekokaki kosalisa bango na kolonga? (Sanduku na Boyokani ya Yawe)
- Boni, Nzambe ayebisaki bango bamema Sanduku na Boyokani na ye na bitumba? (Bongo te)

**Niveau secondaire –**

- Nini azali koyebisa ete bato ya Israel oyo bamonaki Sanduku na Nzambe lokola ezalaki kaka elokó ya magie? bokanisi nini? (Bakanisaki lokola yango moko ezalaki na kanda, kasi ezalaki kaka eloko, Nzambe te.)
- Bakanisaki kokende kozwa Sanduku na Nzambe, kasi koleka malamu Basalaka nini? (Balukaki Nzambe. Kutuna ye nini basengeli kosala.)

**Bana basala bageste:**

Bana basala bageste ya mawa, pe balela lokola bazali komona bandeko kokufa na bitumba.

**Bana bayemba pe babina:**

Bato na Nzambe bamonaki tina ya lialisi  
Bakendeki kozwa Sanduku na Sanduku  
Bamonaki ete eloko wana ekoki kosalisa bango. O, o.

#### 4.2 Monguna azalaki na kobanga, kasi balongaki lisusu, bazwaki pe Sanduku na Nzambe, pe babomaki Bana ya Eli. Soni pe mawa!

**1 Samuel 4:6-11****Tangela Bana:**

*6 Ba-philistin bayokaki makelele wana...Tango bayebisaki bango ete baye komema Sanduku na Boyokani ya Yawe na camp ya bato ya Israel,  
7 kobanga esimbaki bango.....*

*10 Ba-philistin babundaki makasi, bato ya Israel bakweyisamaki, ebongo bakimaki na bamboka na bango. ...*

*11 Ba-philistin babotolaki Sanduku na Boyokani ya Yawe. Bana ya Eli, bango mibale... babangaki pe.*

**? Tuna bana:****Niveau prescolaire –**

- Po na koya ya Sanduku na Nzambe na camp ya Israel, monguna na bango azalaki na esengo to na kobanga? (Kobanga mingi)

**Niveau primaire –**

- Makambo nini oyo soni esalemaki na Sanduku na Nzambe kati ya bitumba? (Monguna azwaki yango. Ekendeki na maboko ya ba-philistin.)

**Niveau secondaire –**

- Pona nini ezalaki tina ete Bana mibale ya Eli pe bakufa na bitumba? [*Kanisa Leson oyo eleki.*] (Mwana Samuel ayebisaki Eli maloba na Nzambe ete ekosalema.)
- Basaleli Sanduku na Nzambe—Sanduku na Boyokani—lokola elokó ya magie. Ndenge nini okanisi bayokaki na tango monguna asimbacki yango? (Pasi mingi po ezalaka esika oyo Nzambe azalaki kokutana ná bango pe symbole ya Nzambe na kati na bango.)

**Bana basala bageste:**

Makambo misato oyo mawa esalemi, ebongo Bana balela makasi mbala misato sima na yango baloba phrase nyonso:

1. Monguna azwi Sanduku na Nzambe!
2. Mwana ya Eli ya liboso akufi!
3. Mwana ya Eli ya mibale akufi!

**Bana bayemba pe babina:**

Monguna azwi  
Sanduku na Nzambe  
O soni, mawa, mawa, mawa!

#### 4.3 Mawa lisusu. Tango Eli ayokaki sango wana, ye pe akufaki. 1 Samuel 4:12-18



**📖 Tangela Bana:**

12-13 *Na mokolo yango wana, moto moko...akimaki bitumba; ayaki lisusu ... bilamba ya kopasoka-pasoka, pe mabelé na motù po na kolakisa mawa na ye...tango akotaki na mboka na koyebisa bato sango wana, bato nyonso babandaki kotia milolo.*

14 *Eli ayokaki makelele yango, pe atunaki ete: "Makelele ya nini bato bazali kotia?" Na lombangu moto yango ayaki koyebisa Eli makambo nyonso...*

16 *Moto yango alobaki ete: "Ngai na wuti na bitumba lel'oyo. Nayé kokima." Eli atunaki ye ete: "Bonni mwana na ngai?"*

17 *Moto wana ete: "Bato ya Israel bakimi ba-philistin, tokweyisami penza. Ata Bana na yo (mibale), babomi bango. Sanduku na Nzambe pe, babotoli yango."*

18 *Tango moto yango atangaki kombo ya Sanduku na Boyokani, Eli alongwaki likolo ya kiti..., pe akwei...pe abukanaki kingo ... pe akufaki, po azalaki mpaka to mobange oyo anuna mingi pe kilo mingi pe....*

**? Tuna bana:****Niveau prescolaire –**

- Tango Eli ayokaki ete monguna azwi Sanduku na Nzambe, ye asalaki nini? (Ye ayokaki ; pe akufaki.)

**Niveau primaire –**

- Basaleli Sanduku na Nzambe lokola elokó ya magie. makambo nini ya malamumu esalamaki sima? (Ata eloko moko te ya malamumu. nyonso ya mawa pe ya soni.)

**Niveau secondaire –**

- Ndenge nini makamb'oyo nyonso esalisaki banguna na bango na koyeba Nzambe? (Esalisaki bango te ata mbala moke.)

**👤 Bana basala bageste:**

Kingo ya Eli akweyaki, yango wana, Bana basimba kingo na bango.

**👤 Bana bayemba pe babina:**

Banguna bazwi Sanduku na Nzambe.  
O mawa, mawa!

**4.4 Soni lisusu. Mwasi ya Pihnas abotaki mwana mpbali pe apesaki ye kombo ya I-Kabod, elimboli ete, « Lokumu na Nzambe elongwé na Israel ». Ebongo, ye pe akufaki. 1 Samuel 4:19-22**

**📖 Tangela Bana:**

19 *Bokilo ya Eli...akumbaki zemi... Tango ye azwaki sango ete Sanduku na Nzambe babotoli yango, bokilo na ye pe mobali na ye bakufi, bongo ndé e simbaki Ye, azalaki na mabele, abotaki mwana....*

21-22 *...Alobi ete: "Lokumu ya Nzambe elongwé na Israel! Sanduku na Nzambe babotoli!" Yango wana, apesaki mwana na ye kombo I-Kabod, (elimboli ete lokumu elongwé.)*

**? Tuna bana:****Niveau prescolaire –**

- Kaka tango wana, bokilo ya Eli asalaki nini? (Abotaki mwana.)

**Niveau primaire –**

- Kombo ya mwana wana nani? (I-Kabod,)
- Nlimbola ya kombo I-Kabod, ezali nini? (Lokumu elongwé na Israel.)

**Niveau secondaire –**

- Ndenge nini lokumu na Nzambe elongwé na Israel? (Po monguna azwi Sanduku na Boyokani, esika lokumu na Nzambe azalaki komonana na kati na bango.)

**👤 Bana basala bageste:**

Bana basala bageste lokola bazali kosimba mwana ya sika, kasi batalisa esengo te. Baloba kaka "I-Kabod,! I-Kabod,! Lokumu na Nzambe elongwé na biso."

O mawa, malamumu tolela Sanduku na Nzambe lokola elokó ya magie te!

**>|< Kosilisa:**

Bana, Sanduku na Nzambe ezalaki elokó ya malamumu. Nzambe ye moko ayebisaki bango lolenge ya kotonga yango. Lokumu na ye emonanaki na likolo na yango. Kasi ezalaki Nzambe te ete balukaki yango po na kosalisa bango. Malamumu balukaka lisalisi na Nzambe ye moko. Alingaki kosalisa.

Tokanisi ete soki totié Bible na ndako na biso, Nzambe esengeli apambola biso po na eloko wana. Tokanisi te ete soki totié equipe na biso ya football na kombo « Bana na Nzambe » ete Nzambe esengeli nungisa biso kaka. Tokanisa te ete soki tozwa eteni ya nsuki ya pasteur pe bumba yo, ete tosengeli alongisa biso na examen. Oyo nyonso ezali lokola kosalela magie, ata tosali yango na biloko ya malamumu lokola Bible. Toluka lisalisi kaka na Nzambe ye moko. Ye moko akoki kosalisa biso!

**♥ Verse ya lel'oyo:**

*Tango bino to zali kokota na pasi, / tango makamb'oyo nyonso ekokweela bino, / ndé bokoyeba/ koluka Yawe, / pe koyokela ye. / Kozongela 4:30*

**🧠 Banzembo ezali kokende nzela moko na Leson:**

Yemba « Luka nanu to nzembo mosusu oyo ezali kokende nzela moko na Leson.

**✋ Devoir po na bakristo:**

Bino oyo boyebi Yesu Kristu na bomoi na bino, devoir nazali kopesa bino poso ezali koluka lisalisi na Nzambe ye moko na makambo nyonso oyo bazali na yango tina.

**✝ Kobenga babungi na Yesu:**

Soki Nzambe azali koyebisa yo ete oyebi ye nanu te, yakaa na ye lel'oyo. Bongola motema pe tiá motema na ye. Ye Mwana-Nzambe azali kozela yo. Akofaki po na mabe na yo. Asekwaki na kufa. Azali na makasi ya kobikisa yo soki okobenga kombo na ye. Pa akoki kokomisa yo molandi na ye.

Tozali awa poso nyonso na sima ya Ecodim soki ozali koluka lisalisi na makambo wana, yaka.

**==SUKA YA MAKAMBO YA PASI PE YA SONI  
ESALEMAKI NA BITUMBA**

**Soki ngonga ekokoka,**

**📖 Teya mikanda ya Bible:**

(Makanisi ezali na suka ya Mokanda oyo.)

## Leson 5 Ekeko ya Dagon ekweyaki elongi liboso ya Sanduku na Boyokani na Nzambe. 1 Samuel 5:1-12

### I. Preparation ya Moniteur—

#### Tina ya Leson:

Biso bakristo toboya milimo mabe, po toyebi ete tokoki kolonga bango, po Molimo na Nzambe ezali kati na biso.

#### Verse ya lel'oyo:

...*Bana na Nzambe. Bosi'bolongi ba-prophete wana ya lokuta; pamba té Molimo oyo azali na bino aleki milimo oyo ezali na bato ya mokili.*  
1 Yoane 4:4

#### Nzembo ezali kokende nzela moko ná leson:

#### Yoka Bible, verse oyo:

Yoka Bible, Tanga Bible  
'Bongo yo 'okozwa  
Makasi ya Molimo, Makasi ya Molimo  
na Nzambe ! Na Nzambe !

#### Banzambe mosusu

Kan-isa-mabee mosusu  
Bato basali yo  
Kaka yo Nzambe  
Osalaka biso!

### II. Revision—

#### † Kolanda devoir ya Leson oyo eleki:

Na poso eleki, topesaki bino bakristo devoir ya koluka lisalisi ya Yesu na nyonso oyo bolongi kosala. Nani akoki koyebisa biso lolenge moko oyo olukaka lisalisi ya Yesu na poso oyo?  
[Moniteur, pesa Mwana moko akolinga koloba na ndenge ya mokuse. Feliciter bango oyo basali makasi na kosala devoir.]

#### † Koyemba lisusu Ba-Leson oyo eleki:

Bokokanisa ete na tango ya Moïse, Nzambe ayebisaki bango ndenge nini kosalela eloko moko oyo babengaki "Sanduku na Boyokani" to na mokuse, "Sanduku na

Nzambe." Nzambe azalaki kokuta banganga-Nzambe na bango kuna. Azalaki komonisa lokumu na ye kuna. Apesika banbo mibeko ndenge nini kosalela Sanduku wana, po ezalaka Sanduku, eloko na Nzambe.

Kasi basalaki makasi te na kolanda mibeko yango. Babandaki koyemba po na Sanduku wana lokola eloko moko ya magie—fetiche.

Bazalaki kokweyisama na bitumba oyo bazalaki kobunda na ba-philistin. Malamu Bakendeke na Nzambe kosenga lisalisi na ye, kasi Basalaka yango te. Bakendeke kosimba Sanduku na Nzambe, komema yango na kati ya bitumba lokola ye moko akoki kosalisa bango—lokola fetiche.

Nani akanisi makambo ya mawa oyo esalamaki? Ee, balongaki te lisusu na bitumba, monguna abomaki Bana ya Eli, Nganga na Nzambe, pe monguna asimbacki Sanduku na Nzambe pe akendeke na yango!

### III. Koteya Leson Oyo—

#### Ebandeli:

Lel'oyo, tokomoni nini esalamaki na Sanduku nango. Okumi sik'oyo na maboko ya ba-philistin, bato oyo basambelaka bikeko, pe babolingoka Nzambe te.

#### Developpement (Malakisi monene ya Leson oyo na banzete 4):

#### 5.1 Ba-philistin batiáki Sanduku na Nzambe na kati ya ndako ya bikeko na bango.

#### 1 Samuel 5:1-2

#### Tangela Bana:

1 Tango ba-philistin babotolaki Sanduku na Nzambe esili, balongolaki yango na mboka (ya bato ya Israel), bamemaki yango na mboka (na bango).

2 Bakotisaki yango na ndako na nzambe na bango Dagon, batelimisaki yango pene ya ekeko ya Dagon.

NB: Niveau secondaire: Ba pakano nyonso bazalaki na bikeko oyo bazalaki moto na

*likolo partie ya nzoto, mbisi ya mai na mabele. Basambelaki Molimo ya mabe oyo emonanaka ndenge wana. Ba-philistin bengaki Molimo wana 'Dagon'. Bato ya Congo babengi Molimo wana 'Mami Wata.' Boni, oyoki makambo ya Molimo oyo?*

### ? Tuna bana:

#### Niveau prescolaire –

- Ba-philistin batiáki Sanduku na nani wapi—na ndako na Nzambe to na ndako ya bikeko? (Na ndako ya bikeko)

#### Niveau primaire –

- Ba-philistin batiáki Sanduku na Nzambe na kati ya bikeko nini? (Dagon, ekeko na bango)

#### Niveau secondaire –

- Na kati ya ndako ya bikeko na bango, batiáki Sanduku na Nzambe wapi? (Pe monguna ya bikeko na bango Dagon)

### Bana basala bageste:

Bana basala lokola bazali ba-philistin, bazali komema Sanduku na Nzambe, lokola bazali kotiá yango na ndako na bikeko.

### Bana bayemba pe babina:

Ba-philistin  
Batiáka Sanduku na Nzambe  
Na ndako ya bikeko. Mawa!

## 5.2 Mbala mibale, ekeko Dagon ekweyaki elongi na mabele, liboso ya Sanduku na Nzambe. Nzambe pe akwelaki ba-philistin na maladi. 1 Samuel 5:3-6

### Tangela Bana:

*3 Na tonono-tono, bato... bayaki komona ete ekeko ya Dagon ekweyi elongi na mabele, liboso ya Sanduku na Nzambe. Bazwaki ekeko wana, bazongisi yango na esika na yango.*

*4 mokolo elandaki, na tonono-tono, bayaki komona ete, ekeko ekweyi lisusu liboso na*

*Sanduku na Yawe ; motù na yango pe maboko na yango elongwé...*

*6 Yawe apesaki bato ya mboka ... etumbu monene penza pe kobanga ; ba- bibon ebimaki-bimaki bango nyonso...*

### ? Tuna bana:

#### Niveau prescolaire –

- Ee to te? Bikeko na Nzambe ekweyaki elongi na mabele liboso na Sanduku na Nzambe. (Ee, boye nde.)

#### Niveau primaire –

- Mikolo boni ekeko ekweyaki elongi na mabele liboso ya Sanduku na Nzambe? (Mikolo mibale)
- Nini akweyaki na ekeko wana? (Motù ná maboko na yango)
- Etumbu nini Nzambe apesaki ba-philistin? (Ba- bibon ebimi bango nyonso.)

#### Niveau secondaire –

- Pona nini Nzambe apesaki bango etumbu? (Po batiá Sanduku na ye na ndako ya bikeko.)
- Kokweya ya ekeko liboso ya Sanduku na Nzambe, elakisaki nini? (Nzambe aleki monene pe molimo na bikeko eyebaki yango.)

### Bana basala bageste:

Bana basala lokola ba-philistin. Bakamwa makasi tango bamoni ete ekeko na bango ekwe na mabele. Sima, babandi komona makwanza mingi po mbuma ezali kobima bango.

### Bana bayemba pe babina:

Molimo ya bikeko emonaki monene na Nzambe.

Ekweyaki na mabele  
Na elongi na ye.

**5.3 Yango wana, balongolaki Sanduku na Nzambe. Batindaki yango na mboka mosusu, kasi tango ekotaki mboka, Nzambe akweyisilaki bato kuna na maladi. 1 Samuel 5:7-9**

 **Tangela Bana:**

*7 Tango bamonaki makamb' oyo ekweyilaki bango, balobaki ete, "Nzambe ya Israel apesi biso etumbu.... Malamu Sanduku na Boyokani ezala lisusu te na kati na biso."*

*8 ...bakonzi ...ya Ba-philistin... ete: "...amemi yango na mboka (mosusu)." Ebongo amemaki yango...*

*9 Kasi tango Sanduku ekomaki na mboka..., Yawe apesaki mboka wana etumbu, akumisaki yango buluyeke. Ye atindelaki bato maladi ya ba- bibon....*

**? Tuna bana:**

**Niveau prescolaire –**

- Ee to te! Bamemaki Sanduku na Nzambe na mboka mosusu. (Ee, boye nde.)

**Niveau primaire –**

- Nani akataki kotinda Sanduku na Nzambe na mboka mosusu? (Bakonzi ya Ba-philistin)
- Nini asalemaki tango yango ekomaki na mboka mosusu? (Nzambe apesaki bato nyonso kuna etumbu.)

**Niveau secondaire –**

- Pona nini Nzambe apesaki bato ya mboka wana etumbu? (Mbala mosusu ayebisa bango ete ya solo Sanduku ezalaki ya Yawe, pe asepelaki te po basimbaki yango.)

 **Bana basala bageste:**

Bana basala lokola bazali bato ya mboka ya mibale. Bango nyonso bakende komona koya ya Sanduku. Kasi tango bamonaki yango, babandi kobela ba- bibon ya pasi.

 **Bana bayemba pe babina:**

Na mboka ya mibale, pasi mingi  
Ba- bibon etungisi bango.

**5.4 Balongolaka Sanduku na Nzambe lisusu, ebongo batindaki yango na mboka ya misato. Kasi tango ekotaki na mboka, Nzambe akweyisilaki bango pe maladi. 1 Samuel 5: 10-12**

 **Tangela Bana:**

*10 Yango wana, batindaki Sanduku (na Nzambe) na mboka ya misato. Tango ekomaki kuna, bato yano bagangakipe balobi: « Baye komema Sanduku na Boyokani ya Nzambe ya Israel awa po na koboma biso nyonso!"*

*11 Babengaki lisusu bakonzi nyonso ya Ba-philistin, balobelaki bango ete: "Bozongisa Sanduku...ya bato ya Israel na esika oyo ezalaki, boye ete ekoboma biso te ná bato na biso." Po maladi ezalaki nanu ekoti na mboka, kobanga pe somo ya liwa esimbi bato.*

*12 Ata bato bakufaki te, kasi bamonaki pasi na ba- bibon...*

**? Tuna bana:**

**Niveau prescolaire –**

- Bato bazwaki malady nini—malaria to ba- bibon? (Ba- bibon)

**Niveau primaire –**

- Milolo ya bato na mboka ya misato, elakisaki nini? (Bato bazalaki na kobanga ete bango pe bakokufa.)
- Bato na mboka ya misato esika bamemaki Sanduku, boni, bakufaki? (Bakufaki te, kasi babimaki ba- bibon, ebongo bazalaki na kobanga ete bakokufa.)

**Niveau secondaire –**

- Soki ozalaka moto ya mboka ya misato, obolingoki koyemba nini?  
[Moniteur, yoka makanisi ya Bana.]

- Pona nini Nzambe apesaki bango etumbu wana? (Po basosoli ete basali mabe, pe basosoli ete Nzambe azali kaka Nzambe.)

### Bana basala bageste:

Bana batiá milolo pe bageste ya kobanga lokola bato nya mboka ya misato ya ba-philistin.

### Bana bayemba pe babina:

*Bana bayemba nzembo, "Banzambe mosusu:"*

Banzaaa-mabe mosusu  
Bato basali yango  
Kaka yo ozali Nzambe  
Oyo asalaki biso!

### >|< Kosilisa:

Bana, ekeko Dagon akweyaki elongi liboso ya Sanduku na Nzambe po molimo wana ya mabe, eyebaki ete Nzambe aleki monene. Molimo na Nzambe azali na kati na bato na ye, Molimo wana aleki milimo nyonso ya mabe. Yango wana, bakristo, tozali na kobanga te po na milimo mabe. Tozali kolanda pe makombo na bango te, po Nzambe na biso aleki monene, aleki monene, aleki monene!

### ♥ Verse ya lel'oyo:

*...Bana na Nzambe. Bosi'bolongi baprophete wana ya lokuta; pamba té Molimo oyo azali na bino aleki milimo oyo ezali na bato ya mokili. 1 Yoane 4:4*

*[Moniteur, Bana baloba yango sima na yo phrase par phrase. Baloba yango mbala misato. Sima, bososola bageste pe baloba yango mbala misato lisusu.]*

### Nzembo ezali kokende nzela moko ná leson:

### Yoka Bible, verse oyo:

Yoka Bible, Tanga Bible  
'Bongo yo okozwa  
Makasi ya Molimo, na nguya ya Molimo  
na Nzambe! Na Nzambe!

### Banzambe mosusu

Banzaaa-mabe mosusu  
Bato basali yango  
Kaka yo ozali Nzambe  
Oyo asalaki biso!

### Devoir po na bakristo:

Bana, boni, milimo mabe ezali kotungisa yo? Boni, Ozalikobanga ete bakosala yo mabe? Kaka senga Nzambe akosalisa yo. Azali na nguya koleka milimo nyonso ya mabe. Azali Yawe, ya nguya nyonso. Luka lialisi na ye.

### Kobenga babungi na Yesu:

Kasi sosola makamb'oyo: Soki obongoli motema nanu te na kolanda Yesu Kristu, milimo ezali kokonza yo. Ozali na Molimo na Nzambe nanu te na kati na bomoi na yo.

Nzambe apesaki Mwana na ye ya bolingo po na yo, na ndenge ete okoka kozwa bomoi, na ndenge yango milimo mosusu ekonza yo lisusu te na mabe na bango, kasi Yesu Kristu akonza yo malamumalamu na ye. Soki ondimeli ete ayaki lisusu, abomaki po na yo, soki omilengeli na kobongola motema po olanda ye lokola Mokonzi na yo, kaka benga kombo na ye. Akozala na esengo ya kobikisa yo.

### ==SUKA YA LESON 5

Soki ngonga ekokoka,

### Teya mikanda ya Bible:

(Makanisi ezali na suka ya Mokanda oyo.)

## Leson 6 Sanduku na Nzambe ezongaki, pe bato ya Israel bayambaki yango na esengo. 1 Samuel 6:1-18

### I. Preparation ya Moniteur—

#### Tina ya Leson:

Tosepela na makambo nyonso ya malamu oyo Nzambe apesa biso.

#### Verse ya lel'oyo:

*Malamu bapesa Yawe Merci/  
po na bolingo oyo alingaka biso, /  
po na makambo ya kokamwa/ oyo asalelaki  
bango. / Banzembo 107:8*

#### Nzembo ezali kokende nzela moko ná leson:

##### **Kumisa Nzambe**

Kumisa Nzambe na esengo (3x)  
Aleluya! Na esengo!

##### **Bandeke bazali Koyembela**

Bandeke bazali Koyembela ye  
Ba-anjelu bakokumisa  
kombo na Ye  
Bafololo ezali kotalisa  
kitoko na bango  
'Bongo biso Bana na ye  
Tokumisa ye pe!

### II. Revision—

#### Kolanda devoir ya Leson oyo eleki:

Na poso eleki, tomonaki ete Molimo na Nzambe ezali na kati na biso bakristo, pe aleki na nguya milimo nyonso ya mabe, milimo ya biteke. Na poso eleki, nani alukaki lialisi na Nzambe kolonga Molimo mabe? Nani akoyebisa biso nini esalemaki? [Moniteur, soki mwana azali, akoki koloba na mokuse nini esalemi na ye na ndenge Nzambe asalisaki.]

#### Koyemba lisusu Ba-Leson oyo eleki:

- Na poso eleki, Sanduku na Nzambe azalaki wapi? (Na kati ya ndako ya bikeko ya ba-philistin)

- Ndenge nini ekomaki kuna? (Bato ya Israel batiáki yo na kati ya bitumba na makanisi ete ekosalisa bango, kasi ba-philistin basimbaka yango.)
- Sanduku wana ezalaki nini? (Boite tres speciale, esika ya lokumu oyo Nzambe azalaki komonana)
- Wapi esika Nzambe ayebisaki bango batiá yango? (Na esika eleki mibeko ya ndako ya losambo ya tenta na bango.)

### III. Koteya Leson Oyo—

#### Ebandeli:

Makambo ya mawa esalemi na bato ya Israel. Banguna na bango, bato oyo babolingoka Nzambe te, ba-philistin, basimbi Sanduku na Nzambe. Kasi Nzambe azalaki na esengo na yango te, yango wana, esika nyonso ekendeki, ememelaki bango pasi. Ba-bibon ebimaki na bato esika nyonso oyo bakendeki. Na suka, batiaki yango na kati ya mboka te, kasi na esobe esika bato bazalaki te. Ata kuna, Nzambe abimisakiba-puku mingi na mabele, baliaki bilei na bilanga ya bato ya Ba-philistin. Oyo nyonso esalemaki po bayibaki eloko esantu koleka, Sanduku na Nzambe.

#### Developpement (Malakisi monene ya Leson oyo na banzete 4):

**6.1 Sima ya basanza 7, banganga-ngombo ya Ba-philistin bakataki ete esengeli bazongisa Sanduku na Nzambe, pe batinda mabonza po na kosenga Pardon n. 1 Samuel 6:1-6**

#### Tangela Bana:

*1 Sanduku na Boyokani ya Yawe eumelaki basanza sambo na maboko ya ba-philistin.*

*2 Bongo, babengaki... banganga-ngombo, batunaki bango ete: « ...Sanduku na...Nzambe ...Boyebisa biso ndenge nini tosengeli kozongisa yango na esika na yango. »*

*3 Balobaki ete: « bozongisa yango te ya pamba ...kasi bosengeli kotindela yango ná mabonza po na mabe na bino.... »*

4 ...Botindela yango bikeko mitano ya or pe mitano bapuku, nyonso oyo...po na mokonzi nyonso ya ba-philistin....

5 ...bopesa lokumu na Nzambe ya Israel. Mbala mosusu akopesa bino lisusu etumbu te....

### ? Tuna bana:

#### Niveau prescolaire –

- Boni, ba-philistin esengeli keba Sanduku na Nzambe, to basengeli azongisa yo? (Basengeli kozongisa yango.)

#### Niveau primaire –

- Basanza boni ba-philistin bamonaki etumbu na Nzambe po bayibaki Sanduku na baninga na bango? (Basanza sambo-7)
- Bakanisaki kozongisa yango ná nini mosusu po na kosenga Pardon n? (Mabonza ya or)

#### Niveau secondaire –

- Or oyo batindi, ekozala te, soki bongo te, kasi basengeli kotia yango na forme nini? (Bikeko ya ba- bibon pe ya ba-puku)
- Pona nini batiaki yango na forme wana? (po elakisaki bitumbu na Nzambe azalaki kopesa bango.)



### Bana basala bageste:

Bana basala bageste lokola bazali kosala ba-bibon pe ba-puku ya or. Baloba ete, «O, Nzambe ya Israel, tosengi na yo, Pardon n! »



### Bana bayemba pe babina:

Ba-philistin kanisaki kosenga Pardon n Bazongisa Sanduku na Nzambe. Bapesa Nzambe mabonza.

## 6.2 Ba-philistin batalaki malamumu ete maladi oyo ekweili ezalaki solo lobiko na Nzambe, kaka chance te.

### 1 Samuel 6:7-9



### Tangela Bana:

7 Boye nde bobongisa pusu-pusu ya sika, bozwa ngombe mibale oyo ezali komelisa Bana na bango, oyo esala nanu mosala te ; bokanga yango pusupusu, ebongo bozongisa Bana na yango na ndako ya bangombe.

8 Bozwa Sanduku na Boyokani na Yawe, botia yango likolo ya pusu-pusu; ebongo bikeko ya wolo oyo bozali kotindela Nzambe ya Israel, mabonza po na mabe na bino, botia yango na sanduku mosusu pene-pene na Sanduku na Boyokani. Sik'oyo, bopusa yango liboso, ekende.

9 ...soki ekei na ngambo ya mboka (na Israel), baloba ete Nzambe ya bato ya Israel Moto atindeli biso pasi oyo ya makasi ; soki ekeyi na ngambo mosusu, boye nde toko yeba ete ye te Moto atindeli biso ba-pasi wana, kasi eyelaki biso kaka boye nde. »

### ? Tuna bana:

#### Niveau prescolaire –

- Bakozongisa Sanduku na Nzambe na bwatu, to na carte oyo ba-ngombe ezali komema? (Na carte oyo ba-ngombe ezali komema.)

#### Niveau primaire –

- Nini ba-ngombe esengeli emema carte—baoyo bakomi ba-mpakz, oyo banuni, to oyo aboti mwana sika-sik'oyo? (Oyo aboti mwana)
- Soki ngombe ebote mwana, pe bakolongola mwana wana, bakosalela nini? (Akokende koluka mwana wana. [Longi, oyo ezali ndenge bazali kotala malamumu-malamumu soki Nzambe atindi etumbu na bango. Soki ngombe ekeyi mbala moko na mboka na Israel, ekozalaekamwiseli, po ekozala contre nature na ye.]

#### Niveau secondaire –

- Basalelaki ba-ngombe oyo esali nanu mosala te. Bamemi carte nanu te. Po na nini baponaki ba-ngombe ya ndenge wana?



(Po nature ya nature mbala ya liboso bapesi ye mosala ezali kotosa te. Yango wana, soki ba-ngombe bamemi carte kozanga pasi, bo ekomona yango lokola signe oyo Nzambe apesi.

### **Bana basala bageste:**

Bana basala bageste lokola bazali kotia carte na ba-ngombe, kotia Sanduku na lola na yango, kotia pe ba-bibon pe ba-puku ya or na sanduku mosusu, kotia yango pe.

### **Bana bayemba pe babina:**

Basalaki nyonso  
Kozongisa Sanduku na Nzambe.

## **6.3 Nzambe asalaki ekamwiseli ete yango ezonga na Israel. 1 Samuel 6:10-12**

### **Tangela Bana:**

10-11 Basalaka kaka boye nde...

12 Ba-ngombe elandi mbala-moko nzela ya (mboka ya Israel - Beth-Schémesch) ekendeki kaka tii kuna na mboka ezali kolela bana na yango, elandaki bobele nzela mosusu te. Bakonzi wana mitano ya Ba-philistin basalaki kolanda yango tii kuna na ndelo ya (mboka pene-pene ya Israel).

### **? Tuna bana:**

#### **Niveau prescolaire –**

- Ba-ngombe bakendeki wapi?  
(Na mboka pene-pene ya Israel)

#### **Niveau primaire –**

- Ba-ngombe bakendeki mbala moko na mboka pene-pene ya Israel. Oyo elakisaki nini? (Ete ya solo Nzambe moto azalaki kopesa etumbu na ba-philistin.)

#### **Niveau secondaire –**

- Bato mosusu ya Ba-philistin basalaki nini? (Balandaki yango na kobombana komona nini ekosalema.)

### **Bana basala bageste:**

Bana basala bageste lokola bazali ba-ngombe. Bana na bango bazali na gauche,

mboka ya Israel ezali na droite. Bakende mbala moko na droite, kolela Bana na bango na nzela.



### **Bana bayemba pe babina:**

Ba-ngombe bakendeki mbala moko  
Na mboka ya Israel.

Sanduku na Nzambe ekendeki pe ezonga na Israel. O yea!

## **6.4 Bato ya Israel bazongisaka matondo na Nzambe po Sanduku ezonga na kati na bango. 1 Samuel 6:13-18**



### **Tangela Bana:**

13 Bato ya (mboka ya Israel - Beth-Schémesch) ....bamoni Sanduku ya Boyokani ezali; esengo esimbaki bango na komona yango.

14 Pusu-pusu eyaki tii na elanga ya...moto ya (mboka ya Israel); Etelami pene-pene na libanga monene. Bato (bapesaki) mabonza na Yawe.

15 Bato ya libota ya Levi balongolaki Sanduku na Boyokani pe sanduku wana ezalaki na ekeko ya wolo, ebongo batiaki yango likolo ya libanga wana monene....

16-18 Bakonzi wana mitano ya Ba-philistin basalaki kotala bango, ebongo mokolo yango wana, bazongaki na mboka (na bango)....

### **? Tuna bana:**

#### **Niveau prescolaire –**

- Bato ya Israel basalaki na esengo to na mawa komona ete Sanduku ezongi?  
(Esengo mingi)

#### **Niveau primaire –**

- Bazongisaki na Nzambe ndenge nini?  
(Bapesaki ye mabonza.)
- Bato ya libota ya Levi batiaki Sanduku na Nzambe wapi? (Likolo ya libanga monene na elanga ya moto moko.)

**Niveau secondaire –**

- Nani azalaki kolanda bango po na komona nini ekosalema?  
(Bakonzi mitano ya Ba-philistin)

**👤 Bana basala bageste:**

Bana nyonso bakotalisa esengo mingi po Sanduku na Nzambe ezongi na bango.

**👥 Bana bayemba pe babina:**

Sanduku na Nzambe ezonga  
O mokolo ya esengo!

**➤|< Kosilisa:**

Nzambe asaleli bato ya Israel makambo moko ya malamumu ete Sanduku na Nzambe ezongi na kati na bango. Lokumu na Ye ekoki komonana lisusu na kati na bango. Yango wana, bayokaki esengo pe bazongisaki ye matondo.

Makambo nini ya malamumu Nzambe asali na yango?

Boni, apesi yo bomoi lelo? Famille? Bilei pe mai pe mupepe? Boni, alimbisi mabe na yo? Malamumu okumisa kombo na ye na nyonso ya malamumu abasali yo.

**♥ Verse ya lel'oyo:**

*Malamumu bopesa Yawe Merci/  
po na bolingo oyo alingaka biso, /  
po na makambo ya kokamwa/ oyo asalelaka  
bango. / Banzembo 107:8*

*[Moniteur, Bana bakoki koloba mwa-moke-mwa-moke, phrase na phrase, sima na yo. Baloba yango mbala misato pe expression mingi. Sima, kobola bango na biteni minei. Pesa eteni nyonso na Bana phrase moko. Bango nyonso baloba Adresse. Sala ndenge*

*wana mbala 3 to 4 lisusu.]*

**🧠 Banzembo ezali kokende nzela moko na Leson:**

Bana bayemba moko ya Banzembo oyo ezali kokende nzela moko na Leson.

**👋 Devoir po na bakristo:**

Bino oyo boyebi Yesu Kristu lokola Mobikisi pe Mokonzi na bino, devoir nazali kopesa bino poso ezali kokumisa Nzambe mikolo nyonso na makambo ya malamumu oyo asali yo.

**✝ Kobenga babungi na Yesu:**

Soki oyebi Yesu Kristu nanu te na bomoi na yo, nini ezali kokanga yo nzela ya kobenga kombo na ye, kobongola motema na yo, obanda kolanda ye? Raison atikaki esikao na ye likolo, akitaki na awa na sé, po na kobikisa yo. Raison oyo amonaki pasi pe akufaki na likolo ya ekulusu, po na kozwa mokumba ya masumu na yo. Raison asekwaki na kufa, po okoka kozwa bomoi.

Kokoma mokristu, esengelaki omona pasi po na masumu na yo, ebongo obongola motema. Tiá motema na ye. Akopesa yo motema ya sika, pe okokoma moyekoli na ye.

Soki moto azali koluka lisalisi na makambo wana, nakozala na esengo mingi ya kosalisa yo sima ya Ecodim.

**==SUKA YA LESON 6****Soki ngonga ekokoka,****📖 Teya mikanda ya Bible:**

(Makanisi ezali na suka ya Mokanda oyo.)

## Leson 7 Samuel amemaki Israel na kobongola mitema, pe asambelaki po na Israel. 1 Samuel 7:3-17

### I. Preparation ya Moniteur—

#### Tina ya Leson:

Tolanda Banzambe to milimo mosusu te, kasi Yawe kaka.

#### Verse ya lel'oyo:

... « Soki bolingi/ boya kozonga na Yawe/ na motema na bino nyonso, / esengeli bolongola banzambe nyonso/ ya mopaya pe bikeko/... *Bomipesa mobimba na Yawe*, / bosambela kaka Ye, / ebongo akotika bino... »  
1 Samuel 7:3

#### Nzembo ezali kokende nzela moko ná leson:

##### **Banzambe mosusu**

kanisaaa-mabe mosusu

Bato basali yo

Kaka ozali Nzambe

Oyo asalaki biso !

##### **Zonga, Afrika ! Zonga !**

Zonga! Afrika, zonga !

Zonga na Nzambe mobungi

Totika milimo nyonso, bikeko nyonso,

Tozonga na oy'akelaki biso!

Tozonga na ye oyo akelaki biso !

### II. Revision—

#### Kolanda devoir ya Leson oyo eleki:

Na poso eleki, devoir ezalaki nini oyo topesaki bino bakristo? Nani azali kokanisa yango?

Ee, ezalaki kokumisa Nzambe mikolo nyonso po na makambo ya malamumu oyo asali biso. Nani azwaki makasi kosalela yango? Nani akoyebisa biso makambo moko ya malamumu oyo akoakomisaki Nzambe po na yango?

#### Koyemba lisusu Ba-Leson oyo eleki:

Na ba-poso eleki, tozalaki kolanda Sanduku na Nzambe. Ezalaki elokó ya liboso oyo ezalaki na ndako ya losambo ya bato ya Israel. Etalisaki ete Nzambe azalaki na kati na bango. Lokumu na ye emonanaki likolo na yango.

- Bamemaki yango na kati ya bitumba po na nini? (Bakanisaki ete ekosalisa bango na kokweyisa banguna, ba-philistin.)
- Makambo nini ya mabe esalamaki na yango? (Banguna basimbaki yango pe bakendeki na yango.)
- Ezalaki na kati ya ba-philistin basanza 7. Na Tango wana, bato wana bamonaka nini? (Kaka ba-pasi, etumbu na Nzambe. Nzambe abimisaki bango ba-bibon, pe ba-puku baliaki bilei na bango na bilanga.)
- Na suka, Basalaki nini ná Sanduku wana? (Bazongisaka yango na bato ya Israel, pe mabonza ya kosenga Pardon n.)

### III. Koteya Leson Oyo—

#### Ebandeli:

Sik'oyo, Sanduku na Nzambe ezongi na Israel. Bazalaki na esengo mingi na yango. Batiáki yango likolo ya libanga monene na kati ya elanga na esobe. Kasi, bazalaki kobanga na kozongisa yango te na ndako ya losambo.

#### **Developpement (Malakisi monene ya Leson oyo na banzete 6):**

##### **7.1 Sanduku na Nzambe alalaki likolo ya libanga na esobe ya mboka moko**

**Bambula 20. Bato bazalaki kaka kolela na Nzambe abikisa bango na banguna.**

**1 Samuel 7:2**

 **Tangela Bana:**

2 Sanduku na...Nzambe etikalaki mikolo mingi na mboka... pene ya bambula tuku mibale (20). Na Tango wana, bato nyonso ya Israel bazalaki kolela na Yawe pona kosalisa bango.

**? Tuna bana:****Niveau prescolaire –**

- Sanduku na Nzambe elalaki likolo ya libanga mokolo moko, to bambula 20? (Bambula tuku mibale)

**Niveau primaire –**

- Tango wana, bato ya Israel bazalaki kolela na Nzambe asala nini? (Asalisa bango na kolonga banguna na bango.)

**Niveau secondaire –**

- Kombo ya monguna nini oyo asimbacki Sanduku na Nzambe, kasi azongisaki yango sima? (Ba-philistin)

 **Bana basala bageste:**

Bana balela na Nzambe asalisa bango po banguna bazali kotungisa bango. Moniteur tanga malembe-malembe: Mbula 1, Mbula 2, etc. tii na Mbula 20. Bana bakoba kaka kolela Nzambe.

 **Bana bayemba pe babina:**

Sanduku na Nzambe  
Likolo ya libanga.  
Bato na Nzambe  
Balelaki ye.

**7.2 Samuel abengaki bango na kokolongola bikeko na bango pe bazonga na Nzambe na motema na bango nyonso, ebongo Basalaki bongo.****1 Samuel 7:3-4** **Tangela Bana:**

3 Samuel alobaki na bato ya Israel ete:  
« Soki bolingi koya kozonga na Yawe na motema na bino nyonso, esengeli bolongola Banzambe nyonso ya mopaya pe bikeko... »

*Bomipesa mobimba na Yawe, bosambela kaka Ye, ebongo akolongola bino na maboko ya ba-philistin.*

4 Yango wana, bato ya Israel balongolaki bikeko..., basambelaki kaka ye Yawe.

**? Tuna bana:****Niveau prescolaire –**

- Bato na Nzambe balongolaki nini? (Bikeko)
- Bandimaki kosambela kaka nani? (Nzambe)

**Niveau primaire –**

- Samuel ayebisaki bango basala nini? (Bazonga na Nzambe na motema na bango nyonso)

**Niveau secondaire –**

- Nani ayebisaki bango deja na kosambela Nzambe kaka, bikeko te? (Moïse, Mibeko 10 minene oyo Nzambe apesaki ye.)

 **Bana basala bageste:**

Bana basala bageste koyebisa ete bazali kolongola bikeko, ke koboya yango. Sima, Basala bageste po na kolakisa ete bazali kosambela kaka Nzambe.

 **Bana bayemba pe babina:**

Bato bazongaki na Yawe, ee  
Bakolongolaki bikeko  
Basambelaki kaka Nzambe.

**7.3 Bato bakutanaki, ebongo Samuel asambelaki bango Nzambe. 1 Samuel 7:5-6** **Tangela Bana:**

5 Sik'oyo, Samuel abengaki bato ya Israel nyonso ete: « Boya na esika moko...na kosambela Yawe po na bino kuna. »

6 Bango nyonso bayaki kukokutana.... baboyaki bilei mokolo wana mobimba, balobaka ete: « Tosali masumu na miso na Yawe. »

**? Tuna bana:****Niveau prescolaire –**

- Bato ya Israel bandimaki ete basali masumu na misson ya nani? (Yawe)

#### Niveau primaire –

- Tango bakutanaki, Basalaki nini? (Baboyaki kolia, bandimaki masumu na bango.)

#### Niveau secondaire –

- Po bango bamonaki tina oyo bakutanaki? Okanisi nini? (Po bango nyonso ba-participer pe bandima losambo wana, bango nyonso bandima masumu na bango.)



#### Bana basala bageste:

Bana banda na bisika mingi, ebongo bakutana na esika moko. Bango nyonso basala bageste lokola bazali koboya kolia, sima babanda kondima masumu na bango na Nzambe.



#### Bana bayemba pe babina:

Bato bakutanaki  
Basambelaki Nzambe.  
Baboyaki kolia.  
Bandimaki masumu.

### 7.4 Ba-philistin bayaki kobundisa bango, kasi bakobaki kaka kosambela Nzambe.

#### 1 Samuel 7:7-10a



#### Tangela Bana:

*7 Tango ba-philistin bayokaki ete bato ya Israel bakutani..., bakonzi na bango mitano bamilengelaki ná bato na bango po na kokende kobundisa bango. Bato ya Israel bayokaki makambo wana, ebongo kobanga esimbaki bango.*

*8 Bayebisaki Samuel ete, «Po kaka Yawe...alembe te, po na kobikisa biso... »*

*9 Samuel ...asambelaki Yawe po asalisa Israel, Yawe pe andimaki losambo na bango.*

*10a Tango Samuel azalaki kopesa mabonza na Yawe, ba-philistin bayaki kobundisa bato ya Israel.*

#### ? Tuna bana:

#### Niveau prescolaire –

- Ba-philistin bayaki koyamba bango, to Kobundisa bango? (Kobundisa bango)

#### Niveau primaire –

- Bayaki tango Samuel azalaki kosala nini? (Kopesa mabonza na Nzambe)

#### Niveau secondaire –

- Pona nini Samuel azalaki kosambela Nzambe asalisa bango? Po bango bayokaki ete bakonzi 5 ya Ba-philistin pe bato na bango bazalaki komilengela koya kobundisa bango.)



#### Bana basala bageste:

Mwana moko asala lokola azali Samuel azali kopesa mabonza na Nzambe. Mwana mosusu aya mbangu koyebisa ye ete bakonzi ya Ba-philistin bazali komilengela koya kobundisa bango. Bana mosusu babanda kobanga, bayebisa Samuel kosambela makasi.

- **Bana bayemba pe babina:**

Bakonzi ya Ba-philistin  
Bayaki kobundisa bango.  
Bakobaki kosambela Nzambe  
Kosambela ye makasi.

### 7.5 Nzambe atindelaki Basoldat ya Ba-philistin makelele lokola kake. Ebongo bakotaki na buluyeke pe bakimaki. Israel alongaki bango.

#### 1 Samuel 7:10b-14



#### Tangela Bana:

*10b Kasi na tango yango wana kaka, Yawe atindelaki bango makelele ya makasi lokola ya kake. Bango nyonso bakomaki buluyeke, bakimaki-kimaki.*

*11 Bato ya Israel... babenganaki bango .... Babomaki-bomaki ba-philistin na nzela.*

*12 Samuel azwaki libanga, atelemisaki yango.... apesika yango kombo Eben-Ezer, po balobi ete: « Yawe asalisi biso tii lelo. »*

*13 Boye nde...ba-philistin...Yawe atikaki bango lisusu te bakota na mabele ya Israel na bomoi ya Samuel.*

*14 Bamboka nyonso ya ba-philistin batiáki...ekomaki lisusu ya bato ya Israel. Boye nde, bato ya Israel bazwaki lisusu mabele na bango nyonso. Kimia ezalaki na kati ya bato ya Israel pe bato ba-Amorite.*

### ? Tuna bana:

#### Niveau prescolaire –

- Nzambe alongisaki bango, to alongisaki bango te? (Ye alongisaki bango.)

#### Niveau primaire –

- Ndenge nini Nzambe akomisaki monguna na bango buluyeke? (Atinda tonnere—makelele ya makasi lokola kake.)
- Samuel atelemisaki nini po bakanisa ndenge Nzambe asalisi bango? (Atelemisaki libanga. Babengaki yango Eben-Ezer.)

#### Niveau secondaire –

- Nini ezungaki na bango sima ya bitumba wana? (Bamboka na bango oyo ba-philistin babotolaki.)



#### Bana basala bageste:

Kabola Bana na biteni misato: Basoldat ya Ba-philistin, bato ya Israel, pe Bana oyo bakosala makelele lokola ya kake.

Basoldat ya Ba-philistin baya kobundisa bato ya Israel. Bana mosusu babanda kotia makelele mingi lokola makelele ya kake. Yango wana, Basoldat ya Ba-philistin bakoma buluyeke. Babanda kokima na kobanga. Bato ya Israel balanda bango pe babengana bango libanda. Bana nyonso bazonga.



#### Bana bayemba pe babina:

Balelaki-lelaki Nzambe tii  
Akosalisaki bango.  
Atinda makelele  
Rrrr-Rrrr-Rrrr!

Monguna abomakii buluyeke  
Pe Israel alongaki bango.

## 7.6 Samuel alandaki ko jujger Israel bomoi na ye mobimba. 1 Samuel 7:15-17

### Tangela Bana:

*15 Samuel azalaki Elombe (to juge) ya bato ya Israel na bomoi na ye mobimba.*

*16 Mbula nyonso, azalaki kokende kotala bamboka (misato) -(Bethel) po na kosambwisa makombo.*

*17 ebongo sima, azalaki koya kozonga na mboka na ye Rama po na kosambwisa makombo. Kokona na Rama, atongaki mesa-ya makila (to ya mabonza) po na kosambela Yawe.*

### ? Tuna bana:

#### Niveau prescolaire –

- Samuel azalaki soldat, to azalaki Elombe (to juge)? (Elombe (to juge). Moto oyo azalaki kokata makombo.)

#### Niveau primaire –

- Mbula nyonso, Samuel akendeki na bamboka boni po na kokata makombo? (Bamboka misato—3, plus mboka na ye)

#### Niveau secondaire –

- Samuel azalaki Elombe (to juge) ya Israel tii na tango nini? (Tii na kufa na ye.)



#### Bana basala bageste:

Mwana moko azala Samuel. Bana mosusu akende na biteni 4. Bazala bato ya bamboka esika Samuel akendeki kokata makombo. Samuel atambolaki na mboka nyonso na tour. Bato ya bamboka wana bayambaki ye pe bayebisaki ye ba-pasi na bango.



#### Bana bayemba pe babina:

Samuel Elombe (to juge) ya Israel  
Mikolo na ye nyonso.  
Atambolaki mingi  
Kokata makombo.

**►|◀ Kosilisa:**

Bato ya Israel bazalaki bato oyo Nzambe aponaki komema Mwana na ye na mabele oyo. Kasi babungi nzela na Nzambe. Basambeli bikeko.

Samuel ayebisaki bango ete soki balingaki kozonga ya solo na motema na bango nyonso, basengeli kolongola bikeko wana. Basengeli kozonga kosambela Nzambe kaka. Basalaki boye nde, ye Nzambe ayokaki losambo na bango. Asalisaki bango kokweyisa banguna na bango.

Na biso pe, Nzambe akosalisa te bato oyo balingi kosasoki na bikeko to na banzambe mosusu ya moke-moke. Kasi soki totika bikeko na biso, tozongi na Nzambe na motema na biso nyonso, akosalisa biso.

**♥ Verse ya lel'oyo:**

... « *Soki bolingi/ koya kozonga na Yawe/ na motema na bino nyonso, / esengeli bolongola banzambe nyonso/ ya mopaya pe bikeko/...Bomipesa mobimba na Yawe, / bosambela kaka Ye, / ebongo akotika bino... »  
1 Samuel 7:3*

**🧠 Nzembo ezali kokende nzela moko ná leson:**

Bana bayemba moko ya Nzembo ezali kokende nzela moko ná leson oyo.

**👉 Devoir po na bakristo:**

Mbala mosusu ozali mokristu, okanisi ete ozali kolanda banzambe mosusu te. Kasi mbala mingi, Bana ya classe bazali kokende koluka

amulette to bakisi po na kosalisa bango na tango ya examen. Makamb'oyo eozali ya Nzambe, to ya banzambe mosusu? (Banzambe mosusu.)

Mbala mingi, soki moto az'o bela pe azali kobika mbangu te, azali ete koluka nganga-ngombo. Boni, ozali ya Nzambe, to ya banzambe mosusu? (Banzambe mosusu.)

Mbala mosusu tokendeke te na banzambe mosusu, kasi tolukaka pe Nzambe te. Tosala lokola na makasi ya biso moko tokolonga. Bana bakristo, devoir nazali kopesa bino ezali ete na poso ezali koya, boluka Nzambe na makambo nyonso, pe luka ye kaka.

**✝ Kobenga babungi na Yesu:**

Soki obongoli motema na Yesu nanu te, azali na tina abikisa yo. Luka kobika te na moto mosusu, to na nzela mosusu, to na makasi na yo moko. Kaka Yesu, Mwana na Nzambe, akoki kobikisa yo. Bible azali koloba ete, "Bato bakoki kobika kaka na ye [Yesu]" (Misalu 4:12). Tiá motema na Nkolo Yesu, ebongo okobika.

Poso nyonso, tozali awa sima ya Ecodim po na kosalisa moto nyonso oyo alingi kobongola motema, tika nzela ya masumu, tiála Yesu motema. Yaka kosolula na biso. OKoki kokoma moyekoli na Yesu lel'oyo.

**==SUKA YA LESON 7****Soki ngonga ekokoka,****📖 Teya mikanda ya Bible:**

(Makanisi ezali na suka ya Mokanda oyo.)

## Leson Israel balukaki mokonzi, Samuel alakisa bango ba-pasi oyo mokonzi akomema. 1 Samuel 8:1-22

### I. Preparation ya Moniteur—

#### Tina ya Leson:

Tolanda nzela na Nzambe, po nzela na biso moko ezali komemela biso pasi.

#### Verse ya lel'oyo:

*Yawe, / nayebi ete/ ezali na moto ye moko te/ akoki kopona nzela/ na ye moko.../ Jeremia 10:23a*

#### Nzembo ezali kokende nzela moko ná leson:

##### Mokonzi ayebi Nzela Na Ngai

Mokonzi ayebi nzela na ngai  
Esengeli nalanda kaka  
Mokonzi ayebi nzela na ngai  
Esengeli nalanda kaka

Makasi lelo akopesa  
Oyo nyonso ezali tina lobi  
Mokonzi ayebi nzela na ngai  
Esengeli nalanda kaka !

### II. Revision—

#### Kolanda devoir ya Leson oyo eleki:

Na poso eleki, topesaki bino bakristo devoir ya koluka Nzambe kaka, banzambe mosusu te. Na poso oyo, nani amonaki moto kosalela makambo oyo ezalaki kotalela banzambe mosusu? *[Moniteur, tuna bango bayebisa nini bamonaki na mokuse.]* Nani alukaki Nzambe na motema na ye nyonso? *[Bana balakisa maboko.]* Ndenge nini bokoki koluka ye? Nani akoyebisa biso? *[Mwana moko aloba na mokuse.]*

#### Koyemba lisusu Ba-Leson oyo eleki:

Na Leson oyo eleki, tomonaki ndenge Samuel atambwisaki bato ya Israel kotika bikeko na bango, kozonga na Nzambe na motema na bango nyonso. Tomonaki

ndenge Samuel azalaki Elombe (to juge) oyo azalaki kokata makombo mboka na mboka bomoi na ye mobimba. Sik'oyo, Samuel anuni (akomi mobange) . Akomi pene-pene ya suka ya bomoi na ye.

### III. Koteya Leson Oyo—

#### Ebandeli:

Boni, omoni mwana oyo alingi eloko moko mingi? Abondelaki mama to papa na kopesa ye yango, kasi eloko wana ezali eloko oyo ekopesa ye pasi?

Famille ya mwana moko na kombo ya Pepe, azalaki na probleme ya ba-puku na ndako. Ba-puku bazalaki kolia bilei na bango mingi. Yango wana, mama asombaki kisi po na koboma ba-puku. Carton na yango ezalaki kitoko—couleur ya motani. Pepe Alingaki yango po na kitoko ya carton. Mama abombaki yango pe ayebisaki Pepe ete asimba yango te. Kasi azalaki kokauka motema mingi po na yango.

Mokolo moko mama azalaki kolala pongi moke. Ebongo Pepe asimbaki poison wana. Aliaki mwa-ndambo ya yango yambo mama atelama. Epesaki ye maladi mingi. Bomoi na ebolingoki kosila. Eloko oyo amonaki kitoko, ekosalisa ye te. Na Leson oyo, tokomona ete bato ya Israel pe, Alingaki eloko moko, ata Nzambe ayebisaki bango ete akosalisa bango te.

#### Developpement (Malakisi monene ya Leson oyo na banzete 5):

##### 8.1 Bato babondelaki Samuel apesi bango mokonzi lokola bato ya bamboka mosusu. 1 Samuel 8:1-5

#### Tangela Bana:

1 Tango Samuel anuni (akomi mobange) (akomi mobange) ....

4 ... bampaka to mibange ya Israel bakutanaki esika moko, ebongo Bakendeki na Samuel...

5 Pe ayebisa ye ete: « Tala, okomi mobange, Bana na yo pe balanda ndakisa na yo te.



*Yango wana, sik'oyo, tiéla biso mokonzi Oyo akokonza biso ndenge ezali na bato ya bamboka mosusu. »*

### ? Tuna bana:

#### Niveau preschoolaire –

- Bato Alingaki Samuel apesaki bango nini—mbongo to mokonzi? (Mokonzi)

#### Niveau primaire –

- Pona nini balukaki mokonzi? (Po na kozala lokola bato ya bamboka mosusu)

#### Niveau secondaire –

- Samuel azalaki Elombe (to juge) ya malam. Ndenge nini bayebaki ete kala te, moto ya malam kokata makombo na bango akozala lisusu te? (Samuel anuni (akomi mobange) , pe Bana na ye me landa nzela na ye te.)



#### Bana basala bageste:

Tiá mwana moko lokola Samuel. Bana mosusu aya na ye pe boka ete, « Pesa biso mokonzi ! Pesa biso mokonzi ! »



#### Bana bayemba pe babina:

Bato eyaki na Samuel  
Ye kopesa bo mokonzi.

### 8.2 Samuel basepelaki te na yo, kasi ye tiáka yo na losambo.

#### 1 Samuel 8:6

#### Tangela Bana:

*6 Samuel asepelaki te po bato ya Israel basengaki mokonzi. Yango wana, asambelaki Yawe,*

### ? Tuna bana:

#### Niveau preschoolaire –

- Samuel sambaka nani kutuna makambo wana? (Nzambe)

#### Niveau primaire –

- Samuel ye moko amonaki kosenga ya bato ya Israel ndenge nini? (Esengo ve)

#### Niveau secondaire –

- Pona nini Samuel atiáki makambo wana na losambo? (Koluka makanisi ya Nzambe. ye moko amonaki yango esengo te, kasi nini ezalaki makanisi ya Nzambe?)



#### Bana basala bageste:

Bana nyonso sala bageste lokola Samuel. Liboso bo koyebisa elongi ya esengo te. Sima, bo bafukamela, bo po Nzambe, « nini Okanisi, Nzambe? ngai akosala nini? Boni, ngai akopesa bo mokonzi to te? »

- **Bana bayemba pe babina:**

Samuel asengaki Nzambe  
Nini ye esengeli sala.  
Na makambo ya mokonzi  
Nini ye esengeli sala.

### 8.3 Nzambe ayebisaki Samuel kosala oyo bayebisaki ye, kasi ayebisa bango ndenge nini mokonzi akosala bango. 1 Samuel 8:7-9



#### Tangela Bana:

*7 Ebongo Yawe alobaki ete: « Landa maloba ya bato. Yo te moto bazali koboya, kasi bazali bazali koboya ete nazala Mokonzi na bango....*

*9 Boye yokela bango, kasi pesa bango Malakisi. Oyebisa bango ndenge mokonzi wana akokonza bango. »*

### ? Tuna bana:

#### Niveau preschoolaire –

- Bato bazalaki koboya Samuel te, kasi koboya nani? (Nzambe)

#### Niveau primaire –

- Nani azalaki ya solo Mokonzi na bango? (Nzambe, kasi bazalaki koboya ye.)
- Samuel esengeli koyebisa bo nini? (Ndenge mokonzi akokonza bango.)

#### Niveau secondaire –

- Pona nini Nzambe andimaki ete Basala mokano na bango moko? (Po bazalaki kolingo yango, atako ekokweyisa bango.)



#### Bana basala bageste:

Bana nyonso basala bageste oyo ezali kotalisa koboya. Batalisa elongi ya mawa,

po bazali na mawa ete bato baboyaki Nzambe koluka mokonzi.



### **Bana bayemba pe babina:**

(Na mawa nyonso)

Tika basala

Mokano na bango moko.

Kasi oyebisa bango ndenge

Mokonzi akokonza bango.

## **8.4 Samuel ayebisaki bango ndenge Nzambe alobaki, kasi balandaki kaka kosenga mokonzi. 1 Samuel 8:10-20**



### **Tangela Bana:**

*10 Samuel abetelaki bato makambo nyonso oyo Yawe ayebisaki ye.*

*11 alobi ete: « Tala ndenge mokonzi na bino akokonza bino: Bana na bino ya mibali, akokumisa bango basoldat ....*

*13 Bana ya bino ya basi bakosalela ye malasi, bokolambela ye pe kosalelaka ye mapa.*

*14 akazwa-zwaa bilanga na bino....*

*16 Akozwa bato na bino ya mosala, pe bangombe na bino, pe ba-punda na bino ya koleka kitoko, po na kosalelaka ye.*

*17 ...Bokokoma ba-umbu na ye.*

*18 Na tango yango wana, bino na bino bokolela makasi po na mokonzi na bino oyo bino moko boponi, kasi Yawe akoyokela bino te. »*

### **? Tuna bana:**

#### **Niveau prescolaire –**

- Kozala na mokonzi—ekozala makambo ya esengo to ya mawa? (Ya mawa)

#### **Niveau primaire –**

- mokonzi akozwa nini ya biloko na bango? (Bana na bango ya mibali pe ya basi, bilanga, bato ya mosala, bnyama.)
- Na suka bakokoma nini? (Ba-umbu ya mokonzi wana)

#### **Niveau secondaire –**

- Pona nini Nzambe ta yokela bango te tango bakolelela ye mokonzi wana?

(Po bayokaki conseil na ye pe balandaki nzela na bango moko.)



### **Bana basala bageste:**

Tiá mwana moko mokonzi. Akende na Bana mosusu moko-moko. Aloba ete « Pesa ngai mwana na yo. » « Pesa ngai ngombe na yo. » « Pesa ngai elanga na yo. » « Pesa ngai soso na yo. » Etc. Bato basengeli kopesa, po mokonzi asengi yango. Babanda kolela.



### **Bana bayemba pe babina:**

Mokonzi akozwa biloko na bango

Mingi, mingi, mingi.

Mokonzi akopesa mawa

Mingi, mingi, mingi.

## **8.5 Balingaki kolanda nzela oyo bango moko, Yango wana, Nzambe ayebisaki Samuel kosalela ndenge bato balingaki, apesa bango mokonzi. 1 Samuel 8:19-22**



### **Tangela Bana:**

*19 Bato ya Israel bandimaki te...Balobaki ete: « Ezali te, tiela biso kaka mokonzi. »*

*20 Boye nde, tokozala lokola bato mosusu pe mokonzi na biso moko akokonzaka biso pe akomemaka biso na bitumba. »*

*21 Samuel ...akendeki koloba yango na Yawe.*

*22 Yawe azongisaka ete: « Sala makambo oyo basengi, pesa bango mokonzi. »...*

### **? Tuna bana:**

#### **Niveau prescolaire –**

- Na suka, boni, Nzambe andimaki kopesa banhgo mokonzi, to ye baboyaki? (Bandimaki.)

#### **Niveau primaire –**

- Pona nini balingaki mokonzi? (Po na kozala lokola bato ya bamboka mosusu)
- Bato ya bamboka mosusu oyo—boni, bazalaki bato oyo balandaka mibeko na Nzambe? (Ezali te. Bango bato babungi nzela na Nzambe. Bazali bapakano.)

**Niveau secondaire –**

- Makambo oyo ya mokonzi epesaki Samuel esengo. Esepelisaki pe te Nzambe ye moko. Ebongo, po na nini Nzambe andimaki yango? (Po bazalaki kolanda kaka koluka na ndenge na bango moko. Yango wana Nzambe apesaki bango nzela ya kosala mokano na bango moko.)

** Bana basala bageste:**

Bana nyonso basala bageste lokola Nzambe. Baningisa motù ya mawa, baloba ete, « Bolingi te kolanda Ngai. Yango wana, sala na ndenge bino moko me bolingo. »

** Bana bayemba pe babina:**

Balingaki kolanda Nzambe te.  
Balandaki nzela na bango moko.

**>|< Kosilisa:**

Bana ya Israel basengi mokonzi po balingaki kozala lokola bato oyo bazali bapakano. Nzambe amekaki koyebisa bango ete mokonzi wana akopesa bango pasi, kasi balingaki koyoka te. Sik'oyo, Nzambe afongoli nzela, Basala kaka makanisi na bango. Bakozwa mokonzi na bango, kasi akopesa bango esengo te na ndenge oyo bazali kanisa.

** Verse ya lel'oyo:**

*Yawe, / nayebi ete/ ezali te moto/ akoki kopona nzela/ na ye moko.../ Jeremya 10:23a*

Bana nyonso baloba verse phrase na phrase sima ya moniteur mbala 3. Sima, Kabola Bana na biteni 4, pe pesa na mwana nyonso eteni ya phrase moko. Tango moniteur akolakisa bango na lobiko, bakotelama pe baloba phrase na bango. Koloba yo mbala 3 lisusu ndenge wana.

** Banzembo ezali kokende nzela moko na Leson:**

Yemba moko ya Nzembo ezali kokende nzela moko ná leson oyo.

** Devoir po na bakristo:**

Bino Bana bakristo, kanisa malamumu. Atako ozali kotia makasi ya kolanda Yesu, boni, na makambo mosusu, oboya nzela oyo Nzambe, olukaki nzela na yo moko? Soki boye nde, bongola motema lelo pe ndima nzela na Nzambe na makambo nyonso.

** Kobenga babungi na Yesu:**

Mbala mosusu, oyebi te ete ozali mokristu. Oyoki Malakisi na Yesu, kasi otikali na masumu na yo, po obongoli makanisi na yo nanu te. Ondimi te ete azali Mwana Nzambe oyo akufaki na ekulusu po na masumu na yo, pe asekwaki na kufa.

Okolanda nzela na yo moko. Kasi nzela wana, suka na yango ezali kufa ya seko na seko. Soki Molimo na Nzambe ezali kobeta na motema na yo, ete ozali na tina ya Yesu, benga kombo na ye. Tiá motema na ye lel'oyo. Tozali awa sima ya Ecodim po na kosalisa yo.

**==SUKA YA LESON 8**

**Soki ngonga ekokoka,**

** Teya mikanda ya Bible.**

## Leson 9 Israel azwi mokonzi ya liboso.

1 Samuel 9:1-27, 10:1-27

### I. Preparation ya Moniteur—

#### Tina ya Leson:

Tomitindika na makanisi na biso moko te, kasi totiá motema na Nzambe kotambwisa bomoi na biso.

#### Verse ya lel'oyo:

*5 Tiá motema na yo nyonso na Yawe, / kotiá motema te na makambo/ oyo yo moko ozali kokanisa ete oyebi. /*

*6 Kanisa Yawe na makambo nyonso/ oyo osalaka. /akotalisa yo nzela ya malamú. / Batoli 2:5-6*

#### Nzembo ezali kokende nzela moko ná leson:

##### **Mokonzi ayebi Nzela na Ngai**

Mokonzi ayebi nzela na ngai  
Esengeli nalanda kaka  
Mokonzi ayebi nz'ila na ngai  
Esengeli nalanda kaka  
Makasi lelo akopesa  
Pe nyonso ya mutya lobi  
Mokonzi ayebi nzela na ngai  
Esengeli nalanda kaka !

##### **Na lapi Kolanda Yesu**

Na lapi kolanda Yesu (3X)  
Kokozonga sima, nakokoka te.  
Yesu liboso, ngai na sima (3x)  
Kozonga sima, ekokoka te.  
Salisa ngai kolanda Yesu (3x)  
Kozonga sima, ekokoka te.

### II. Revision—

#### Kolanda devoir ya Leson oyo eleki:

Na poso eleki, tosengaki bino bakristo na kokanisa malamú soki na likambo moko, ozalaki koboya nzela na Yesu. Nani atunaki Nzambe soki likambo ya kozanga botosi ezalaki na kati na ye?  
Eyano nini Nzambe apesaki yo?

#### Koyemba lisusu Ba-Leson oyo eleki:

Tomoni ete Nzambe alingi te Israel bazala na mokonzi. Bango moko balingaki kozala

na mokonzi oyo akokonza bango. Kasi baboyaki. Nani akanisi Raison oyo balingaki kaka kozala na mokonzi? (Ee, po bazala lokola bato ya bamboka mosusu.) Nzambe ayebisaki Samuel ete ye esengeli koyebisa bo ndenge nini bomoi na bango na kuma soki apesi bo mokonzi, kasi bo Alingaki kaka ete bo vanda na mokonzi. Bo Alingaki kuvanda lokola bansi mosusu. Yango wana, Nzambe andimaka.

### III. Koteya Leson Oyo—

#### Ebandeli:

Sik'oyo, tango ekoki ete Nzambe apesa bango mokonzi oyo basengaki.

#### Developpement (Malakisi monene ya Leson oyo na banzete 5):

##### **9.1 Nzambe aponaki Saul, ebongo amemaki na ye na prophète Samuel.**

##### **I Samuel 9:1-20a**

#### Tangela Bana:

*1,3 Ezalaki na moto moko ...kombo na ye Kis..... Mokolo moko, ba-punda ya Kis ebungaki, ebongo alobi na mwana na ye Saul ete: «...kende koluka ba-punda. »*

*...6 Moto ya mosala alobaki na Saul ete: « Na mboka oyo, ezali na Moto moko ya Nzambe.... Tokende na ye, mbala mosusu akoyebisa biso wapi tokoki komona ba-punda....*

*11-15 Bakendeki... ..komona Samuel azali koya....Tango Saul azalaki akomi nanu te... Yawe alobaki na Samuel ete:*

*16 « Lobi na ngonga oyo, nakotindela yo moto ... **otiá ye mokonzi ya bato na ngai Israel. ....»***

*17 Tango Samuel amonaki Saul, Yawe alobelaki Samuel ete: « **Moto oyo nalobelaki yo, ye oyo. Ye moto akokonza bato na Ngai. »***

*18-20a Saul akendeki na Samuel.... Samuel alobaki ete: « ...Po na ba-punda wana ebungi mikolo misato eleki, komona na yo pasi te. Omonani. »*

#### Tuna bana:

**Niveau prescolaire –**

- Nini ebungaki?  
(Ba-punda ya Papa Kis)

**Niveau primaire –**

- Papa Kis atindaki nani koluka ba-punda oy ebungaki? (Mwana na ye Saul)
- Nani ayebisaki Saul ete bamoni lisusdu ba-punda? (Moto na Nzambe Samuel)

**Niveau secondaire –**

- Nzambe ayebisaki Samuel makambo nini mosusu po na Saul?  
(Nzambe aponi ye kozala mokonzi ya Israel.)

**👤 Bana basala bageste:**

Bana basala bageste lokola bazali Saul, azali koluka ba-punda ya tata oyo ebungi.

**👥 Bana bayemba pe babina:**

Nzambe ayebisaki Samuel ete Aoni Saul  
Kokoma mokonzi.

**9.2 Samuel ayebisaki Saul mokano na Nzambe po na ye. 1 Samuel 9:20b-26**

*20b Kasi malamuy oyebe sik'oyo ete bato nyonso ya Israel bazali kozela kaka yo.... »*

*21 Saul azongisaka ete: « Ndenge nini? Nazali moto ya ...libota ya koleka moke na mabota nyonso ya Israel. Famille na ngai pe ezali na mutuya mingi te...Ndenge nini okoki koyebisa ngai makambo ya ndenge oyo? »*

*....26 mokolo elandaki...Samuel abengaka Saul ... ete: « Tokende. na kende kotika yo... » Ebongo Saul akendeki nzela moko ná Samuel.*

**? Tuna bana:****Niveau prescolaire –**

- Saul azalaki moto ya ville monene, to mboka ya moke? (Mboka ya moke)

**Niveau primaire –**

- Pona nini Saul akamwaki ete Nzambe aponi ye na kozala mokonzi?  
(Po azalaki moto ya mboka ya moke pe ya famille oyo rzalaki motuya te.)

**Niveau secondaire –**

- Pona nini okanisi Nzambe aponaki moto ya mboka ya moke?  
*[Moniteur, yoka makanisi ya Bana.]*  
(Tokanisa pe ete Yesu abotamaki na mboka ya moke, Bethléhem.)

**👤 Bana basala bageste:**

Bana basala bageste ya kokamwa lokola Saul tango Samuel ayebisaki ye ete akokoma mokonzi.

**Bana bayemba pe babina:**

Saul, moto ya mboka ya moke,  
Nzambe aponaki yo.  
Saul, moto ya mboka ya moke,  
Okokoma mokonzi.

**9.3 Samuel atiáka motù ya Saul mafuta po atiá ye mokonzi. 1 Samuel 9:27-10:1****Tangela Bana:**

*27 Tango bakomaki na songe ya mboka, Samuel alobaki na Saul ete: ....« Totelema muke awa. Nalingi koyebisa yo makambo oyo Nzambe alobi. »*

*10:1 Ebongo Samuel azwaki mulangi ya mafuta ya olive oyo amemaki, pe atiáki yango Saul likolo ya motù. Ayambaki Ye, alobelaki ye ete: « Yawe, ye moko atie yo mokonzi ya bato na ye. »*

**Tuna bana:****Niveau prescolaire –**

- Nzambe atiáki Saul kozala nini?  
(Mokonzi)

**Niveau primaire –**

- Samuel atiáki nini likolo ya motù ya Saul pe koyebisa ye ete akomi mokonzi?  
(Mafuta ya olive)

**Niveau secondaire –**

- Makamb'oyo esalemaki na misson ya nani? (Kaka Samuel, Saul, pe Nzambe)

**Bana basala bageste:**

Bana basala bageste mibale-mibale. Mwana moko asala lokola azali Samuel, azali kosopa mafuta ya olive likolo ya motù ya mwana mosusu, po mwana wana akuma mokonzi.

**Bana bayemba pe babina:**

Mafuta oyo ezali koyebisa ete  
Nzambe aponi yo.  
Mafuta oyo ezali koyebisa ete  
Ye akomi mokonzi.

**9.4 Nzambe asalaki bilembo po Saul andima ete ya solo aboponami kozala mokonzi. 1 Samuel 10:2-16**

**Tangela Bana:**

*2 Awa ozali kokende, akokuta bato mibale ...bakolobela yo ete: « Ba-punda oyo ozalaki koluka, emonani...*

*5 Sima, kokende na mboka Gibe... Na ekuke ya mboka, amonaki mulongo ya ba-prophete ...bazali kobeta musique ya ndenge na ndenge. Bazali kobina pe koloba makambo ya Nzambe na maloba na mongongo ya makasi.*

*6 Molimo na Nzambe akosimba yo. Akoko lokola bango...*

*7 Soki makamb'oyo nyonso ekwei esili, yeba ete Nzambe azali ná yo. Sala eloko nyonso ndenge okomona yo.*

*9 Tango Saul atikaki Samuel na kozonga, Nzambe akomisaki Saul ndenge mosusu. Makambo nyonso oyo Samuel ayebisaki Ye, yango pe ekweyaki kaka ndenge mokolo yango wana.*

*10 Boye nde...Saul...molongo ya ba-prophete eyaki kokutana na bango. Molimo na Nzambe esimbaki Saul. Pe abandaki kobina pe koloba makambo ya Nzambe na maloba na mongongo ya makasi lokola bango.....*

**? Tuna bana:****Niveau prescolaire –**

- Makambo oyo Samuel alobaki ekosalema—esalamaki, to yo ekosalema te? (Ekosalema.)

**Niveau primaire –**

- Tango makambo esalamaki kaka ndenge Samuel ayebisaki Saul, elakisaki ye nini? (Ete ya solo Nzambe moto alobi)

- Saul akomaki lokola moko ya ...banani? (Baprophete)

**Niveau secondaire –**

- Nini ayebisaki ete Saul akomi lokola moko ya baprophete? (Abandaki kobina pe koloba maloba ya nguya na Nzambe. Akomaki lokola moto mosusu.)

**Bana basala bageste:**

Bana basala bageste lokola Saul tango Molimo na Nzambe esimbaki ye. Babinaki pe koloba maloba na nguya ya Nzambe.

- **Bana bayemba pe babina:**  
Molimo na Nzambe asimbaki Saul. Alobi maloba na nguya ya Nzambe Abinaki makasi.

**9.5 Samuel ayebisaki bato nyonso ete Nzambe atié Saul kazala mokonzi.**

**1 Samuel 10:17-27****Tangela Bana:**

*17 Samuel abengaki bato nyonso ya Israel baya na Ndako na Nzambe na mboka Mispa.*

*18-19 Alobi na bango ete: « Yawe ...azali koloba ete: « Nazali .... Nzambe na bino. ...kasi sik'oyo, boboyi ngai, bolingi ete na pesa bino mokonzi... Boya liboso na ngai bino nyonso, bato nyonso na libota na bango (famille na bango. »)*

*20-21 Samuel ayebisaki libota nyonso na koleka liboso. Babetaki zeke. ....ekwee likolo na Saul.... Balukaki Ye, kasi bakokaki te komona ye.*

*22 Batunaki Yawe lisusu ete: « Boni, moto mosusu asengeli koya awa? » Yawe ete: « Saul ye wana abombani na kati ya biloko. »*

*23 Bato bakimaki mbangu...Batelemisaki ye. Ye alekaki bato nyonso na molai.*

*24 Samuel alobaki na bato ete: « Ye oyo moto oyo Yawe aponi! ... » Ebongo bato nyonso balobaki na maloba ya mongongo makasi ete: « Bomo! molai ya mokonzi! »...*

**? Tuna bana:****Niveau prescolaire –**

- Nzambe ayebisaki bato ete aponi nani kozala mokonzi? (Saul)

**Niveau primaire –**

- Wapi Samuel ayebisaki bato ete Nzambe aponi Saul? (Na Ndako na Nzambe. Ezalaki na mboka Mispa tango wana.)

**Niveau secondaire –**

- Samuel ayebaki deja ete Nzambe aponi Saul kozala mokonzi. Po na nini okanisi babetaki zeke? (Koyebisa yango na misson ya bato nyonso.)

**👤 Bana basala bageste:**

Bana basala lokola bazali kobeta zeke mbala misato. Mbala ya liboso, baloba ete, « Libota ya Benyamini. » Mbala ya mibale, baloba ete, « Famille ya Matri. » Mbala ya misato, baloba ete, « Saul ! »

**👥 Bana bayemba pe babina:**

Nzambe alobaki na misson ya bato Ete Saul akomi mokonzi.

**➤|◀ Kosilisa:**

Bana, Nzambe aponi Saul kozala mokonzi, yango wana atambwisaki na ndenge ete esalema. Saul azalaki te na tina ya kopusa, koyebisa ete, “Esegeli nasala makasi po nazala kuma mokonzi ?” Ezali te. Mokano na Nzambe po na bomoi na ye, esalema kozanga ye kotindika.

Nzambe azali na mokano malamumu po na biso nyonso totiá motema. Tozali na tina te na komipusa. Bisu kaka totiá makasi kolanda Nzambe, ebongo esalemaki.

**♥ Verse ya lel'oyo:**

Bana baloba verse mbala misato mwa-moke-mwa-moke, phrase na phrase, sima ya yo moniteur:

*5 Tiá motema na yo nyonso na Yawe, /tiá motema te na makambo/ oyo yo moko ozali kanisaka ete oyebi. /*

*6 Kanisa Yawe na makambo nyonso/ oyo ozali kosala. / Alakisi yo nzela ya malamumu. / Batoli 2:5-6*

Sima, Bana baasosola ba geste. Mbala nyonso ozali koloba kombo na Nzambe to 'oyo' azali lakisa Nzambe, ba sembola lobiko, kolakisa na likolo. Baloba yango mbala misato lisusu.

**👤 Banzembo ezali kokende nzela moko na Leson:**

Bana bayemba moko ya Nzambe ezali kokende nzela moko ná leson oyo.

**👋 Devoir po na bakristo:**

Bino Bana oyo boyebi Yesu deja, devoir nazali kopesa bino na poso oyo: bobanda kosenga Nzambe ete mokano na ye esalelama na bomoi na yo, atako ozali nini.

**✝ Kobenga babungi na Yesu:**

Soki oyebi Yesu nanu te na bomoi na yo, yeba ete Nzambe azali mosanto nyonso. Pe akoki kondima te masumu. Ebongo azali na makombo ná Ye po na masumu na yo. Okoki te kotelama liboso na Nzambe na masumu.

Kaka ndenge moko azali kolongola masumu. Esegeli ete Nzambe atinda Mwana na ye ya kitoko, Yesu Kristu, akufaki na esika oyo, biso bato ya masumu. Pe baka etumbu Nzambe alingi kopesa biso. Kasi kufa ekaki kosukisa Yesu te. Asekwaki na kufa, Azali na bomoi lelo pe seko na seko.

Soki okobongola motema pe okondima kolanda Yesu Kristu, Nzambe akolimbisa yo. Pe akolongola masumu nyonso na yo. Akopesa yo motema ya sika, motema ya bolingo oyo ekopesa ye esengo.

Soki ozali koluka lisalisi na kobongola motema pe koyamba Yesu, yaka kutana na biso sima Ecodim. Tokosalisa yo.

**==SUKA YA LESON 9****Soki ngonga ekokoka,****📖 Teya mikanda ya Bible:**

(Makanisi ezali na suka ya Mokanda oyo.)

## Leson 10 Saul alongaki bato ya Ammon, bato nyonso oyo bandimaki ye lokola mokonzi. 1 Samuel 11:1-15

### I. Preparation ya Moniteur—

#### Tina ya Leson:

Tosala liboso makambo ya malamumu oyo Nzambe azali koyebisa biso sika-sik'oyo, po soki tolingi makambo esalelamba malamumu, tosengeli kobanda malamumu.

#### Verse ya lel'oyo:

Bana bakolanda lisusu koyekola verse ya poso aleki:

*5 Tiá motema na yo nyonso na Yawe, / kotia motema te na makambo/oyo yo moko ozali kokanisa ete oyebi./*

*6 Kanisa Yawe na makambo nyonso/ oyo osalaka. /Akolakisa yo nzela ya malamumu. / Batoli 3:5-6*

#### Nzembo ezali kokende nzela moko ná leson:

Bana bakoyemba Banzembo ndenge moko lokola Na poso eleki:

#### **Mokonzi ayebi Nzela na Ngai**

Mokonzi ayebi nzela na ngai  
Esengeli nalanda kaka  
Mokonzi ayebi nz'ila na ngai  
Esengeli nalanda kaka

Makasi lelo akopesa  
Nyonso oyo ezali tina lobi  
Mokonzi ayebi nzela na ngai  
Esengeli nalanda kaka!

#### **Na lapi Kolanda Yesu**

Na lapi kolanda Yesu (3X)  
Kozonga, kozonga sima ekosimba te.

Yesu liboso, ngai na sima (3x)  
Kozonga, kozonga sima ekosimba te.

Salisa ngai kolanda Yesu (3x)  
Kozonga, kozonga sima ekosimba te.

### II. Revision—

#### Kolanda devoir ya Leson oyo eleki:

Nini devoir topesaki bino bakristo Na poso eleki? Ee, kosambela ete mokano na Nzambe po na bomoi na yo, esalema, atako ezali ndenge nini.

Nani asambelaki yango Na poso eleki? Merci na bino oyo bozali komeka kosalela ba-devoir. Oyo ekosalisa bino mingi na kokola ya bakristo.

#### Koyemba lisusu Ba-Leson oyo eleki:

Na ba-poso mibale aleki, tomoni ete Nzambe aponaki nani po na kokoma mokonzi ya liboso ya Israel? (Saul)

Nani prophete oyo Nzambe atiáki Saul mafuta likolo ya motu po na koloba ete Nzambe atié ye mokonzi? (Samuel)

### III. Koteya Leson Oyo—

#### Ebandeli:

Nzambe apesi Saul mosala ya kosala. Kozala mokonzi. Kokonza bato na ye, Israel. Kozala mokonzi ezali mosala moko monene. Makambo ya liboso na mosala nyonso ezali EBANDELI. Ndenge nini Saul akobanda mosala Nzambe apesi ye? Boni, akobanda malamumu?

#### **Developpement (Malakisi monene ya Leson oyo na banzete 6):**

**10.1 Makambo ya mawa bayokaki na lombango. Bato ya Ammon balingaki kokanga mboka Jabès ya Israel. Balingaki ete bato ya Jabès babika kaka soki balongoli bango lisu ! 1 Samuel 11:1-4**

#### Tangela Bana:

*1 Nachasch mokonzi ya bato ya Amon ayaki kobundisa mboka Jabès.... Basoldat na ye baziungaki mboka, ebongo bato ya Jabès balobaki na Nachasch ete: « Toyokana, ebongo tokondima yo na kozala mokonzi na biso. »*



2 Nachasch alobaki ete: «ngai nakoyokana na bino KAKA soki bondimi ete na tobola moto nyonso lisu na ye ya mobali, boye nde nakoyokisa bato nyonso ya Israel soni. »

3 Bampaka to mibange ya Jabès balobaki: «Pesa biso mikolo sambo.... Soki ata moto moko ayé te na kosalisa biso, biso tokoya komipesa na yo. »

4 Sango ekomaki na... mboka ya Saul. Bato nyonso ayo bayokaki yango. Babandaki kolela.

### ? Tuna bana:

#### Niveau prescolaire –

- Makambo nini ya mabe, monguna Alingaki kosala nini na bato ya mboka Jabès? (Kobola bango lisu)

#### Niveau primaire –

- Nachasch azalaki nani? (Mokonzi ya bato ya Ammon, monguna ya Israel)
- Ayaki lisusu liboso po na kosala nini? (Kobundisa bango)

#### Niveau secondaire –

- Pona nini okanisi bato ya Jabès balingaki koyosoki na monguna na bango, kondima pe ete bakosalela ye? [Moniteur, yoka makanisi ya Bana.] (Mbala mosusu bazalaki na kobanga, yango wana bandimaki te kobunda ná Ye.)

### Bana basala bageste:

Bana basala mwa-scenette. Mwana moko asala lokola Mokonzi Nachasch. Atelema liboso ya Bana mosusu. Bana mosusu bafukamela ye. Baloba-loba ete, «Tokosalisa yo ! » Nachasch aloba ete, « Bolingi kobika, ee? Bino bokobika KAKA soki natoboli moto nyonso lisu na ye! » Bango nyonso babanda kolela makasi.

### Bana bayemba pe babina:

Mokonzi Nachasch ayebisaki bango, Tosengeli kopona.

Soki bolingi kobika  
Na kotobola bino lisu!

## 10.2 Tango Saul ayokaki makambo wana, Molimo na Nzambe atondisaki ye na kanda mosantu.

### 1 Samuel 11:5-6

#### Tangela Bana:

5 Na tango yango wana, Saul ....atunaki ete: «makambo nini? Po na nini bato bazali kolela? Bayebisaki ye makambo oyo bato ya mboka Jabès balobaki.

6 Tango Saul ayokaki makambo yango, Molimo na Nzambe esimbaki Ye, Ayokaki kanda.

### ? Tuna bana:

#### Niveau prescolaire –

- Tango mokonzi Saul ayokaki makambo wana, boni, azalaki na esengo to kanda? (Kanda)

#### Niveau primaire –

- Nini to nani esimbaka Saul tango Ayokaki makambo wana? (Molimo na Nzambe)

#### Niveau secondaire –

- Molimo na Nzambe esimbaki Saul, Azwaki kanda. Ezali komonana ete kanda nyonso ezali mabe te. Ndenge nini? (Kanda na makambo ya mabe ezali mabe te.)

### Bana basala bageste:

Bana basala bageste mibale-mibale. Moko asala lokola Molimo na Nzambe, moko lokola Saul. Mwana oyo basali lokola Molimo na Nzambe asali maloba Whoosh ! Whoosh ! Asimba mapeka ya mwana mosusu. Mwana mosusu abanda kotalisa kanda.

### Bana bayemba pe babina:

Molimo na Nzambe esimbaki Saul Ayokaki kanda ya mingi. Eloko oyo Nachasch alobaki Ezalaki malamumu te.

### 10.3 Saul abengaki bato ya ba-tribu nyonso basalisa bato ya Jabès. 1 Samuel 11:7-8

#### Tangela Bana:

7 (Sommaire) Saul abengaki bato ya mabota nyonso ya Israel baya kosalisa bango na bitumba.

8 Saul atiáki bango nyonso na mulongo... kotanga bango. Bato wana ba-wutaki na Israel bazalaki mile kama misato (300,000).

#### ? Tuna bana:

##### Niveau prescolaire –

- Saul abengaki bato, pe bayaki mingi, to moke? (Mingi)

##### Niveau primaire –

- Bato oyo nyonso bayaki kosala nini? (Kosalisa bandeko na bango na kobunda bitumba.)

##### Niveau secondaire –

- Bayaki kosalisa nani? (Bandeko na bango ya mboka Jabès.)

#### Bana basala bageste:

Mwana moko asala lokola Saul. Abengi Bana na bageste. Alobaki ete, «Yaka kosalisa bandeko na kobunda bitumba. » Bango nyonso bakende na ye.

#### Bana bayemba pe babina:

Saul abengaki bato  
Ye bayaki mingi.

### 10.4 Bato ya Israel balongaki bato ya Ammon oyo bazalaki kobundisa bango. 1 Samuel 11:9-11

#### Tangela Bana:

9 (Sommaire: Bandeko batindaki message na bato ya Jabès ete bakoya kosalisa bango.)

Bato ya mboka Jabès basepelaki mingi tango bazwaki sango oyo,

10 balobaki na Nachasch... ete: « lobi tokomipesa na bino, ebongo bino bokosala biso ndenge bolingi. »

11 mokolo elandaki na tongo-tongo, Saul akabolaki bato na ye na ndambo misato ;

bakotaki na camp ya banguna, Babundisaki bato ya Ammon....banda tongo tii midi. Baoyo batikalaki na bomoi, bakimaki....

#### ? Tuna bana:

##### Niveau prescolaire –

- Bango nyonso ya me kwisa, Bakendeki kobunda na bato ya Ammon, to Bakendeki te? (Bakendeki kobunda.)

##### Niveau primaire –

- Bato ya mboka Jabès ayebisaki Mokonzi Nachasch ete bo ta komipesa na ye. Kasi nini surprise bazalaki kozela ye? (Bandeko mingi me kwisa kobunda nzela moko pe bango.)
- Na suka, bato ya Ammon ya me tikala na bomoi, Basalaka nini? (Bakimaki.)

##### Niveau secondaire –

- Pona nini okanisi Saul kobolaka bato ya Israel na biteni misato? (Po bango kwisa na ye na konso direction, bo mo na ndenge Kobima te.)

#### Bana basala bageste:

Bana basala bageste lokola bato ya Ammon ke tina.



#### Bana bayemba pe babina:

Na makasi ya Nzambe, Bato ya Israel Balongaki na bitumba.

### 10.5 Saul aboyaki koboma bato ya bazalaki kotia ntembe po na bokonzi na ye.

#### 1 Samuel 11:12-13, 10:27

#### Tangela Bana:

12 Sik'oyo, bato ya Israel balobaki na Samuel ete: « Wapi bato wana oyo bazalaki koloba ete Saul akozala mokonzi na biso te? Pesa biso bango, toboma bango nyonso. »

(Po na tango Samuel alakisaki Saul lokola mokonzi,) 10:27 ... bato mosusu ya pamba bazalaki koloba ete: « Ye oyo, akosalisa biso na nini? » Batongaki Ye, bamemelaki ye pe ata cadeau te. Kasi Saul asalaki lokola ayoki yango te.

11:13 Kasi Saul alobaki ete: « Ata moto akokufa te lelo, po lelo ezali mokolo oyo Yawe akobikisa Israel. »

### ? Tuna bana nyonso:

- Liboso, bato mosusu na Israel, balingaki te Saul azali mokonzi. Abomaki bango, to Abomaki bango te? (Abomaki bango te.)

### 10.6 Bato nyonso bandimaki Saul azala mokonzi na bango. 1 Samuel 11:14-15



#### Tangela Bana:

14 Samuel alobaki na bato ya Israel ete: « Biso tokendeki ...po tondima lisusu ete Saul azali mokonzi na biso. »

15 Yango wana, bango nyonso bakendeki ... ebongo kuna liboso ya Yawe, balobaki ete Saul azali mokonzi ya Israel. Bapesaki mabonza...na Yawe. Ebongo Saul pe bato nyonso babandaki kusepela mingi.

### ? Tuna bana:

#### Niveau prescolaire –

- Tango Bato ya Israel bandimaki lisusu ete Saul azala mokonzi, bapesaki nini na Nzambe? (Mabonza)

#### Niveau primaire –

- Sima bato kondima lisusu ete Saul azala mokonzi, babandaki kosalela nini? (Kosepela mingi)

#### Niveau secondaire –

- Ndenge nini ozali komona ete Saul abandaki bokonzi na ye malamumu? [Moniteur, yoka makanisi ya Bana.] (Na kati ya makanisi, okoki kozala oyo):
  - Akendeki kosalisa bandeko na mboka Yadeshi.
  - Alandaki Molimo na Nzambe.
  - Abengaki bato nyonso basalisa. Oyo ezali kotalisa ete akoki kokamba.
  - Atambwisana bitumba na ndenge ya mayele.
  - Alanda te bato oyo bandimaki te bokonzi na ye. Na ndenge wana,

abongolaki banguna, bakoma baninga.



#### Bana basala bageste:

Bana nyonso babeta maboko pe babina na esengo. Baloba ete, « Saul, mokonzi na biso, e! »



#### Bana bayemba pe babina:

Bato nyonso bandimaki Bokonzi ya Saul.

#### >|< Kosilisa:

Saul abandaki malamumu lokola mokonzi ya Israel. Azalaki kobanga te na kobundisa banguna oyo balingoki kobundisa bato na ye Israel. Ye pe alimbisaki bato oyo bandimaki ye na lombangu lokola mokonzi. Tokomona sima, soki akolanda kosala malamumu tii na suka. Kasi na ebandeli, abandaki malamumu.

Biso pe lelo, na makambo nyonso ezali liboso na biso, na nguya na Nzambe tosengeli kotia lokolo moko liboso. Esengeli tobanda.



#### Verse ya lel'oyo:

5 Tia motema na yo nyonso na Yawe, / kotia motema te na makambo/ oyo yo moko okanisaka ete oyebi./

6 Kanisa Yawe na makambo nyonso/ oyo osalaka. / Akolakisa yo nzela ya malamumu. / Batoli 3:5-6

Bana baloba yango mbala mibale. Sima, pesa Bana nzela ya koloba yango moko-moko. Mwana moko abanda, kasi na kati-kati, lakisa elembo ete atika. Yebisa mwana mosusu, oyo asengeli kolanda verse esika oyo atikaki.



#### Banzembo ezali kokende nzela moko na Leson:

Bana bayemba moko ya Banzembo oyo ezali kokende nzela moko na Leson oyo.



#### Devoir po na bakristo:

Bino Bana bakristo, bino ya yeba ete deja bino me yamba Yesu na bomoi ya bino, devoir nazali kopesa bino, yango oyo: Bana mingi babandaki nanu te kotanga to koyoka mwa kandai ya Bible mikolo nyonso.

Nazali kosenga na bino bobanda na poso oyo. Soki Bible ezali te, to soki oyekoli kokotanga nanu te, luka moninga oyo alingi kotangela yango. Kaka mwa mwa-moke verse mikolo nyonso. Ebongo kanisa mokolo yanga mobimba ya Malakisi oyango oyoki. Banda.

**✝ Kobenga babungi na Yesu:**

Kasi mbala mosusu oyebi nanu te ete Yesu abikisa yo. Mwana na Nzambe Yesu Kristu atikaki esika kitoko na ye na likolo, akiti awa na sé oyo, po na kobikisa yo. Asalaki yango po akoka kozongisa na boyokani ná Nzambe. Po lola ekoka kofongwama po na yo. Asali nyonso

na tina po na yo, tango Akufaki likolo ya ekulusu. Soki motema ezali koyebisa yo ete, ozali na tina na ye, wana Molimo na Nzambe. Yoka maloba na ye. Benga kombo na Yesu. Bongola motema lel'oyo.

Soki ozali na bosenga ya lisalisi na likamb'oyo, tozali tango nyonso awa sima ya Ecodim po na kosalisa yo.

**==SUKA YA LESON 10**

**Soki ngonga ekokoka,**

**📖 Teya mikanda ya Bible:**

(Makanisi ezali na suka ya Mokanda oyo.)

## Leson 11 Samuel apesaki message ya suka. 1 Samuel 12:1-25

### I. Preparation ya Moniteur—

#### Tina ya Leson:

Soki toyebi ete tobunga nzela na Nzambe mwa-mwa-moke, tozonga na lombangu, tolanda ye lisusu.

#### Verse ya lel'oyo:

*Samuel azongisaki ete:/ « Bobanga te. / Ya solo, bosali mabe,/ kasi ata boye nde,/ botiki Yawe te,/ bosalela Ye/ na motema na bino nyonso. »*

1 Samuel 12:20

#### Nzembo ezali kokende nzela moko ná leson:

##### Na lapi Kolanda Yesu

Na lapi kolanda Yesu (3X)  
Kozonga, kozonga sima ekosimba te.

Ata ngai moko (3X)  
Ee, nakolanda  
Kozonga, kozonga sima ekosimba te.

##### Zonga, Afrika! Zonga!

Zonga! Afrika, zonga !  
Zonga na Nzambe mobungi  
Totika milimo nyonso, bikeko nyonso,  
Tozonga na oyo asalaki biso !  
Tozonga na oyo asalaki biso !

### II. Revision—

#### † Kolanda devoir ya Leson oyo eleki:

Devoir topesaki bino bakristo Na poso eleki bazalaki ete bobanda kotanga tokoyoka mwa-moke ya Bible mikolo nyonso. Nani asalaki yo? Nani azali kotanga mwa-moke ya Bible ye moko? Nani Ammon moto oyo andimi kotangela ye? [Moniteur, pesa Bana mibale to misato makoki ya koloba nani akotangela ye. Baoyo bazali kotanga bango moko bakoki koloba eloko moko oyo batangi na poso oyo. Pesa bango nyonso konzo nakolanda kosalela boye nde.]

#### † Koyemba lisusu Ba-Leson oyo eleki:

Na poso eleki, tomonaki ete monguna moko eyaki kobundisa bato ya Israel ya mboka moko. Tango mokonzi Saul ayokaki yango, ye bengaka bandeko po na kosalisa bo, pe Nzambe asalisaki bo kolonga. Yango wana, bato nyonso bazalaki na esengo kobenga Saul mokonzi na bango. Saul abandaki mosala na ye na ndenge moko ya malamau, to ya mabe? (Ee, ya malamau.)

### III. Koteya Leson Oyo—

#### Ebandeli:

Nani kanisa kombo ya prophete ya tiáka Saul mokonzi? (Ee, Samuel. Azalaki prophète, pe Elombe (to juge) ya suka.)

Pona nini Nzambe ayebisaki Samuel atíá Saul mokonzi? (Ee, po bato oyo bazalaki koboya Nzambe lokola mokonzi na bango. Balukaki kaka kozala lokola bamboka mosusu oyo bazali na mokonzi.) Lel'oyo, tokomi pene-pene na suka ya bomoi ya Samuel. Olingi kopesa Malakisi na ye ya suka na bato ya Israel.

#### Developpement (Malakisi monene ya Leson oyo na banzete 4):

##### 11.1 Samuel abengaki bato ya Israel po bayoka Malakisi ya suka na ye.

##### 1 Samuel 12:1-2

#### Tangela Bana:

1 Samuel alobelaki bato ya Israel ete: « na sali makambo nyonso oyo bolingoki. Napesi bino mokonzi oyo akokonza bino.

2 Sik'oyo, tosengeli kolanda ye. Ngai nakomi mokolo...

#### ? Tuna bana:

##### Niveau prescolaire –

- Samuel azalaki leki to mokolo? (Akomi mokolo.)

##### Niveau primaire –

- Samuel apesi bango nini oyo bobolingoki? (mokonzi)

**Niveau secondaire –**

- Sik'oyo, bokolanda Samuel lisusu te, kasi bosengeli kolanda nani? (mokonzi na bango)

**Bana basala bageste:**

Bana botambola na nzete lokola mpaka to mobange. Baloba ete, « ngai Samuel nakomi mpaka to mobange. »

**Bana bayemba pe babina:**

Samuel akomi mpaka to mobange, Bakolanda mokonzi Saul.

**11.2 Bandimaki ete Samuel me asali bango ata mabe moko te. 1 Samuel 12:3-5****Tangela Bana:**

*3 ngai ye oyo. Soki nasalaki elokó ya mabe, boyebisa ngai yango sik'oyo na miso ya Yawe ....Boni, nasalaki moto nko, to namonisaki ye pasi? ....*

*4 Bato ya Israel balobaki ete: «Osalaki biso nko te, omonisaki biso pasi te. »*

*5 Samuel ete: « Yawe pe mokonzi oyo atiá azali temoin na ngai lel'oyo, bomoni ete nasalaki mabe te. » Bango ete: « E, ozali boye nde. »*

**? Tuna bana:****Niveau prescolaire –**

- Boni, bato bamonaki ete Samuel Ammonsi bango pasi? (Ezali te.)

**Niveau primaire –**

- Nani azalaki temoin ete Samuel amonisaki bo pasi te? (Nzambe)

**Niveau secondaire –**

- Okanisi nini, soki otunaki question oyo bato nyonso oyo bayebi yo, boni, moto akoloba ete osali ye mabe?

*[Moniteur, yoka eyano ya Bana. Boni, moto akoloba été osali ye mabe, encourager Bana kobongisa yango.]*

**Bana basala bageste:**

Bana basala bageste na maboko kotalisa ete, « Ata eloko te. » Baloba ete, «Samuel asalaki bato ata mabe moko te. »

**Bana bayemba pe babina:**

Bato nyonso bandimaki,  
“Osali biso mabe te, Samuel,  
opesa biso mabe te.”

**11.3 Samuel asosolisi bango ndenge oyo Nzambe asalisi bango, pe masumu oyo asalaki koluka mokonzi. 1 Samuel 12:6-13****📖 Tangela Bana:**

*6-7 Samuel alobaki lisusu ete: ....Sik'oyo, attention! ... Natangela bino na miso na Yawe malamumu-malamumu nyonso oyo asalaki na kobikisa bino....*

*8 Tango Jacob pe famille na ye bakendeki na mokili ya Egypte pe komona pasi na maboko ya bato ya Egypte, bakoko na bino balelelaki Yawe... ebongo atinda Moïse pe Aron na kobimisa bango na Egypte, azali pe komema bango na mabele oyo.*

*9 Kasi babosanaki Yawe... ebongo atinda (banguna na kobundisa bino).*

*10 Balelaki-lelaki Yawe lisusu na kosalisa bango ete: « Tosali masumu, po totikaki yo Yawe, na kendeki kosambela banzambe Baal pe Astarté. Bikisa biso na maboko ya banguna, ebongo tokosambelaka yo. »*

*11 Sik'oyo, Yawe atindaki (Bilombe to ba-juje)... Babikisaki bino na maboko ya banguna, ebongo bozalaki kobika na kimia.*

*12-13 ebongo ...bino boboyaki Yawe azala mokonzi na bino, bino balobaki na ngai ete: 'Tiela biso mokonzi oyo akokonza biso.' Sik'oyo, mokonzi oyo bolukaki...*

**? Tuna bana nyonso:**

- Nzambe atambwisaki bango tii tango wana to te? (Ee, atambwisaki bango.)
- Boni, balandaki Nzambe malamumu-malamumu? (Te, babosanaki ye na koluka banzambe mosusu. Basali mabe lisusu kosenga mokonzi.)

**11.4 Samuel abondelaka bango bazongeli kolanda Nzambe. Ayebisaki monene ya masumu oyo kosenga mokonzi ná elembo. 1 Samuel 12:14-19**

### Tangela Bana:

14 Soki botosi Yawe, Nzambe na bino ; soki bosalelaka kaka Ye... soki bolandi ye malamumu malamumu, bino ná mokonzi na bino, makambo nyonso ekozala malamumu.

15 Kasi, soki bino botosi Yawe te, soki bolandi mibeko na ye pe te, akoboya bino...

16 Sik'oyo, attention ! Botala makambo minene oyo Yawe asali awa na miso na bino.

17 Oyo ezali tango ya elanga, boye nde te? Na zali kosambela Yawe, ebongo bokomona ndenge nini akotinda kake pe mbula ; bokoyeba ete bosalaki mabe penza na...Nzambe na kosenga ye mokonzi.

18-19 Samuel asambelaki Yawe, ebongo mokolo yango wana, Nzambe atindaki kake pe mbula. Bato nyonso ...balobaki na Samuel ete: « Pardon, sambelela biso Yawe na yo, boye nde tokufa te. Po tobakisi masumu mosusu ya kosenga ye mokonzi. »

#### Tuna bana:

##### Niveau prescolaire –

- Nzambe atindaki nini na tango ya elanga? (Kake pe mbula)

##### Niveau primaire –

- Kake pe mbula yina, ezalaki koyebisa bango nini? (Ete basali masumu na kosenga mokonzi)

##### Niveau secondaire –

- Bato basengaki Samuel asalaki nini? (Asengaki Nzambe ete bakufa te.)



#### Bana basala bageste:

Bana basala bageste kotalisa kake pe mbula.



#### Bana bayemba pe babina:

Nzambe atindaki mbula  
Na tango ya elanga  
Elembo oyo atalisaki bango  
Basali mabe monene.

**11.5 Samuel abondelaki bato lisusu ete bazonga na Nzambe, baluka bikeko lisusu te.**

**1 Samuel 12:20-25**

### Tangela Bana:

20 Samuel azongisaki ete: « Bobanga te...bosali mabe, kasi ata boye nde, botikaki Yawe te, bosalela ye na motema na bino nyonso. »

[Moniteur, verse ezali verse oyo Bana bakoyekola lelo. Baloba yango mbala moko phrase na phrase sima na yo. Bokoloba yango koleka sima.]

21 Bokende te kosambela banzambe ya lokuta. Bakokoka te kosalisa bino na kotika bino...bazali banzambe ya pamba.

22 Yawe akotika bino te ata moke, po ye moko akati ete akokomisa bino bato na ye....

24-25 Botosa Yawe, bosalela ye na motema moko ya malamumu. Bobosana te makambo minene oyo asalaki po na bino. Kasi, soki bozali kolanda kaka na kosala mabe, bino ná mokonzi na bino, bokokufa. »

#### Tuna bana:

##### Niveau prescolaire –

- Samuel abondelaki bango bakolanda nani? (Nzambe)

##### Niveau primaire –

- Ata basali mabe, Samuel abondelaki bango kosalela nini? (Kolanda Nzambe pe kotosa na ye)
- Abondelaki bango bakotikala nini? (Banzambe mosusu, ya pamba)

##### Niveau secondaire –

- Basengeli kanisa nini? (Ndenge nyonso Nzambe asalisi bango.)
- Pona nini Samuel alingi bango kosambela bikeko te? (Po wana ezali banzambe ya pamba ekoki kosalisa bango te.)



#### Bana basala bageste:

Bana batalisa bageste lokola bazali koboya bikeko, bazali kosimba Nzambe na maboko mibale.



#### Bana bayemba pe babina:

Ata basali mabe,  
Kozonga na Nzambe !

**>|< Kosilisa:**

Bato ya Israel bamonaki ete, ya solo basali mabe. Kasi wana azali koyebisa te ete batika kolanda Nzambe, kasi bazonga na ye.

Ata motema na biso bakristo, elingi kolanda Nzambe, mbala na mbala tokoki komona ete, “O, ngai nasali mabe ! Oyo na sali, epesi Nzambe esengo te.” Tango wana, totika Nzambe te bo na libele. Tozonga na ye. Tozonga na nzela, ebongo akoyamba biso lisusu.

**♥ Verse ya lel’oyo:**

*Samuel azongisaki ete:/ « Bobanga te. / Ya solo, bosali mabe,/ kasi ata boye,/ botika Yawe te,/ bosalela Ye/ na motema na bino nyonso. »*  
1 Samuel 12:20

*[Moniteur, Kabola Bana na biteni mibale. Baloba phrase na phrase sima na yo. Mwa-moke moko ya Bana baloba phrase moko, mwa-moke ya mibale baloba phrase oyo elandi.]*

**👤 Nzembo ezali kokende nzela moko ná leson:**

Bana bayemba moko ya Nzembo ezali kokende nzela moko ná leson oyo.

**👋 Devoir po na bakristo:**

Bino bakristo, devoir nazali kopesa bino lel’oyo ezali ya komituna, Boni, na bosani nzela na Nzambe, ata mwa-moke? Soki omoni mabe moko oyo osali, kende na lombangu na Nzambe kosenga Pardon n, pe kozonga na nzela na ye.

**✝ Kobenga babungi na Yesu:**

Bino oyo bayamba Yesu nanu te, sik’oyo nazali koloba na bino. Soki bomoni maloba ya moke ezali koloba ete, “Ozali na tina na Yesu,” ya Molimo na Nzambe ezali kobeta na motema na yango. Yesu eyaki, pe Akufaki na esika na yo po okoki koyeba Nzambe. Asekwaki na kufa po okoka kozwa bomoi ya seko na seko. Soki olingi kolanda Ye, obenga kombo na ye. Bongola motema, pe akoyeba koyamba ye.

**==SUKA YA LESON 11**

**Soki ngonga ekokoka,**

**📖 Teya mikanda ya Bible.**



## Leson 12 Saul apesaki makabo na Nzambe oyo apesi ye te ndingisa ya kopesa (yango). 1 Samuel 13:1-23

### I. Preparation ya Moniteur—

#### Tina ya Leson:

Tondimi esika oyo Nzambe atiéla biso, tokende te na ndenge tolingi biso moko koluka esika mosusu.

#### Verse ya lel'oyo:

*Samuel alobaki ete:/ « osali buzoba !/ otosi te mibeko/ oyo Yawe,/ ... apesi yo... »*  
1 Samuel 13:13a

#### Nzembo ezali kokende nzela moko ná leson:

**Ee, Mokonzi, Ee**

Ee, Mokonzi, ee

Na nyonso oyo olobi

Ee, Mokonzi, ee

Nakoki kotosa

#### **Eyano:**

Wana naz'o tanga Bible

Nako kaka ndima

Na koloba ee,

Mokonzi, ee!

#### **Na komona Esengo**

Nakomona esengo (3x)

Na nyonso Nzambe apesi

Na kokauka motema te (3x)

Na esika ya bato mosusu

Nzambe na ngai ayebi (3x)

Nini ezali malamumu na ngai.

### II. Revision—

#### Kolanda devoir ya Leson oyo eleki:

Bana bakristo, Na poso eleki, tosengaki bino na kokanisa malamumu soki bobungi nzela na Nzambe ata mwa-moke. Baoyo bomonaki ete bobandaki kobunga nzela mwa-moke, tosengaki bozonga. Nani amonaki nzela moko asengeli kozonga na Nzambe na poso oyo? Nani akoyebisa biso nzela wana? Bino mosusu, kanisa ete soki osali makambo oyo epesi Nzambe esengo te, soki obungi nzela, okoki ete kozonga.


#### Koyemba lisusu Ba-Leson oyo eleki:


Na poso eleki, tomonaki ete moto moko aye pene-pene na suka ya bomoi na ye.

Moto yango nani? (Ee, Samuel)

Samuel apesaki Israel conseil ete balanda kaka nzela na Nzambe. Nani akotikala kokonza bano? (Ee, Saul. Samuel atié ye mokonzi.)

### III. Koteya Leson Oyo—

 **Ebandeli:** Tomoni ete Saul abandaki malamumu lokola mokonzi ya Israel. Boni, akolanda conseil Samuel apesi bango? Boni, akolanda kaka nzela na Nzambe pe mibeko oyo apesi bango?

 **Developpement (Malakisi monene ya Leson oyo na banzete 5):**

**12.1 Ba-philistin bazalaki komonisa bato ya Israel pasi. Yango wana, Saul abengaki bato ya Israel kobundisa bango.**

**1 Samuel 13: 19-22, sima, 2-5.**

 **Tangela Bana:**

***Ndenge monguna Ba-philistin azalaki komonisa bango pasi--***

*19 Na Tango wana, ... ba-philistin balingaki te ete Ba-Ebreo (bato ya Israel) basalela bambeli ya bitumba pe makonga.*

*20-21 Yango wana, bato ya Israel bazalaki kokende na bamboka ya ba-philistin esika batiáki bibundeli na bango ya mino makasi, lokola ba-kongo, ba-epasola, pe bambeli. Bazalaki kufuta ...*

*22 Yango wana, na mokolo ya bitumba, ata soldat moko te ya Israel azalaki na mbeli to likonga, kaka Saul ná mwana na ye Jonathan.*

***Ndenge Saul abengaki bato ya Israel--***

*2 Saul aponaki bato ya Isrele mile misato (3,000): mile mibale (2,000) etikalaki ná Ye na mboka Micmasch.... mile moko (1,000) etikalaki ná mwana na ye Jonathan... Kasi baoyo mosusu, azongisaki bango nyonso na bamboka na bango.*

*3-4 Jonathan abomaki mokonzi ya Basoldat ya Ba-philistin.... Saul atindaki bato na*

*kobeta kelelo na mokili mobimba po na koyebisa bato nyonso .... Ebongo ba-philistin, bayokaki kanda penza. Yango wana, bato ya Israel bakendeki kokuta Saul na mboka Guilgal.*

*5 Ba-philistin bayaki kobundisa bato ya Israel. Bazalaki na ba-pusu-pusu..., bato ya ba-punda..., pe Basoldat mingi-mingi, ndenge ya kotanga bango ...te. Bakendeki na mboka Micmasch.... Batiáki camp na bango kuna.*

### ? Tuna bana:

#### Niveau prescolaire –

- Ba-philistin bazalaki baninga ya Israel to banguna? (Banguna)

#### Niveau primaire –

- Ba-philistin bapesaki bango pasi ndenge nini?  
(Bapesaki bango nzela te kosalela to ata kozala na biloko ya mabende.)
- Soki bitumba ezali, ba-philistin bakozala na bambeli, etc., kasi bato ya Israel esengeli kobunda maboko pamba. Okanisi bato ya Israel bamonaki oyo ndenge nini?

*[Moniteur, yoka makanisi ya Bana. Mbala mosusu injuste, malamumu te, ndenge ya kolonga te, kanda, etc.]*

#### Niveau secondaire –

- Ndenge nini bitumba ebandaki?  
(Jonathan abomaki mokonzi ya Basoldat na bango, ebongo tata na aayebisaki bato nyonso. Ba-philistin bayokaki kanda pe eyaki kobundisa bato ya Israel.)

#### 👤 Bana basala bageste:

Bana basala lokola bazali kobeta ngonga, azali koloba ete, « Jonathan abomaki mokonzi ya Basoldat ya Ba-philistin. »



#### Bana bayemba pe babina:

Ba-philistin batungisaki bango mingi. Jonathan abomaki mokonzi ya Basoldat na bango.  
Ba-philistin bayokaki kanda mingi.

Bayaki kobundisa bango.

Bayaki mingi.

### 12.2 Bato ayokaki kobanga mingi. 1 Samuel 13:6-7



#### Tangela Bana:

*6 Babundisaki bato ya Israel makasi, ebongo ...bato mosusu bakendeki kobombana na mabulu ya ndenge na ndenge, pe na sé ya mabanga.*

*7 Basusu bakatisaki ebale ya Jourdain. Bakimaki.... Saul azalaki kaka na mboka Guilgal. Bato wana bazalaki ná Ye babandaki kolenga na kobanga.*

### ? Tuna bana:

#### Niveau prescolaire –

- Bato ya Israel bayokaki esengo to kobanga? (Kobanga)

#### Niveau primaire –

- Ndenge ba-philistin bazalaki kobundisa bato ya Israel, yango epusaki bango kosalela nini?  
(Komibomba na esika nyonso, kokima, kolenga na kobanga.)

#### Niveau secondaire –

- Nini mosusu bakoki kosala?  
*[Moniteur, yoka makanisi ya bato. Mbala mosusu senga lialisi na Nzambe.]*



#### Bana basala bageste:

Bana basala bageste oyo ezali kotalisa kobanga.



#### Bana bayemba pe babina:

Ba-philistin bundisaki bango makasi. Bato ya Israel, kobanga esimbaki bango.

### 12.3 Bazalaki kozela Samuel mikolo 7, po apesi makabo na kosenga lialisi ya Nzambe na bitumba balingaki kobunda, kasi bayaki lisusu te. Yango wana, Saul azwaki esika ya Nganga-Nzambe na kopesa makabo wana. 1 Samuel 13:8-9

 **Tangela Bana:**

8 Saul azalaki mikolo sambo na kozela Samuel ndenge alobaki ete, kasi Samuel ayaki te.... Tobandaki kokima Saul,

9 yango wana, alobi nde na bango ete:  
« Bomemela ngai banyama po na kopesa mabonza....

**? Tuna bana:****Niveau prescolaire –**

- Saul alingaki nyama po na kolia, to po na kopesa mabonza?  
(Kopesa mabonza)

**Niveau primaire –**

- Samuel alobaki ete ye akaya na mikolo 7. Saul azalaki ye tango boni?  
(Mikolo 7)

**Niveau secondaire –**

- Samuel Alingaki koya po na kopesa mabonza na Nzambe liboso babanda kobunda. Po na nini Samuel esengeli apesa yango?  
(Po azalaki Nganga-Nzambe, pe kaka ye Nzambe apesaki ye mosala ya kopesa mabonza.)

 **Bana basala bageste:**

Mwana moko atanga malembe mikolo 1 tii na 7. Sima ya nombre (chiffre) nyonso, Bana mosusu batala lokola bazali koluka Samuel. Bango nyonso bakoloba ete, « Samuel aye te. »

 **Bana bayemba pe babina:**

Samuel, Nganga-Nzambe  
Alingaki koya  
Saul azalaki ye  
Kopesa mabonza.

### 12.4 Tango wana, Samuel azongaka. Alobaki ete, Nzambe azali na esengo te po Saul asali na esika ya Nganga-Nzambe. Nzambe apesaki ye esika wana te. 1 Samuel 13:10-13

 **Tangela Bana:**

10 Asilisaki ndenge oyo, Samuel pe ayaki kokoma....

11 ... Samuel alobaki ete: « osali nini boye? » Saul azongisaka ete: «namonaki ete bato babandaki kokima-kima, tango pe ya koloba okoya eleki. Yango pe ba-philistin bazali kokutana na mboka Micmasch.

12 nakanisaki ete: 'Ba-philistin bazali koya kobundisa ngai awa ... ebongo nasambeli nanu te Yawe na kosalisa biso.' Yango wana, namoni ete ngai moko esengeli na pesa ye mabonza. »

(NB: Attention, Bana ya niveau secondaire. Na français ezali koloba ete Saul asali yango na mot mabanga. « 1 Samuel 13:12 --je me suis dit: Les Philistins vont descendre contre moi à Guilgal, et je n'ai pas imploré l'Eternel! C'est alors que je me suis fait violence et que j'ai offert l'holocauste. »

13 Samuel alobaki ete: «Osali buzoba !» otosi te na mibeko wana oyo Yawe... apesaki yango. Soki olandaki yango, Alingaki kotikala yo na Bana na yo, bokonza Israel tii kuna.

**? Tuna bana:****Niveau prescolaire –**

- Kaka sima Saul apesi mabonza na Nzambe, nani ayaki?  
(Samuel ayaki.)

**Niveau primaire –**

- Boni, Samuel azalaki na esengo po Saul asali mosala ya Nganga-Nzambe kopesa mabonza na Nzambe?  
(Ezali te. Ezalaki mosala Nzambe apesi na banganga-Nzambe.)

**Niveau secondaire –**

- Nini ezalaki etumbu Nzambe apesaki Saul?  
(Famille na ye etikala kokonza te tii kuna.)

 **Bana basala bageste:**

Bana koyebisa bageste oyo ezali kolakisa esengo te.

**Bana bayemba pe babina:**

O, Saul, te.

Nzambe apesaki yo mosala wana te.

Nzambe atíe yo mokonzi,  
wana mosala na Nganga-Nzambe.  
O Saul, te.

**12.5 Etumbu ya masumu ya Saul yango oyo:  
Bokonzi na ye ekotelama te, kasi Nzambe  
akoluka mokonzi mosusu, oyo akozala  
motema moko ná Ye. 1 Samuel 13:14**

 **Tangela Bana:**

*14 Kasi sik'oyo, bokonzi na yo ekowumela  
te. Deja Yawe aluki moto mosusu oyo  
akosepelisa ye ; pe atíe ye mokonzi ya bato  
na ye, po otosi ye te.*

**? Tuna bana:**

**Niveau prescolaire –**

- Boni, Nzambe azalaki na esengo na Saul,  
to esengo te? (na Esengote)

**Niveau primaire –**

- Pona nini Nzambe asepelaki te na  
Saul? (Po azalaki kotosa te na ye.)
- Na nini Saul atosaka te?  
(Ye azwaki esika na Nganga-Nzambe,  
kasi Nzambe apesi ye esika wana te.)

**Niveau secondaire –**

- Nzambe azalaki deja kosala nini?  
(Koluka mokonzi mosusu oyo akozala  
motema moko ná Ye.)

 **Bana basala bageste:**

Bana basala bageste lokola bazali koluka  
mokonzi mosusu. Bazali kotala....Bazali  
kotala....




**Bana bayemba pe babina:**

Saul, ozali mokonzi  
Boni, ozali kokoka te?  
Osala bonganga  
Yango wana, Nzambe akolongola yo.

**>|< Kosilisa:**

Nzambe apesaki Saul esika ya malam—kozala  
mokonzi, kokonza bato. Nzambe ayebisaki  
bango kala ete kaka banganga-Nzambe baki  
kopesa mabonza ya nyama na Nzambe. Kasi  
Saul apesaki kobanga na ye nzela ya kokonza  
na ye. Azalaki kotosa te na mibeko Nzambe  
apesi bango. Akendeki kosimba na makasi,

mosala ya bonganga pe. Nzambe azalaki te  
esengo po asimbi esika apesi Saul te. Yango  
wana, alobi ete akosukisa bokonzi ya Saul ná  
famille na ye.

 **Verse ya lel'oyo:**

*Samuel alobaki ete: / «Osali buzoba !/ Otosi te  
na mibeko/ oyo Yawe, / ... apesaki yo.... »  
1 Samuel 13:13a*



**Nzembo ezali kokende nzela moko ná  
leson:**

Bana bayemba moko ya Nzembo ezali kokende  
nzela moko ná leson oyo.



**Devoir po na bakristo:**

Bino bakristo, nazali kotuna bino moko-moko:  
esika nini Nzambe apesi yo na bomoi na yo  
sika-sik'oyo? Boni, ozali mwana ya classe?  
zala na esengo na yango, pe sala makasi. Boni,  
ozali choriste ? Ndima mosala wana, pe Sala  
yango malam. Ozali mwana na ndako?  
Kokauka motema te na kozala kulutu. Ndima  
pe sala na esengo na esika oyo Nzambe apesi  
yo lel'oyo.

Boni, ozali mwasi? Koyemba te ete, “A, soki  
ngai nazalaki mobali.” Boni, ozali mobali? Zala  
na esengo na yango na ndenge oyo Nzambe  
asalaki yo. Luka kozala mwasi to mobali oyo  
azali kosepelisa Nzambe.



**Kobenga babungi na Yesu:**

Kasi, yeba malam ete soki obongoli motema  
pe yamba Yesu te na bomoi na yo, okoki te  
kosepelisa Nzambe. Masumu nyonso oyo  
osala zuta kimwana moke na yo tii lel'oyo, ezali  
kaka. Ezali kokanga yo nzela ya kozala na  
boyokani pe Nzambe. Ezali kokanga yo nzela ya  
kokota na mboka na ye.

Nzambe apesi biso nzela moko ya kolongola  
masumu wana. Nzela yango ezali Mwana na  
Yesu Kristu oyo akufaki po na biso pe asekwaki  
na liwa. Soki oyebi te malam-malam ete  
ozali mwana pe molandi na ye, na kozala na  
esengo ya kosalisa yo sima ya Ecodim lel'oyo.

**==SUKA YA LESON 12**

**Soki ngonga ekokoka,**

 **Teya mikanda ya Bible:**

(Makanisi ezali na suka ya Mokanda oyo.)

## Leson 13 Nzambe aboyaki Saul po azalaki kotosa lisusu te. 1 Samuel 15:1-28

### I. Preparation ya Moniteur—

#### Tina ya Leson:

Totosa malamumu-malamumu na nyonso oyo Nzambe ayebisi biso na maloba na ye.

#### Kobongisa liboso:

Na 13.5 ‘Bana basala bageste’, okozala na bosenga ya elamba ya kala oyo Bana bakoki kopasola.

#### Verse ya lel’oyo:

*Samuel alobi ete: / «Nini Yawe alingi mingi:/ kotosa, to kopesa mabonza?/ Yeba ete, kotosa na Nzambe/ eleki kopesa ye mabonza... / 1 Samuel 15:22*

#### Nzembo ezali kokende nzela moko ná leson:

##### BI-BI-LA !

Bii-bi-le !  
Toko ta tanga yango !  
Senga, ebongo **otosa** na  
Bii-ii-bi-le !

##### Ee, Mokonzi, Ee

Ee, Mokonzi, ee  
Na nyonso okoloba  
Ee, Mokonzi, ee  
Nakoki kotosa

##### *Eyano:*

Wana naz’o tanga Bible  
Nako kaka ndima  
Na koloba ee,  
Mokonzi, ee!

### II. Revision—

#### Kolanda devoir ya Leson oyo eleki:

Devoir topesaki bino Na poso eleki, ezalaki koluka kozala na esengo na esika oyo Nzambe atiá yo. Nani akoyebisa biso lolenge amekaki kosala yango Na poso eleki?

### Koyemba lisusu Ba-Leson oyo eleki:

- Tomoni ete Nzambe atiáki nani mokonzi ya liboso ya Israel? (Ee, Saul)
- Boni, abandaki malamumu to malamumu te? (Malamumu)
- Abandaki malamumu, kasi deja asali lisumu moko oyo Nzambe alingi te. Akendeki kozwa esika oyo Nzambe apesaki ye te. Esika wana ya nani? (Esika ya Nganga-Nzambe)

### III. Koteya Leson Oyo—

#### Ebandeli:

Sima ete Saul akomaki mokonzi, ye ná mwana na ye Jonathan, babundaki bitumba mingi. Basengeli kosala yango, po bakoko na bango batosaki te na maloba na Nzambe ete balongola bato nyonso ya mabe na mabele wana. Batikaki bato wana mwa-moke-mwa-moke, pe bato yango bakomaki banguna oyo bazalaki kobundisa bango makasi. Moko ya bato oyo ezalaki tribu to libota ya Amalek.

#### **Developpement (Malakisi monene ya Leson oyo na banzete 5):**

**13.1 Nzambe ayebisaki Saul kosilisa bato ya Amalek, atika moto moko te na kati na bango kobika. 1 Samuel 15:1-3**

#### Tangela Bana:

*1-2 Samuel alobaki na Saul ete: « ....Yoka sik’oyo makambo ya Yawe, Nzambe Na nguya, azali koloba: ‘Nakati ete nazali kopesa bato ya Amalek etumbu...*

*3 Boye nde kende Kobundisa bango. Boma bango nyonso libela pe biloko na bango nyonso. Kotika ata eloko te. Boma nyonso pe banyama nyonso ... ’ »*

#### Tuna bana:

##### **Niveau prescolaire –**

- Nzambe alingi kopesa bato ya Amalek makobo to etumbu? (Etumbu)

**Niveau primaire –**

- Nzambe ayebisaki Saul ete esengeli aboma bato boni ya Amalek? (Bango nyonso)
- Asengeli koboma banyama na bango boni? (Nyonso)
- Asengeli kosala nini na biloko na bango? (Koboma yango nyonso. Atika ata eloko te.)

**Niveau secondaire –**

- Soki Saul akotosa malamumu na Nzambe, sima asilisa Amalek, nini ekotikala na bango? (Ata eloko moko te. Bango bato mabe. Nzambe akateli bango etumbu ya makasi.)

** Bana basala bageste:**

Nge moniteur akoloba phrase ya liboso. Bana nyonso bazongisa eyano, phrase ya mibale.

<u>Moniteur:</u>	<u>Bana:</u>
Bato nyonso ya Amalek	Koboma bango nyonso.
Banyama nyonso ya Amalek	Koboma yango.
Biloko nyonso ya Amalek	Koboma yango nyonso

**Bana bayemba pe babina:**

Nzambe akataki etumbu Na bato ya Amalek. Saul asengeli kosilisa bango.

**13.2 Saul ayebisaki ba- Kénien oyo bazalaki kobika na kati na bango na kobima. Ayokelaki bango mawa po Nzambe akati koboma bango te.****1 Samuel 15: 4-6****Tangela Bana:**

4 Saul abengaki Basoldat na ye... Atangaki bango; bazalaki (MINGI).

5 ebongo amemaki bango pene-pene na mboka ya bato ya Amalek. Babombanaki na esika moko....

6 Atindaki maloba na ba- Kénien ete: « Bolongwa wana, bofanda te esika moko ná bato ya Amalek....» ebongo ba- Kénien balongwaki.

**? Tuna bana:****Niveau prescolaire –**

- Basoldat ya Israel bazalaki moke to mingi? (Mingi)

**Niveau primaire –**

- Na kati ya bato ya Amalek, banani mosusu bazalaki bato malamumu oyo batikalaki kuna? (Ba- Kénien)
- Saul ayebisaki bato wana kosalela nini? (Kukatuka na kati ya bato ya Amalek)

**Niveau secondaire --**** Bana basala bageste:**

Bana koyebisa bageste ya azali koyebisa « katuka ».

**Bana bayemba pe babina:**

Liboso ayebisaki ba-Kénien: “Bolongwa bino nyonso.” Ee, bango nyonso balongwaki.

**13.3 Saul alongaki bato ya Amalek, kasi asalaki nyonso te na ndenge Nzambe alobaki. 1 Samuel 15:7-9****Tangela Bana:**

7-8 Saul abetaki bato ya Amalek... Abomaki bato nyonso ya Amalek, kasi mokonzi na bango Agag, atiaki ye na boloko.

9 ...Babomaki pe te banyama ya koleka kitoko-ba-ngombe, ba-meme, Bana ba-ngombe ya mafuta, pe Bana ya meme, pe eloko nyonso ya malamumu, kasi babomaki biloko nyonso ya pamba pe ya kozanga tina.

**? Tuna bana:****Niveau prescolaire –**

- Boni, Saul abomaki Mokonzi ya Amalek, to atiáki ye na boloko? (Aiáki ye na boloko)

**Niveau primaire –**

- Nzambe ayebisaki Saul aboma biloko nyonso ya Amalek, kasi abomaki nani te?  
(Mokonzi na bango, banyama koleka kitoko na bango, biloko ya koleka kitoko na bango.)

**Niveau secondaire –**

- Ndenge nini Saul abongolaki maloba na Nzambe?  
(Ete abomaki nyonso te, kasi kaka biloko oyo ezanga tina. Biloko ya kotoko, ekomaki ya ye.)
- Nini azalaki na probleme na ndenge Saul asalaki?  
(Atosaki te nyonso. azwaki maloba na Nzambe lokola elokó ya koluka na yango.)

**Bana basala bageste:**

Bana balakisa misapi mitano ya loboko moko. Basala lokola Saul. Basimba mosapi ya liboso. Baloba ete, « Oyo elokó ya kitoko. Nakotosa na Nzambe. »

Batalisa mosapi ya mibale. « Oyo elokó ya pamba. Nakotosa te. »

Mosapi ya misato. « Oyo elokó ya kitoko. Nakotosa. » Etc.

**Bana bayemba pe babina:**

Saul, Nzambe apesaki yo makanisi na ye. Pona nini yo obongoli yango makanisi na yo moko?

### 13.4 Samuel ayaki na Saul koyebisa ye ete asali mabe, kasi Saul alobaki ete asali malam.

**1 Samuel 15:10-21**

10-11 Yawe alobaki na Samuel ete: «ngai nayoki mawa po na ponaki Saul na kozala mokonzi...po ye alandi te mibeko na Ngai. » ....

12-13 ...(Samuel) akendeki koluka Saul....Saul apesaka ye mbote ete: « Yawe azala na yo. Ngai nasali makambo oyo Yawe alobaki. »

14 Samuel atunaki ye ete: « Ebongo, makelele oyo ya ba-ngombe pe ya ba-meme nazali koyoka, ezali kozwuta wapi?

15 Saul ete: « Basoldat na ngai babotolaki bango na bato ya Amalek. Bazwi ba-meme pe ba-ngombe ya koleka kitoko po na kopesa mabonza na Yawe... Biloko mosusu, tobomi-bomi yango nyonso libela. »

16 Samuel alobi ete: « Tika koloba . nazali koyebisa yo makambo oyo Yawe alobeli ngai... »...

18 «...Yawe atindaki yo ete: ‘Kende, koboma bato ya Amelek nyonso. Bazali bato mabe...’

19-20 Ebongo, po na nini optosi ye te? ....»

Saul ete: « ngai natosi Yawe, si. Ngai nakendeki ndenge ayebisaki ngai....

21 Kasi Basoldat na ngai babomaki te ba-meme pe ba-ngombe oyo ezalaki koleka kitoko. oyo babonisaki....na kopesa mabonza na Yawe... »

**? Tuna bana:****Niveau prescolaire –**

- Boni, Nzambe azalaki na esengo na ndenge Saul asalaki? (Ezali te.)

**Niveau primaire –**

- Samuel ayokaki nini oyo ayebisaki ye ete Saul akotosi te?  
(Kolela ya banyama. Nzambe pe ayebisaki ye.)

**Niveau secondaire –**

- Nini ezalaki excuse ya Saul?  
(Alingaki kopesa banyama wana mabonza na Nzambe. Alobi ete ezalaki ye te, kasi Basoldat na ye basalaki yango.)

**Bana basala bageste:**

Kabola Bana na biteni mibale. Moko aloba lokola Saul ete, «si natosaki. » Mosusu alela lokola banyama, « Bee, bee, bee. »

**Bana bayemba pe babina:**

Saul, abomaki banyama nyonso?

Bee, bee, bee.

Nani ayokaki kole-la? Baa, baa, baa.

Saul, otosi te!

### 13.5 Samuel alimbolaki na Saul mabe na ye pe etumbu oyo Nzambe akopesa.

#### 1 Samuel 15: 22-28

##### Tangela Bana:

22 Samuel alobi : « nini Yawe alingi mingi: kotosa to kopesa mabonza? Yeba ete, kotosa na Nzambe eleki kopesa ye mabonza, koyoka Malakisi na ye eleki kopesa ye banyama ya mafuta.

23 Mubulu ezali lokola kindoki. Motù makasi ezali lokola kosambela bikeko. Yango wana, po yango baboyaki kolanda mibeko ya Yawe, ye pe alongoli yo na bokonzi....

26 .... Oboyaki kolanda mibeko ya Yawe. Ye pe aboyi yo na kozala mokonzi ya bato ya Israel. »

27 Tango Samuel alukaki akende, Saul asimbaki ye na elamba, ebongo elamba epasokaki.

28 Samuel alobaki na ye ete: « Ndenge yango oyo pe, Yawe alongolaki yo na bokonzi ya Israel lelo. Apesi yango na moto mosusu...

##### Tuna bana:

##### Niveau prescolaire –

- Boni, Nzambe azalaki na esengo na Saul? Ezali te. Saul atosi te.

##### Niveau primaire –

- Mabonza ezali elokó ya malamumu, kasi nini eleki malamumu? (Kotosa na Nzambe)
- Pona nini Nzambe akondima Saul azala mokonzi lisusu te? (Po otosi ye te)

##### Niveau secondaire –

- Tango Saul asimbaki elamba ya Samuel, yango epasokaki. Ye alobaki nini? (Ete Nzambe akopasola bokonzi na loboko na ye.)

##### Bana basala bageste:

Lakisa elamba. Ozali kotalisa bokonzi ya Saul na Israel. Tiá Bana 2 to 3 na mopanzi moko, Bana 1 to 2 mosusu na pemonguna.

Basimba elamba, bapasola yango. Oyo ezali kaloba ete Nzambe akopasola bokonzi na loboko ya Saul, akopesa yango na moto mosusu.



##### Bana bayemba pe babina:

Saul, O Saul, otosi te.

Yango wana Nzambe akolongola bokonzi na loboko na yo.

##### Kosilisa:

Nzambe alobaki ete akolongola bokonzi ya Saul po atosi te na maloba na Nzambe. Atié makanisi na ye moko na esika ya maloba na Nzambe. O, Bana, tokeba. Maloba na Nzambe ezali na tina mingi. Toyokaka yango, totosa na yango na esengo nyonso.

##### Verse ya lel'oyo:

Samuel ete: / «Nini Yawe alingi mingi: / kotosa, to kopesa mabonza? / Yeba ete, kotosa na Nzambe/ eleki kopesa ye mabonza... / 1 Samuel 15:22

Bana baloba yangoo phrase na phrase sima ya yo moniteur mbala mibale. Sima, baloba yango lisusu mbala mibale, pe tango nyonso baloba 'kotosa,' batelama pe baganga yango makasi. Na suka, baloba yango pe bageste mbala mibale.



##### Banzembo ezali kokende nzela moko na Leson:

Bana bayemba moko ya Banzembo oyo kokende nzela moko na Leson oyo.



##### Devoir po na bakristo:

Devoir nazali kopesa bino bakristo, yango oyo: Poso oyo, tanga to koyoka mwa-moke ya maloba na Nzambe mikolo nyonso. Sima, komituna, “Ndenge nini nakoki kotosa na Malakisi oyo nakotanga?” Ebongo, sala yango. Kotosa.



##### Kobenga babungi na Yesu:

Kasi soki obongoli motema na Yesu nanu te na bomoi na yo, yeba ete, ozali na makombo ná Nzambe. Ozwi makombo, po biso nyonso tosali masumu. Totosi na Nzambe te.



Tosali makambo oyo Alingaki te. Yango wana, boyokani ná Ye ekatani, ekufi. Mubulu oyo ezali kokanga biso ndenge ya kokende kobika na mboka na ye.

Kasi Nzambe alingi yo mingi. Alingi kozongisa boyokani kati na yo ná Ye. Yango wana, atindaki Mwana na Yesu Kristu. Yesu abikaki awa na sé kozanga kosala ata lisumu moko. Ye kitoko kaka. Akofaki likolo ya ekulusu lokola mbeka, po na kufuta mbeka ya mabe na biso. Kasi kufa esimbaka ye te tii kuna. Asekwaki na kufa.

Lel'oyo, az'a na bomoi. Akoyoka yo soki obengi ye po na kobikisa yo. Bible azali koyebisa biso ete, "Moto nyonso oyo akobenga kombo na ye, akobika. (Roma 10:13).

Soki ozali koluka lisalisi po na koyamba Yesu, kaka tikala sima ya Ecodim. Tokoya kosalisa yo.

**==SUKA YA LESON 13**

**Soki ngonga ekokoka,**

** Teya mikanda ya Bible:**

(Makanisi ezali na suka ya Mokanda oyo.)

## Leson 14 Samuel atiáki David mokonzi ya Israel. 1 Samuel 16:1-13

### I. Preparation ya Moniteur—

#### Tina ya Leson:

Tolanda te makanisi na biso moko, kasi toluka kolanda makanisi na Nzambe, po tozali kososola ete azali komona te lokola tozali komona.

#### Verse ya lel'oyo:

*...Moto atalaka/oyo emonanaka na miso, /kasi Yawe/ Atalaka motema. /  
1 Samuel 16:7b*

#### Nzembo ezali kokende nzela moko ná leson:

##### Ee, Mokonzi, Ee

Ee, Mokonzi, ee

Na nyonso oyo olobi

Ee, Mokonzi, ee

Nakoki kotosa

##### *Eyano:*

Wana naz'o tanga Bible

Nako kaka ndima

Na koloba ee,

Mokonzi, ee!

##### Yoka Bible

Yoka Bible, Tanga Bible

'Bongo yo okomona

Nzela malamumu mingi

Nzela malamumu mingi

Pe bwagna! Pe bwagna !

Yoka Bible, Tanga Bible

'Bongo yo okoyeba

Makanisi na Nzambe

Makanisi na Nzambe

Na biso ! Na biso!

### II. Revision—

#### Kolanda devoir ya Leson oyo eleki:

Na poso eleki, topesaka devoir na bino bakristo ete botanga to boyoka mwa-moke ya maloba ya Nzambe mikolo nyonso, pe

kanisa ndenge nini bokoki kotosa na yango. Nani akoyebisa biso lolenge oyo atosaki na maloba na Nzambe poso oyo?

#### Koyemba lisusu Ba-Leson oyo eleki:

Na poso eleki, tomonaki ete Nzambe akataki nini po na mokonzi Saul? Alongolaki bokonzi na loboko na ye, po azalaki kolanda mibeko na Nzambe malamumu-malamumu te.)

### III. Koteya Leson Oyo—

#### Ebandeli:

Sami Alingaki kosomba bon-bon. Azalaki na mbongo ya kosomba kaka moko. Atalaki ba bon-bon malamumu-malamumu. Na suka, aponaki moko oyo ezalaki kokanga papier kitoko. Kasi na kati, amonaki ete ezalaki kitoko mingi te. Bisu bato tozalaka mbangu na kolanda makambo nyonso oyo ezali komonana kitoko na misson. Na poso eleki, tomonaki ete Nzambe aboyaki ete Saul azala mokonzi lisusu. Azalaki kitoko na misson, moplai koleka bandeko na ye. Kasi, azalaki kotosa na Nzambe te. Yango wana, Nzambe aboyaki ye.

#### Developpement (Malakisi monene ya Leson oyo na banzete 5):

**14.1 Nzambe ayebisaki Samuel akende na Papa Isai (Jesse), moto ya mboka Bethléhem, po aponi mokonzi ya esika na kati ya Bana na ye. 1 Samuel 16:1**

#### Tangela Bana:

*1 Yawe alobaki na Samuel ete: « Tii tango nini okoyoka mawa po na Saul? Ngai moko Moto na longoli ye na bokonzi ya Israel. Zwa mwa-ndambo ya mafuta, nazali kotinda yo na mboka Bethléhem na ndako ya moto moko na kombo Jesse, po ngai naponi mwana na ye moko na kozala mokonzi.*

#### Tuna bana:

##### Niveau prescolaire –

- Nzambe ayebisaki Samuel ete moto ya

sika esengeli azala nini? Molakisi to mokonzi? (mokonzi)

#### Niveau primaire –

- Nzambe alingi kotinda Samuel wapi? (Na Bethléhem na ndako ya Jesse)
- Nani esengeli akoma mokonzi? (Moko ya Bana ya Jesse)
- Samuel esengeli amema nini ná Ye? (Mafuta)

#### Niveau secondaire –

- Pona nini Nzambe alingi te Samuel azala na mawa po na Saul? (Nzambe ye moko aboyi ye na kozala lisusu mokonzi.)

#### Bana basala bageste:

Bana batalisa bageste po na koloba ete, « Kende. »



#### Bana bayemba pe babina:

Samuel, kende, kende, kende  
Na famille ya Jesse.  
Po moko ya Bana na ye  
Okotiá ye mokonzi.

### 14.2 Esengeli akende na Bethléhem kopesa makabo na Nzambe. Esengeli abenga famille ya Jesse. 1 Samuel 16:2-5



#### Tangela Bana:

2-3 Samuel atunaka ete: « ...Saul akoyoka yango, ebongo akoboma ngai. » Yawe ete: « ...Nakoyebisa yo nini okosala. Moto oyo nakoyebisa yo, okotiá ye mafuta na kombo na ngai, ye wana moto akozala mokonzi. »

4-5 Samuel asalaki makambo oyo Yawe ayebisaki ye na kosala, akendeki na Bethléhem....A bengaki Jesse ná Bana na ye.

#### ? Tuna bana:

#### Niveau prescolaire –

- Samuel azalaki na esengo ya kokende na famille ya Jesse, to na kobanga?

(Na kobanga)

#### Niveau primaire –

- Na Betlehemi, Samuel abengaki famille nini? (Famille ya Jesse)

#### Niveau secondaire –

- **NB:** Boni, bokanisi Boaz oyo abalaki Ruth? Papa Jesse azalaki koko (motekolo) na ye. azalaki mbutamuntu ya kala ya Messie Yesu Kristu.



#### Bana basala bageste:

Bana basala bageste lokola baz'o benga famille ya Jesse na koya.



#### Bana bayemba pe babina:

Yaka, famille ya Jesse  
Nzambe abengi bino.

### 14.3 Kotiá moto mokonzi, abengaki Bana ya Jesse ya ordre kolandela bokolo, Bana 7, kasi Nzambe andimaki bango te. 1 Samuel 16:6-10



#### Tangela Bana:

6 Tango Jesse ná Bana na ye bayaki lisusu, Samuel amonaki Eliabi, ebongo amilobeli ye moko ete: « Ya solo, ye oyo moto Yawe aponi. »

7 Kasi, Yawe alobaki na ye ete: « Kotala te molai wana, pe ndenge azali. Ngai naponi ye te, po natalaka te oyo emonanaka na miso. Moto atalaka oyo emonani na miso, kasi Yawe atalaka motema. »

8 Sik'oyo, Jesse abengaki mwana na ye Abinadab, amemaki ye na Samuel. Kasi Samuel alobaki ete, « te, Yawe aponi ye te. »

9 Jesse amemaki Shama. Samuel ete: « ye pe te. »

10 Ndenge wana ete Jesse azalaki komema Bana na ye epai na Samuel. Ebongo Samuel azalaki koloba ete: « te, Yawe aponi ata moto moko te na kati na bango. »

#### ? Tuna bana:

#### Niveau prescolaire –

- Babengaki Bana ya Jesse 7 na Samuel. Na kati na bango, Nzambe andimaki

moto, to andimaki bango te?  
(Andimaki bango te.)

#### Niveau primaire –

- Samuel akanisaki ete kulutu na bango, Eliabi, akozala moto oyo Nzambe aponi. Kasi Nzambe alobaki ete azali kotala te nzoto libanda, kasi azali kotala nini? (Motema ya moto)

#### Niveau secondaire –

- Okanisi ete Samuel azalaki koyemba tango nini makambo ezalaki kosalelama? Jesse azalaki koyemba nini? Bana ya Jesse bazalaki koyemba nini?  
[*Moniteur, yoka makanisi ya Bana tango moke.*]

#### Bana basala bageste:

Bana 9 basala mwa scenette. Mwana moko azala Samuel, moko Papa Jesse, pe Bana 7 ya Jesse. Bana baya liboso ya Samuel moko-moko. Samuel atala bango, aloba ete, « Oyo te. Oyo te. Oyo te. » Asala bongo na bango nyonso.



#### Bana bayemba pe babina:

Bana 7 bayaki  
Kasi Nzambe aponaki bango te.

### 14.4 Etikali kaka leki na kati na bango, David. Azalaki kobatela ba-meme ya famille, ebongo babengaki ye. 1 Samuel 16:11-12a



#### Tangela Bana:

11 *Sima, Samuel atunaki Jesse ete: « Boni, Bana nyonso, bango oyo? » Jesse ete: « Mwana mosusu azali, kasi akei kobatela ba-meme. » Samuel ete: « Tinda bato, bakende koluka ye....»*

12 *Yango wana, Jesse atindaki bato bakende koluka David. Azalaki motani, miso ya malam, pe elongi ya kitoko.*

#### ? Tuna bana:

#### Niveau prescolaire –

- Kaka leki ya famille atikalaki. Kombo na ye nani? (David)

#### Niveau primaire –

- Pona nini David ayaki te mbala ya liboso?  
(Azalaki kobatela ba-meme ya famille.)

#### Niveau secondaire –

- Mosala ya David ezalaki mutuya to mutuya te?  
(Mutuya, po ba-meme ya famille ezalaki mutuya. Kasi mbala mingi, bato bamonaki yango mutya te. Batindaki leki ya famille kosala yango.)



#### Bana basala bageste:

Bana basala bageste lokola bazali baz'o benga David. Baloba ete, « David, aya na mbangu. Papa az'o benga yo. »



#### Bana bayemba pe babina:

David bazalaki leki ya famille  
Azalaka kobokola ba-meme.

### 14.5 Nzambe andimaki David, yango wana Samuel atiaki ye mafuta baloba ete Nzambe baponi ye kozala mokonzi. Ebongo Molimo na Nzambe esimbaki David.

#### 1 Samuel 16:12b-13



#### Tangela Bana:

12b *Yawe alobaki na Samuel ete: «Ye oyo. Tiá ye mafuta. »*

13 *Samuel azwaki mafuta ya olive, atiaki yango likolo ya motù ya David na miso ya bandeko na ye. Na mbala moko, Molimo na Yawe esimbaki David...*

#### ? Tuna bana:

#### Niveau prescolaire –

- Tango Samuel amonaki David, Nzambe alobaki nini?  
(« ye oyo. Tiá ye mafuta. »)

#### Niveau primaire –

- Samuel ayebisaki David nini baloba ete Nzambe aponi ye kozala mokonzi?  
(Mafuta)

#### Niveau secondaire –

- Elembo nini mosusu ayebisaki ete Nzambe aponi David kozala mokonzi?  
(Molimo na Nzambe esimbaki ye.)

**👤 Bana basala bageste:**

Bana nyonso basala bageste lokola bazali Samuel, ke tiá David mafuta.

**Bana bayemba pe babina:**

David akokoma mokonzi!  
O yea! O yea!

**»|« Kosilisa:**

Na kotia mtambwisi to mokonzi ya sika, Samuel alandaka te makanisi na ye moko, kasi maloba ya Nzambe. Samuel amonakia kulutu Eliab malamumu, kasi Nzambe ayebisaki ye ete aponi David, leki ya famille. Makanisi ya Nzambe tango nyonso ezali malamumu koleka makanisi na biso bato.

Lel'oyo, tomoni makanisi ya Nzambe na Bible, maloba na ye. Nzambe azali kotambwisa biso tango tozala kosambela ye.

**♥ Verse ya lel'oyo:**

*...Moto atalaka/ oyo ezali komonana na miso,  
/kasi Yawe/ atalaka motema. /  
1 Samuel 16:7b*

Bana baloba verse mbala mibale sima na yo, mwa-moke-mwa-moke. Sima, batiá yango ton pe rythme, ebongo, bayemba yango pe babina yango mbala 4.

**🧠 Banzembo ezali kokende nzela moko na Leson:**

Bana bayemba moko ya Nzembo oyo ezali kokende nzela moko ná leson oyo.

**👋 Devoir po na bakristo:**

Bino Bana bakristo, boni, bazali ko kolanda makanisi ya Nzambe na bomoi na bino? Devoir nazali kopesa bino poso oyo, yango oyo:

Mikolo nyonso, tanga to koyoka mwa-moke ya Bible, maloba na Nzambe. Komituna, nini Nzambe azali koyebisa ngai na kosalela na baverse oyo?

**✝ Kobenga babungi na Yesu:**

Kasi mbala mosusu, oyebi Yesu nanu te. Yeba ete Mwana na Nzambe seko na seko, atikaki lola pe eyaki awa na awa sé po na kobikisa yo. Nzambe alingi mabonza ya makila pona kufuta mbeka ya masumu ya biso bato. Mabonza wana esengeli ezala parfait—kozanga mbeba. Kaka Yesu azali kozanga mbeba. Apesiki makila na ye likolo ya ekulusu. Amonaki pasi po na yo.

Kasi atikalaki te na kufa. Asekwaki, azali na bomoi lel'oyo. Soki obengi kombo na ye ya solo nyonso, akoyoka yo. Soki olingi kotika nzela ya masumu, olanda Yesu banda lel'oyo, kaka benga kombo na ye. Soki ozali na bosenga ya lisalisi, tozali awa sima ya Ecodim po na kosalisa yo.

**==SUKA YA LESON 14**

Soki ngonga ekokoka, teya mikanda ya Bible. (Makanisi ezali na suka ya Mokanda oyo.)

## Leson 15 David asalelaki Saul na musique, akómaki Banzembo. 1 Samuel 16:14-23, Mokanda ya Banzembo (sommaire)

### I. Preparation ya Moniteur—

#### Tina ya Leson:

Tokumisa Nzambe na musique pe Banzembo, po akoki kozwa lokumu.

#### Verse ya lel'oyo:

*Bokumisa Nzambe, /  
Boyembela ye Banzembo !/  
Bokumisa mokonzi na biso./  
Bobetela ye musique ! / Banzembo 47:7*

#### Nzembo ezali kokende nzela moko ná leson:

#### Aleluya !

Alelu, Alelu, Alelu, Aleluya !  
Kumisa Nzambe !  
Alelu, Alelu, Alelu, Aleluya !  
Kumisa Nzambe !

Kumisa Nzambe ! Aleluya !  
Kumisa Nzambe ! Aleluya!  
Kumisa Nzambe ! Aleluya !  
KUMISA NZAMBE !

#### Bandeke bazali Koyemba

Bandeke bazali Koyembela  
ye  
Ba-anjelu bakumisa  
kombo na Ye  
Bafololo ezali kotalisa  
kitoko na yango  
'Bongo biso Bana na ye  
Tokumisa ye pe!

(To nzembo nyonso oyo ezali kokumisa Nzambe)

### II. Revision—

#### Kolanda devoir ya Leson oyo eleki:

Na poso eleki, tosengaki bino bakristo na kotanga to koyoka Bible mokolo na mokolo,

ebongo komituna, « Oyo ezali kotalisa ngai nini kosalela? » Nani akoyebisa biso makambo moko oyo Nzambe ayebisaki bino tango bozalaki koyoka Bible na poso oyo? [*Moniteur, pesa mwa tango moke po na Bana na kozongisa. Pesa encouragement na baoyo basali devoir.*]

#### • Koyemba lisusu Ba-Leson oyo eleki:

- Na poso eleki, tomonaki ete Nzambe ayebisaki Samuel atíá David mafuta likolo ya motù po na koyebisa ete ye akokoma mokonzi ya sika. Kasi, amonanaki liboso te lokola mokonzi na misson ya bato. Saul atikali mokonzi, pe David ezongi na kobatela ba-meme ya tata na ye, Jesse.

### III. Koteya Leson Oyo—

#### Ebandeli:

Moto oyo azalaki kobatela banyama azalaki na tango mingi. Azalaki kolanda banyama na ye. Soki bakomi na esika ya kolia matiti, azalaki kaka afandi, kotala bango. David Alingaki mingi kosalela tango na ye na kobeta musique pe koyemba Banzembo.

#### **Developpement (Malakisi monene ya Leson oyo na banzete 5):**

**15.1 David akómaki Banzembo mingi na kokumisa Nzambe. Akomi Mokanda ya Banzembo na Bible na biso.**

#### Tangela Bana sommaire oyo ya Mokanda ya Banzembo:

David akómaki Banzembo mingi ya kosalela na losambo. Tango azalaki kotala ba-meme, azalaki kosambela Nzambe pe kokumisa Nzambe na nzela ya Banzembo.

Akómaki Banzembo mingi na experience na ye. Moko ya kitoko oyo bato mingi bayebi ezali Banzembo 23.

1 Yawe, ozali Mobateli na ngai. Nakoki kozanga eloko te.

2 Otikaka ngai na pema na esika ya malamu oyo ezali na matiti ya mobesu. Omemaka ngai pene ya mwa-mai oyo ezali kimia pe madidi.

3 Opesaka ngai makasi na motema.

*Omemaka ngai na nzela ya malamau  
po na kombo na yo moko Yawe.*

*4 Mokonzi, nakoki kobanga te, ata nazali  
na nzela ya molili mingi lokola kufa,  
po omemaka ngai na nzete na yo,  
Obatelaka ngai.  
Opesaka ngai konzo.*

*5 Osalelaka ngai fete na miso ya banguna  
na ngai.*

*Oyambaka ngai lokola moto ya lokumu.  
Otondisaka kopo na ngai meke.*

*6 Ee, Na bomoi na ngai nyonso  
Nakomonaka kaka bolamu-bolamu na yo.  
Okolingaka ngai tii kuna.  
Nakozalaka kaka tango nyonso na ndako na  
yo, Yawe.*

David azalaki kobatela ba-meme ya tata  
malamu. Assolaki ete Tata Nzambe azalaki  
kobatela ye pe, lokola meme to mpate na  
ye. Yango wana, ayembaki po na kokumisa  
Mobateli na ye.

### ? Tuna bana:

#### Niveau prescolaire –

- David akumisaki Nzambe ndenge nini?  
(Na Banzembo, to koyemba pe  
kobeta musique)

#### Niveau primaire –

- David amonaki ete Nzambe azalaki  
lokola nini?  
(Mobateli malamau.) (Na bisika mosusu,  
tolobaka Mokebi malamau.)

#### Niveau secondaire –

- Nini ezali tango malamau po na yo  
koyemba Nzambe pe kokumisa ye?  
[Moniteur, yoka makanisi ya Bana.]

### 👤 Bana basala bageste:

Bana basala bageste lokola bazali kobeta  
biloko ya musique ya ndenge na ndenge—  
Harpe, guitare, trompette, etc.



### Bana bayemba pe babina:

Yawe, ozali Mobateli na ngai.

Ngai nakoyembela yo. Ngai nakoyembela  
yo!

## 15.2 Mokonzi Saul ayokaki pasi po Molimo mabe ezalaki kobundisa ye. 1 Samuel 16:14- 15



### Tangela Bana:

*14 Molimo na Nzambe alongwaki na Saul,  
ebongo Molimo mabe ...eyaki kobundisa ye.*

*15 Bato na ye ya mosala bayaki kolobela ye  
ete: « Toyebi ete...Molimo mabe ezali  
kotongisa yo.*

### ? Tuna bana:

#### Niveau prescolaire –

- Nini eyaki kobundisa Saul—Molimo  
malamu to Molimo mabe?  
(Molimo mabe)

#### Niveau primaire –

- Nani alongwaki na Saul?  
(Molimo na Nzambe)
- Molimo mabe oyo eyaki kosalela nini?  
(Kobundisa ye)

#### Niveau secondaire –

- Pona nini okanisi Molimo na Nzambe  
atikaki Saul?  
(Atosaki na Nzambe te.)
- Boni, Molimo mabe etungisi yo?  
Ndenge nini?  
[Moniteur, yoka malamau eyano ya  
Bana.]



### Bana basala bageste:

Bana basala bageste lokola Molimo mabe  
ezali kotungisa bango. [Moniteur keba ete  
mwana azoka te.]



### Bana bayemba pe babina:

Molimo mabe eyaki

Kobundisa Saul. Mawa, o mawa !

## 15.3 Yango wana, balukaki moto kobetela ye musique, po okoma niè to kimia. 1 Samuel 16:16-17



### Tangela Bana:

*16 Boye nde mokonzi, soki olingi, pesa biso  
nzela tolukela yo moto oyo abetaka  
musique. Soki Molimo mabe esimbi yo,  
moto wana esengeli abeta musique, boye*

*nde motema na yo ekolembama.»*

*17 Saul alobaki ete: « Likambo te, bokende kolukela ngai moto moko oyo ayebi kobeta musique malamau. Boya ná Ye. »*

### ? Tuna bana:

#### Niveau prescolaire –

- Balingaki koluka moto oyo bayebaki pona kosala nini --Kolamba bilei, to kobeta musique? (Kobeta musique)

#### Niveau primaire –

- Tango nini bomoni ete musique esalisi motema na bino koyoka esengo? [Moniteur, yoka makanisi ya Bana.]

#### Niveau secondaire –

- Ndenge nini bamonaki musique mwa-moke lokola kisi? (Ekoki komema calme, kolongola pasi na makanisi.)

### 👤 Bana basala bageste:

Bana babeta maboko pe makolo, bo barepeter na ndenge ya rythme:

Musique ! Musique ! Ekoki kosalisa !



### Bana bayemba pe babina:

Tolukela yo moto ya musique

Musique ekoki kosalisa yo, mokonzi.

## 15.4 David ayebani lokola musicien ya makasi. Yango wana, babengaki ye kobetela mokonzi Saul musique. 1 Samuel 16:18-22



### Tangela Bana:

*18 Moto ...moko alobaki ete: « nayebi mwana mobali moko...Ayebi kobeta musique malamau. Azali moto oyo azali konzo, soldat ya mpiko. Ayebaki koloba malamau. Azali pe kitoko. Yawe pe azali ná Ye. »*

*19 Ebongo Saul atindaki bato ...ete: « Tindela ngai mwana na yo David oyo abatelaka ba-meme. »...*

*21 David ayaki na ndako ya Saul, pe abandaki kosalela ye. Saul alingaki ye mingi....*

*22 Atindaki maloba na Jesse ete: « nalingi*

*ete David atikala na ngai po namoni ye malamau. »*

### ? Tuna bana:

#### Niveau prescolaire –

- Babengaki nani, ayemabela mokonzi? (David)

#### Niveau primaire –

- Wana David ayaki, azalaki ndenge nini na mokonzi Saul? (Malamu mingi. Saul alingaki ye.)

#### Niveau secondaire –

- Pona nini Saul alingaki David? (David asalisaki ye na musique, pe na bandenge mingi.)



### Bana basala bageste:

Bana batalisa elongi ya esengo pona komonisa ete Saul azalaki na esengo na David.



### Bana bayemba pe babina:

David akendeki kosalisa Saul. Mokonzi Alingaki David mingi.

## 15.5 Musique ya David esalisaki Saul mingi. 1 Samuel 16: 23



### Tangela Bana:

*23 Tango nyonso, soki Molimo mabe esimbi Saul, David esengeli abeta guitare na ye, ebongo motema ya Saul elembama, akoma niè to kimia, Molimo mabe elongwa na ye.*

### ? Tuna bana:

#### Niveau prescolaire –

Musique ya David salaka ete Molimo mabe sala nini? Kutikala to kukatuka? (Kukatuka)

#### Niveau primaire –

David abetaki nini kosalela musique? (Guitare na ye)

#### Niveau secondaire –

Pona nini okanisi Molimo mabe ezalaki kolongwaki ? (Elingwaki te musique ya David, moto na Nzambe, po ayembaki kokumisa Nzambe.)



**👤 Bana basala bageste:**

Bana basala lokola bazali kobeta guitare pe koyemba.

**Bana bayemba pe babina:**

David abetaki musique, pe Molimo mabe akendeki.

**>|< Kosilisa:**

Musique ezali makasi. Soki tosali yango po na kokumisa Nzambe, ekoki kobikisa motema ya bato, ekoki kopesa konzo pe encouragement, ekoki kobimisa ata milimo mabe, po elingi te koyoka bato kokumisa Nzambe. Biso nyonso tokoki koyemba po na kopesa Nzambe lokumu.

**♥ Verse ya lel'oyo:**

Moko ya Banzembo David akómaki ezali oyo:

*Bokumisa Nzambe,/*

*Boyembela ye Banzembo !/*

*Bokumisa mokonzi na biso./*

*Bobetela ye musique !/ Banzembo 47:7*

*[Moniteur, Bana nyonso baloba yango phrase na phrase sima na yo mbala mibale. Sima, pesa phrase moko na eteni nyonso oyo Bana. Baponi boye ete mbala minei.*

**👤 Banzembo ezali kokende nzela moko na Leson:**

Bana bayemba moko ya Banzembo oyo ezali kokende nzela moko na Leson oyo.

**Devoir po na bakristo:**

Bino bakristo, devoir nazali kopesa bino poso ozali mibale. Ya liboso, tiá makasi na kosambela Nzambe na Banzembo, ata ozali kotambola, ozali kosala mosala, to nini mosusu. Ya mibale, tala Mokanda ya Banzembo na kati-kati ya Bible. Tanga mwa-moke yango, pe tala bandenge mingi oyo David azalaki kokumisa Nzambe.

**Kobenga babungi na Yesu:**

Bana, poso nyonso tozali kokanisela bino ete, soki bobongoli motema nanu te na Yesu, bobongola motema kaka. Tokosalaka yango poso nyonso po ezali mutuya mingi. Ki-bonguna na yo na Nzambe ekosila na mokolo oyo ondimi Yesu, Mwana na ye. Boni, olingi lel'oyo obanda kolanda Yesu? Benga kombo na ye pe yebisa ye. Soki okobongola motema lel'oyo, tokozala na esengo koyeba yango. Yaka sima ya Ecodim koyebisa biso ete oyambi Ye, to yaka koluka lisalisi na likambo wana.

**==SUKA YA LESON 15**

**Soki ngonga ekokoka,**



**Teya mikanda ya Bible:**

(Makanisi ezali na suka ya Mokanda oyo.)

## Leson 16 David azalaki na konzo to bopikiliki ya kobunda na Goliath. 1 Samuel 17:1-53

### I. Preparation ya Moniteur—

#### Tina ya Leson:

Tokozala na bobangi te liboso ya pasi nyonso, kasi tokotia motema na Yawe ete akotambwisa pe kolongisa biso.

#### Verse ya lel'oyo:

1 Samuel 17:45 (maloba ya David na Goliath)

« ...nazali koya na kombo ya Yawe,/ Yawe na Nguya nyonso,/ Nzambe ya Basoldat ya Israel,/ oyo ofingi. »

#### Nzembo ezali kokende nzela moko ná leson:

##### Wana Yesu azali na Ngai

Wana Yesu azali na ngai  
Kimia ezali ! Kimia ezali!  
Kimia ezali!

Wana Yesu azali na ngai  
Kimia ezali, na motema na ngai!  
Kimia ! Kimia ! Kimia ! Kimia !

Wana Ozali na ngai  
Kimia ezali  
Na motema na ngai!

##### Landa, Na 'Kolanda yo, Mokonzi

Landa, Na 'Kolanda yo, Mokonzi  
Landa mokolo na mokolo  
Lobi na ngai oyebi nyonso  
Okotambwisa ngai.

### II. Revision—

#### Kolanda devoir ya Leson oyo eleki:

Na poso eleki, topesaki bino bakristo devoir ya kosala makambo mibale. Ya liboso, kumisa Nzambe na Banzembo! Nani kanisaki kosala yango? Merci! Ya mibale, tosengaki bino koluka Mokanda ya Banzembo na kati ya Bible, pe kotanga yango mwa-moke. Nani amonaki Mokanda ya Banzembo? Esengo! Ezali komonana wapi? Na kati-kati ya Bible.

#### Koyemba lisusu Ba-Leson oyo eleki:

Na Leson oyo eleki, mokonzi Saul abengaki nani kobetela ye musique? (Ee, David) Makambo nini ya malamu esalemaki na musique ya David? (Molimo mabe ebimaki pe emonaki te ndenge ya kotungisa Saul.)

### III. Koteya Leson Oyo—

#### Ebandeli:

Lel'oyo tokomona ete bato mingi bazwaki kobanga—ata Basoldat ya makasi. Nini ezali kobangisa yo? [Moniteur, pesa Bana ndenge ya kopesa eyano ya make.]

#### Developpement (Malakisi monene ya Leson oyo na banzete 10):

[ATTENTION, Moniteur: Leson ezali molayi, biteni 10. Yango wana, tokotanga kaka mwa-moke baverse, pe Bana bakosala participation kaka mwa-moke-mwa-moke, ndenge tokómi.]

**16.1 Saul ná Basoldat na ye bazalaki na kobanga po Basoldat ya Ba-philistin bayaki Kobundisa bango, pe soldat moko MONENE abwakaki (mbela) challenge nani akobundisa ye. 17:1-11**

#### Tangela Bana mwa-moke oyo:

4 Moto moko ya makasi ebimaki na camp ya Basoldat ya Ba-philistin, kombo na ye Goliath...azalaki molayi mingi...

8 Goliath atelamaki. Alobi na bato ya Israel na maloba ya mongongo makasi ete:

« ...Bino bozona moto moko, pe aya kobunda na ngai.

9 Soki abeti ngai..., tokoma ba-wumbu na bino, kasi, soki nabeti ye ..., bokokoma ba-umbu na biso. »

11 Tango Saul ná Basoldat na ye Ayokaki makambo yango, kobanga esimbaki bango ná kolenga.

#### Tuna bana:

##### Niveau prescolaire –

- Saul ná Basoldat ya Israel, bazalaki na kobanga ya nani? (Goliath)

**Niveau primaire –**

- Nini ekosalema na Basoldat ya Israel soki Goliath alongi? (Bakokoma ba-umbu ya ba-philistin.)

**Bana basala bageste:**

Bana basala bageste kotalisa kobanga.

**Bana bayemba pe babina:**

Basoldat babangi mingi

Na Goliath, moto ya molai mingi.

**16.2 Mikolo 40 Goliath atungisaki bango, kasi Basoldat nyonso bazalaki kobanga na kobundisa ye, ata bampaka to mobange 3 ya David oyo bazalaki Basoldat. 17:12-16**

**Tangela Bana:**

*16 Goliath azalaki koya tango nyonso liboso ya bato ya Israel, azali kofinga bango mikolo tuku minei, butu pe moi.*

**? Tuna bana:****Niveau prescolaire –**

- Goliath azalaki kopambola bango, to kofinga bango? (Kofinga bango)

**Niveau primaire –**

- Mikolo boni Goliath azalaki kofinga bango? (Mikolo 40)

**Bana basala bageste:**

Bana basala elongi lokola moto azali kofinga.

**Bana bayemba pe babina:**

Mikolo tuku minei

Goliath afindaka Basoldat ya Israel.

**16.3 Papa ya David atindaka ye komema bilei na bakulutu na ye. Tango David ayaki na bilei, Ayokaki ndenge Goliath azalaki koloba. 17:17-23**

**Tangela Bana:**

*23 Tango azalaki kosolula na bango, Goliath ebimaki lisusu na kofinga bato ya Israel... David ayokaki ye.*

**? Tuna bana:****Niveau prescolaire –**

- David ayokaki nani azali kofinga bango? (Goliath)

**Niveau primaire –**

- Nini ebendaki David kofanda esika moko na Basoldat ya Israel? (Papa atindaki ye komema bilei na bakulutu na ye. Bazalaki Basoldat.)

**Bana basala bageste:**

Bana nyonso batiá maboko pene ya matoyi. Pe baloba ete, « yoka! Goliath azalaki kofinga biso. »

**Bana bayemba pe babina:**

David amemaki bilei

Na bandeko na ye.

Ayokaki Goliath

Kofinga Israel.

**16.4 Bo ayebisaki David ete makabo ya malamumu esengeli ekende na moto oyo akoboma Goliath. Kasi David amonaki kaka ete Goliath azalaki kofinga Basoldat ya Nzambe. 17:24-27**

**Tangela Bana:**

*24 Tango Basoldat ya Israel bamonaki Goliath azali koya, bango nyonso bazongaki sima na kobanga nyonso.*

*25 Balobanaki bango na bango ete: « tala azali koya! Yoka azali kofinga! Moto oyo akoboma Ye, mokonzi akopesa ye bomengo mingi...*

*26 David atunaka Basoldat ...ete...Ebongo mopakano oyo, azali nani na kofinga Basoldat ya Nzambe na bomoi? »*

**? Tuna bana:****Niveau prescolaire –**

- Basoldat bazalaki na esengo komona Goliath, to na kobanga? (Na kobanga)

**Niveau primaire –**

- Mokonzi ya Israel Alingaki kopesa nini na moto oyo akobeta Goliath? (Bomengo mingi)

**Niveau secondaire –**

- Eyano ya David na koloba ya Goliath ezalaki nini?  
(« *Mopakano oyo, azali nani na kofinga Basoldat ya Nzambe ya bomoi?* »)



### Bana bayemba pe babina:

Mopakano oyo azali nani  
Kofinga Nzambe?

**16.5 Bandeko ya David basepelaki te na konzo ya leki na bango David. Bayebisaki Saul maloba na ye, kasi ye pe andimaki na lombangu te ete David akoki kosala yango. (Ezali Sommaire ya 17:28-33.)**

**16.6 David ayebisaki Saul ndenge Nzambe alongolaki ye na danger ya banyama ya kanda tango azalaki kobatela ba-meme. Yango wana, Saul apesaka ye nzela ya kobundisa Goliath. 17:34-37**



### Tangela Bana:

*36 Ngai naboma bankosi pe banyama mosusu ya kanda, nakosala ndenge moko na mopakano oyo azali kofinga-finga Basoldat ya Nzambe na bomoi.*

*37 Yawe oyo abikisaki ngai na maboko ya bankosi pe banyama mosusu. Akobikisa ngai pe na loboko ya mu-philistin oyo. »*

### ? Tuna bana:

#### Niveau prescolaire –

- David alobaki ete Nzambe abikisaki deja ye na nini?  
(Na banyama ya kanda)

#### Niveau primaire –

- Tango nini Nzambe abikisaki ye na banyama oyo?  
(Tango azalaki kobatela ba-meme.)

#### Niveau secondaire –

- Pona nini okanisi banyama ya kanda eyaki tango wana?  
(Bazalaki koluka kosimba meme na ye.)



### Bana basala bageste:

Bana basala maloba lokola ya nyama ya kanda. Sima, Bakweya na mabele lokola David aboma bango.



### Bana bayemba pe babina:

Nzambe asalisi David  
Na banyama ya kanda.

**16.7 Saul alingaki kosalisa David na bibundeli na ye, kasi ye aboyaki bibundeli wana ya kilo. Akendeki kobunda na Goliath kaka. (Ezali sommaire ya 17: 38-39)**



### Bana bayemba pe babina:

David akendeki kobundisa Goliath  
Kaka maboko pamba.

**16.8 David azwaki kaka mabanga 5 ya moke pe lance na ye. 17:40-41**



### Tangela Bana:

*40 Azwaki nzete na ye, ebongo akendeki kolokota mwa-mabanga mitano ya buselu pemonguna ya mai. Atiáki yango na mwa-saki na ye. Ebongo azwaki lance na ye na maboko, akendeki kokutana ná Goliath.*

### ? Tuna bana:

#### Niveau prescolaire –

- David amemaki mabanga boni po na kobunda na Goliath?  
(Mabanga mitano)

#### Niveau primaire –

- Azwaki pe lance ya loboko. Nani amoni ndenge azalaki kobwaki libanga na lance?  
*[Soki Bana bamoni yango, baloba ndenge azali kobwaki libanga na lance.]*



### Bana basala bageste:

Bana basala bageste lokola bazali ke kopona mabanga mitano na mabele, batiá yango na mwa-saki na bango.)



### Bana bayemba pe babina:

David azwaki mabanga mitanu  
Atiáki yango na mwa-saki  
Akendeki kobundisa Goliath.

**16:9 Tango Goliath amonaki David kaka leki, afingaki ye. Kasi David na konzo ayebisaki Goliath ete ozali koya na kombo na Nzambe na Nguya oyo afindi. 17:42-47**

 **Tangela Bana:**

42 Tango Goliath akomaki pene-pene, atalaki David. Amonaki ete ye... leki penza...Abandaki kofinga ye

43 Ete « Boni, omoni ngai mbwa? »

Ebongo alakeli(mabe) David na kombo na banzambe na ye.

44 Alobi ete lisusu na David ete: « Yaka awa, nzoto na yo nazali kopesa yango na Bandeke pe banyama, balia! »

45 David alobaki ete: « Ozali koya na ngai na mbeli, pe likonga monene pe ya moke, kasi ngai, nazali koya na kombo ya Yawe, Yawe na Nguya nyonso, Nzambe ya Basoldat ya Israel, oyo ofingi.

46 Lel'oyo kaka, Yawe azali kopesa yo na maboko na ngai...

**? Tuna bana:**

**Niveau prescolaire –**

- David akendeki kobundisa Goliath na kombo ya nani? Ye moko to Nzambe? (Nzambe)

**Niveau primaire –**

- Goliath amonaki ete David azalaki koya kobundisa ye lokola nyama ? (Lokola mbwa)

**Niveau secondaire –**

- David alobaki kombo ya Nzambe ndenge misato. Nini ezali yango pe po na ndenge nini wana 3? (Yawe=Nzambe ezali na bokonzi, Yawe na Nguya nyonso = Nzambe azali na nguya makasi nyonso, pe Nzambe ya Basoldat ya Israel = Nzambe ye moto akotambwisa bango na kobunda)

- **Bana bayemba pe babina:**

Nazali koya na kombo ya Yawe

Yawe na Nguya nyonso.

Nazali kwisa na kombo ya Yawe

Nzambe ya Basoldat ya Israel !

**16:10 David abomaki Goliath na libanga moko, ebongo Basoldat mosusu ya Ba-philistin akimaki. 17:48-53**

**>|< Kosilisa:**

 **Tangela Bana:**

49 Akotisaki loboko na kamwa-saki na ye. Abimisaki kalibanga moko, atiáki yango na lance, abwakaki yango Goliath. Libanga esimbaki Goliath na elongi. Ekotaki na kati ye na motù, ebongo akweyaki, elongi na mabele.

51....Tango ba-philistin bamonaki ete soldat na bango ya makasi (Héro) bakufaki, bakimaki.

**? Tuna bana:**

**Niveau prescolaire –**

- David abomaki Goliath na mabanga boni? (Kaka libanga moko)

**Niveau primaire –**

- Libanga wana esimbaki Goliath wapi? (Kaka na elongi)

**Niveau secondaire –**

- Sima ete Goliath abomaki, po na nini Basoldat mosusu ya Ba-philistin, bakimaki? (Azalaki na kobanga.)

**👤 Bana basala bageste:**

Bana basala bageste lokola bazali ke lancer libanga.

[Moniteur kebisa Bana ndenge oyo: ndenge David abomaki Goliath ezalaki malamuru po ezalaki bitumba ná Ye na monguna ya makasi. Kasi babwakaki mabanga te na mboka to na moto mosusu. Ekoki koboma moto, lokola yo abomaki Goliath.]



**Bana bayemba pe babina:**

David abomaki moto monene

Na libanga moko ya moke. O yea!

Bana, bato ya Israel bazalaki na tango ya likama po na Goliath, kasi Nzambe alongisaki bo na loboko ya mwana, David, po David atiáki motema na Nzambe.

Biso bakristo, biso pe tomoni makambo mingi ya likama na bomoi na biso. Soki totié motema na Nzambe, akolongisa biso.

### ♥ Verse ya lel'oyo:

1 Samuel 17:45 ( maloba ya David na Goliath)  
« ...nazali koya na kombo ya Yawe,/ Yawe na Nguya nyonso,/ Nzambe ya Basoldat ya Israel,/ oyo ofingi. »

*Bana batiá ton pe rythme na verse. Bayemba yango mbala 6 na bageste.*

### 🧠 Nzembo ezali kokende nzela moko ná leson:

Bana moko ya bayemba mosusu oyo ezali kokende nzela moko na Leson.

### 👏 Devoir po na bakristo:

Devoir nazali kopesa bino bakristo na poso oyo ezali kotiá motema mikolo nyonso na Nzambe, ata na tango ya kobanga.

### ✝ Kobenga babungi na Yesu:

Kasi, soki obongoli motema na Yesu, otiá motema na ye liboso te, malamumu ezali na kobanga. Ozali na makombo na Nzambe po osala masumu eboma boyokani na yo ná Ye. Nzela ya kozonga na boyokani ná Nzambe ezali kaka Yesu Kristu. Akofaki pe asekwaki na liwa po na yo. Boni, okoyamba ye lel'oyo na maboko mibale? Soki olingi kosambela pe biso po yo yamba Yesu, kaka tikala sima ya Ecodim. Biso tokosalisa yo.

### ==SUKA YA LESON 16

Soki ngonga ekokoka,

### 📖 Teya mikanda ya Bible:

(Makanisi ezali na suka ya Mokanda oyo.)

## Leson 17 David asalaki boyokani na Jonathan. 1 Samuel 17:58--18:5

### I. Preparation ya Moniteur—

#### 🔊 Tina ya Leson:

(Leson 17 pe 18) Tozala malamú ná bato. Tondimi te likunia to kokauka motema esimba motema na biso, likunia ekoki na biso bato te.

#### ♥ Verse ya lel'oyo:

*Kokauka motema te/ na ndako ya ngani./  
Kokauka motema te na.../eloko nyonso ya ngani./* Kobima 20: 17 [Moniteur, tala ete oyo ezali mibeko 10 na kati ya Mibeko 10 minene ya Nzambe.] Cfr Bible.)

#### 🗣️ Nzembo ezali kokende nzela moko ná leson:

##### O Keba Maboko (Motema)

O Keba motema nini olingi (Likunia te !)

O Keba motema nini olingi (Likunia te !)

Po ete Tata na lola

Azali koyeba yo

O Keba motema nini olingi (Likunia te !)

##### O Lokuta Tik'ango (O Likunia)

O Likunia (O Likunia)

O Likunia, tika! (O Likunia) (repetér)

##### Mibeko Zomi ya Kolanda

Ya zomi, kokauka motema te

Na biloko ya ndeko (3x)

Mobeko ya zomi ya kolanda !

### II. Revision—

#### † Kolanda devoir ya Leson oyo eleki:

Na poso eleki, tosengaki bino bakristo kotíá motema na Nzambe mikolo nyonso, ata na tango ya kobanga. Nani amonaki eloko moko ya kobanga Na poso eleki, kasi otiáki Nzambe motema? [Moniteur, pesa Bana mwa-tango ya koloba makambo oyo bamoni.]

#### † Koyemba lisusu Ba-Leson oyo eleki:

Tozwa mwa-tango moke ya kosasoki po na David. Bana bazala biteni mibale. Eteni nyonso baloba makambo moko oyo bayebi po na David. Makambo nyonso oyo ezali ya solo, bazwa 100 points. Soki mwa-

ndambo bakoki koloba eloko lisusu te, lisano esili pe mwa-moke ezali na bapoint ya koleka bazali champion. Eloko moko ya tina ya koyeba ezali ete prophete Samuel ayebisaki deja ete David akokoma mokonzi motambwisi to mokonzi.

### III. Koteya Leson Oyo—

#### ✈ Ebandeli:

Mbala mingi, soki mtambwisi to mokonzi akufi, nani akolanda ye na bokonzi? (Mbala mingi mwana na ye. Bokonzi oyo bakolanda kaka na libota ya mokonzi.) Boni, okanisi ete mokonzi ta akolinga bokonzi elanda na libota na ye? (Ee, akolinga yango mingi.)

Kasi prophete ya Nzambe alobi ete Nzambe asepelaki te na mokonzi Saul. Atosaki na Nzambe te. Yango wana, ayebisaki Saul ete bokonzi na ye ekosuka. Deja, atíé mafuta na motù oyo moto Nzambe alobaki akokoma mokonzi ya sika. Kombo ya moto yang, David. Na poso eleki, tomonaki ndenge David abomaki moto monene, ya makasi Goliath, tango Basoldat nyonso ya armée ya mobimba bazalaki na kobanga na kobunda ná Ye. Sik'oyo, David akomi Hero monene ya Israel.

#### 🏠 Developpement (Malakisi monene ya Leson oyo na banzete 4):

**17.1 Jonathan, mwana ya Saul, ayokaki rapport oyo David apesaki na mokonzi, ebongo Alingaki David mingi. 1 Samuel 17:58, 18:1.**

#### 📖 Tangela Bana:

*17:58 Saul atunak ete: « ozali mwana ya nani? » David ete: « Mokonzi, nazali mwana ya moto na yo Jesse ya mboka Bethléhem. »*

*18:1 Tango Saul asilisi na kosolola na David esili, mokolo yango wana ayebisi ye atikala na ndako na ye. Alingaki te ete David azonga na ndako ya tata na ye.*

#### ? Tuna bana:

##### Niveau prescolaire –

- Mokonzi Saul alingaki ete David atikala wapi? Libanda, to na ndako na ye? (Na ndako na ye, mokonzi)

**Niveau primaire –**

- Saul asololaki nini ná David? Kanisa makambo ya esalemaki na Leson eleki. (Ndenge Abomaki Goliath)

**Niveau secondaire –**

- Oyo ezali komonana lokola Saul azali ndenge nini ná David? (Malamu pe na esengo)

**Bana basala bageste:**

Bana basala bageste lokola bazali koyamba moto na ndako na bango. Baloba ete, « David, yambi ! »

**Bana bayemba pe babina:**

Saul ayambaki David  
Na ndako na ye.

**17.2 Saul azwaki David abika na ndako na ye. Jonathan azwaki likunia te. 1 Samuel 18:2****Tangela Bana:**

*2 Jonathan mwana ya Saul abandaki kolinga David mingi. Motema na ye ekangamaki na David. Alingaki ye lokola ye moko.*

**? Tuna bana:****Niveau prescolaire –**

- Mwana ya Saul Jonathan, azalaki ndenge nini ná David? (Malamu. Alingaki David mingi.)

**Niveau primaire –**

- Jonathan Alingaki David lokola nani? (Lokola ye moko)
- Na bomoto, sima ya Saul bokonzi esengeli ezala ya nani? (Ya Jonathan, mwana ya mokonzi)
- Jonathan ayebaki ete Nzambe aponi ye te kolanda na bokonzi, kasi David. Ata ndenge wana, azalaki ndenge nini ná David? Likunia, to boyokani? (Boyokani ya makasi, likunia te. Jonathan akaukaki motema te po na bokonzi ya David asengelaki kozwa.)

**Niveau secondaire –**

- Bato mosusu oyo balingi koboya Malakisi ya Bible, balobi ete boyokani to bolingo ya Jonathan ná David, ezalaki na nzela ya mabe. Kasi na verse oyo, nini

ezali kotalisa ete ezalaki boyokani ya bonzambe?  
(Jonathan Alingaki David lokola ye moko. Oyo ezali ndenge Yesu amonisaki biso na kolinga bato mosusu.)

**Bana basala bageste:**

Bana balakisa loboko moko, baloba ete, « Jonathan ». Balakisa loboko mosusu, baloba ete, « David ». Basangisa maboko, baloba ete, « Boyokani ya makasi. Boyokani ya bonzambe. »

**Bana bayemba pe babina:**

Jonathan ná David  
Boyokani ya makasi.  
Likunia te, likunia te,  
Boyokani ya makasi.

**17.3 David asalaki boyokani ya makasi kozali moninga ná Jonathan. Apesika David makabo lokola elembo ya boyokani wana.****1 Samuel 18:3-4****Tangela Bana:**

*3 Jonathan akataki ete esengelaki azala kaka moninga ya David tii kuna, po azalaki kolinga ye mingi Penza.*

*4 Alongolaki kazaka na ye alataki, apesaki yango na David. Apesaka ye pe bilamba na ye ya bitumba, pe mbeli, pe bondoki ya ba-fleche, pe mokaba.*

**? Tuna bana:****Niveau prescolaire –**

- Boni, Jonathan apesaki David makabo, to apesika ye eloko te? (Apesaki ye David makabbo ya mingi.)

**Niveau primaire –**

- Nani akoki koyebisa biso eloko moko Jonathan apesaki David makabo lokola elembo ya boyokani na bango? (Moko ya biloko oyo—kazaka, bilamba ya bitumba, mbeli, bondoki ya ba-fleche, mokaba.)
- Jonathan alobi, boyokani na bango ekozala tango boni boni? (Tii kuna)



**Niveau secondaire –**

- Kanisa boyokani ya Jonathan ná David.  
Po na nini ezali extra?  
(Po David akokitana Saul na kozala mokonzi na esika ya Jonathan, kasi Jonathan azalaki na likunia te, kasi kaka na bolingo.)

**👤 Bana basala bageste:**

Bana basala bageste oyo bazali kotalisa boyokani ya makasi.

**Bana bayemba pe babina:**

Jonathan ayokaki likunia te,  
Matondo na Nzambe !  
Boyokani ya makasi, ya bonzambe,  
Matondo na Nzambe !

### 17.4 David asepelisaki bato pe azwaki bokonzi. Atako na kati ya Jonathan, likunia azalaki te. 1 Samuel 18:5

**Tangela Bana:**

*5 Bisika nyonso oyo Saul azalaki kotinda David, David azalaki kosala makambo nyonso malamumu. Ebongo Saul atiáki ye mokonzi ya Basoldat na ye. Bato nyonso ya Saul basepelaki na yango, atako Basoldat na ye.*

**? Tuna bana:****Niveau prescolaire –**

- Bato bamonaki David mabe to esengo?  
(Esengo)

**Niveau primaire –**

- Nani amonaki David malamumu?  
(Saul, Basoldat na ye, na bato nyonso)

**Niveau secondaire –**

- Saul apesaki David bokonzi nini?  
(Kozala mokonzi ya Basoldat na ye)

**👤 Bana basala bageste:**

Tango nyonso oloba, « David ! », Bana basala bageste oyo azali kolakisa esengo. Baloba ete, « Esengo mingi ! » yo loba « David ! » mbala misato.

**✝ Kobenga babungi na Yesu:****Bana bayemba pe babina:**

Bato nyonso esengo  
Po na David.  
Jonathan pe esengo  
Po na David.

**»|« Kosilisa:**

Na histoire oyo, toz'omona makambo ya kokamwa. Na bomoto Jonathan esengeli azalia na likunia mingi po na David. Na bomoto, ye esengeli akauka motema po na bokonzi oyo David esengeli azwa. Na bomoto asengeli komona ete bokonzi ezali ya Ye, ya David te. Na bomoto esengeli ayina ya David. Kasi Jonathan akaukaki motema te. Azalaki na motema moko ya malamumu, ya bonzambe. Azwaki David te kozala monguna, kasi Alingaki David mingi. Bakomaki baninga ya makasi mikolo na bango nyonso tii kuna.

O, esengo mingi soki likunia ekonzi biso te !

**Verse ya lel'oyo:**

*Kokauka motema te/ na ndako ya ngani./  
Kokauka motema te na.../na eloko nyonso ya ngani./ Kobima 20: 17 [Moniteur, tala ete oyo ezali mibeko 10 na kati ya Mibeko 10 minene ya Nzambe. (Cfr Bible)]*

Tuna bana:

Likunia ezali komema makambo nini ya mabe?  
(Nko, koboma bato)

**Banzembo ezali kokende nzela moko na Leson:**

Bana bayemba moko ya Banzembo oyo ezali kokende nzela moko na Leson oyo.

**Devoir po na bakristo:**

Devoir nazali kopesa bino bakristo ezali ete botika likunia nyonso. Bosenga na Nzambe lialisi na makambo oyo. [Moniteur, mema Bana na losambo po bakristo bazali na makasi ya kotika makambo nyonso ya likunia, kozala malamumu ná bato nyonso.]

Jonathan ná David bazalaki na boyokani ya makasi. Esengo mingi. Kasi, soki otiá motema

na Yesu te, yeba ete, ozanga boyokani moko monene. Ozangi boyokani ná Nzambe. Boyokani na biso ná Ye, akatani po na masumu, po na makambo ya mabe oyo tosali ya apesi ye esengo te. Kasi Nzambe alingi biso bato ya masumu. Atindaki Mwana na Yesu Kristu po na kozongisa boyokani na biso ná Ye. Yesu amonaki pasi, Akufaki likolo ya ekulusu lokola makabo ya makila, po na kukolongola masumu na biso. Na sik'oyo biso tobongola mitema, tokati kotika masumu, kondima wana oyo asalaki po na biso, na minute wana, tokomi balandi ya Yesu. Azongisi biso na boyokani na ye.

Yesu akufaki, kasi ye pe asekwaki na kufa. Azali na bomoi lel'oyo, yango wana akoki koyoka soki obengi kombo na ye. Akobikisa yo lel'oyo soki otié motema na ye. Soki olingi kobenga ye lel'oyo, tikala sima ya Ecodim na esika oyo awa [*moniteur, lakisa wapi*], po tokosalisa yo.

### ==SUKA YA LESON 17



**Soki ngonga ekokoka, teya mikanda ya Bible:**

(Makanisi ezali na suka ya Mokanda oyo.)

## Leson 18 Saul alingaki koboma David na likunia. 1 Samuel 18:6—30

### I. Preparation ya Moniteur—

#### Tina ya Leson:

Tokauka mitema te po na makambo ya malamumu oyo bato mosusu basali. Tozala na esengo na bato mosusu.

#### Verse ya lel'oyo:

*Kokauka motema te/ na ndako ya ngani./  
Kokauka motema te na.../eloko nyonso ya  
ngani./ Kobima 20: 17 [Moniteur, tala ete  
ozali na mibeko 10 na kati ya Mibeko 10  
minene oyo Nzambe. Bible]]*

#### Nzembo ezali kokende nzela moko ná leson:

*[Bana bakoki koyemba Banzembo oyo lisusu:]*

#### **O Keba Maboko (Motema)**

O Keba motema nini olingi (Likunia te !)

O Keba motema nini olingi (Likunia te!)

Po ete Tata na lola

Azali koyeba yo

O Keba motema nini olingi (Likunia te!)

#### **O Lokuta Tik'ango (O Likunia)**

O Likunia (O Likunia)

O Likunia, Tik'ango! (O Likunia) (repete)

#### **Mibeko zomi ya Kolanda**

Ya zomi, kokauka motema te

Na biloko ya ndeko (3x)

Mobeko ya zomi kolanda !

### II. Revision—

#### Kolanda devoir ya Leson oyo eleki:

Na Leson oyo eleki, topesaki bino bakristo devoir ya kotikala likunia, pe kosenga lisalisi ya Nzambe na likambo wana. Nani asengaki lisalisi ya Nzambe na likambo ya likunia na poso oyo aleki ?

#### Koyemba lisusu Ba-Leson oyo eleki:

- Tomoni ete nani azalaki mokonzi ya liboso ya Israel? (Saul)
- Mwana na ye nani? (Jonathan)
- Nzambe atindaki prophete Samuel ayebisaki Saul ete bokonzi na aye

ekolanda te tii kuna. po na nini?  
(Saul atosi na Nzambe te.)

- Sima, Samuel atiáki mafuta likolo ya nani pona kolakisa nini?  
(Ete akokomi mokonzi ya Israel)
- Nani asali boyokani ya makasi pe ya malamumu? (Jonathan ná David)

### III. Koteya Leson Oyo—

#### Ebandeli:

Boni, osé ofanda ná moninga oyo azalaki malamumu ná yo, kasi mokolo moko, omonaki ete makambo échanger. Oyebaki te po na nini, kasi yo ososolaki ete azali lisusu te malamumu ná yo.

Na Leson oyo eleki, tomonaki ete David azalaki malamumu ná Saul. Azalaki kopusa te kokoma mokonzi na lombangu, kasi azalaki kosalela Saul na ndenge moko ya bopikiliki. Nyonso bazalaki na kimia pe na esengo.

Kasi kaka mbala moko, ebalukaki na ndenge mosusu.

#### **Developpement (Malakisi monene ya Leson oyo na banzete 5):**

#### **18.1 Likunia ekotaki na Saul po na ndenge basi bakumisaki David na Banzembo.**

#### **1 Samuel 18:6-9**

#### Tangela Bana:

*6 Tango Basoldat bayaki kozonga ...basi ...ya Israel bayaki koyemba mokonzi Saul. Bazalaki koyemba Banzembo ya esengo, bazalaki kobeta ba-pongi pe ba-guitare, ná kobina pe.*

*7 Basi bazalaki koyemba na esengo nyonso ete: « Saul abomaki bato mile, kasi David abomi batoba- mile zomi. »*

*8 Saul asilikaki mingi, makambo wana esepelisaki ye te. ...*

*9 Uta mokolo wana, Saul azalaki kotala David na lisu ya mabe.*

#### **? Tuna bana:**

#### **Niveau prescolaire –**

- Ndenge ya basi bayembaki—boni, yango epesaki Mokonzi Saul esengo to te? (Esengo ve)

**Niveau primaire –**

- Nini ezalaki probleme na ndenge basi bayembaki?  
(Bayembaki ete David abomaki banguna koleka mokonzi na bango, Saul.)

**Niveau secondaire –**

- Saul akaukaki motema te po na nini elokó ya David azalaki na yango?  
(Lokumu to kokumisa ya basi)

**👤 Bana basala bageste:**

Pona mwana moko azala Mokonzi Saul. Aya liboso. Akabola na Bana mosusu na biteni mibale. Eteni ya liboso aganga liboso ete, « Saul abomi bato mile! » Saul ayoka, abeta maboko na esengo. Eteni mosusu, ya Bana bangoka ete, « David abomi bato ba-mile zomi ! » Saul atelisa elongi pe bageste lokola ya kanda.

**Bana bayemba pe babina:**

Mokonzi Saul akaukaki motema Na lokumu ya David.  
Ebandaki ye na lombangu  
Na kanda ya mingi.

**18.2 Molimo mabe ekotaki na Saul, ebongo amekaki na koboma David mbala mibale.****1 Samuel 18:10-11****📖 Tangela Bana:**

*10 mokolo elandaki... Molimo mabe, esimbaki Ye, kuna na ndako na ye, abandaki koloba-loba lokola moto ya maladi ya liboma. Ebongo David azalaki kobetela ye guitare, ndenge azalaki kosala liboso. Saul azalaki na likonga na maboko.*

*11 Amilobelaki ye moko na sé ya motema ete: « nakobeta ye likonga na etütü. » Abwakelaki ye likonga mbala mibale, kasi David akimaki ye.*

**? Tuna bana:****Niveau prescolaire –**

- Sima Saul akauki motema, nini akotaki na ye—Molimo ya malamau to Molimo mabe? (Molimo mabe)

**Niveau primaire –**

- Molimo mabe esalaki nini na koloba ya Saul?  
(Ezalaki koloba -loba lokola moto ya liboma.)
- Ebandaki ye na kosala nini ya mabe?  
(Alukaki koboma David.)

**Niveau secondaire –**

- Pona nini okanisi musique ya David esalisaki Saul lisusu te?  
*[Moniteur, yoka makanisi ya Bana.]*  
(Molimo mabe ekotaki na ye, pe soki atali David, azali kola moto oyo azali kokaukela motema.)

**Bana basala bageste:**

Kabola Bana na biteni mibale. Moko esala lokola Saul pe moko esala bageste lokola David.

**Bana bayemba pe babina:**

Kokauka motema ebendi kanda  
Posa ya koboma David !  
Saul abwakilaki ye likonga.  
O, mabe makasi!

**18.3 Kobanga ya Saul ezalaki kaka kokola, po atako alongolaki David na ndako, bato bazalaki kolinga ye mingi. 1 Samuel 18:12-16****Tangela Bana:**

*12 Saul azalaki kokima David kobanga, po Yawe azalaki kaka ná David, kasi ná Saul lisusu te.*

*13 Yango wana, Saul alongolaki ye pene-pene na ye...David azalaki komema bato na ye na bitumba ....*

*15 Saul, tango azalaki komona ete David ezali kolonga na bitumba, Abangaki ye lisusu koleka mingi.*

*16 Kasi bato nyonso ya Israel pe ya Juda bazalaki kolinga David...*

**? Tuna bana:****Niveau prescolaire –**

- Saul azalaki kokima David na kobanga, to komona ye esengo?  
(Kokima ye kobanga)

**Niveau primaire –**

- Nini ezalaki kopesa Saul kanda ya koleka?  
(David azalaki kolonga na bitumba.)

**Niveau secondaire –**

- Saul ayokelaki David likunia, kasi nani azalaki kolinga ye?  
(Bato nyonso ya Israel)

**Bana basala bageste:**

Bana kotalisaa bageste ya likunia pe kanda ya komonisa ete balingio bolingo moto te.

**Bana bayemba pe babina:**

Saul azwaki kanda  
Lisusu ya koleka.  
Kokauka motema kaka,  
Likunia na David !

### 18.4 Saul abongisaki mokano ya mabe po David akufa na bitumba. 1 Samuel 18:17-25

**📖 Tangela Bana:**

*17 Sik'oyo, Saul alobaki na David ete: « Mwana na ngai ...Merabi, ye oyo. Nazali kopesa yo Ye, obala ye. Kasi eloko moko, yo esengeli ...kobunda bitumba... » (Saul akanisaka ete: « Malamu David akufa na maboko ya ba-philistin, kasi na ngai te. »)...*

*19 Kasi tango balingaki kopesa Merabi na David, Adriel, moto ya mboka Mehola abalaki ye.*

*20-21 Kasi Mical mwana mosusu ya Saul akomaki kolinga David, ebongo tango Saul ayokaki yango, ...amilobelaki ye moko ete: «...Ekozala lokola motambu na David, ebongo bakoboma ye na ba-philistin...»*

*25 ebongo Saul ayebisaki (bato) bakende koloba na David ete: « mokonzi azali kosenga mbongo ya libala te, alingi kaka (eteni ya nzoto oyo ezali kotalisa ete akufi) Basoldat ya Ba-philistin... » (Oyo mayele oyo Saul asalaki Na ndenge ete David akweya na maboko ya ba-philistin.)*

**? Tuna bana:****Niveau prescolaire –**

- Boni, Mokonzi Saul azalaki na makanisi

ya malamu po na David, to makanisi ya mabe?  
(Makanisi ya mabe)

**Niveau primaire –**

- Saul asengaki David mbongo ya libala te, kasi elembo pona kotalisa ete ye akufi Basoldat ya Ba-philistin. nini ezalaki mokano na sé ya motema na ye?  
(Ete Ba-philistin babomaki David)

**Niveau secondaire –**

- Sik'oyo, Saul azali kobongisa mokano na koboma David. Kasi mabe na ye babandaki na lisumu nini?  
(Kokauka motema po bato oyo bakumisaki David koleka ye. Likunia.)

**Bana basala bageste:**

Bana kotalisa bageste ezali komonisa ete bazali koyemba na motù mokano moko ya mabe.

**Bana bayemba pe babina:**

Kokauka motema me buta  
Mokano ya kufa.

### 18.5 David abomaki te na mokano wana, ebongo monguna ya Saul akolaki kaka. 1 Samuel 18:27-29

**Tangela Bana:**

*27 David ebimaki ná bato na ye. Abomaki Basoldat kama mibale ya Ba-philistin. Azwaki (elembo oyo etalisaki ete abomi bango). Ayaki lisusu komema yango na mokonzi, ...po akoma bokilo na ye. Ebongo Saul apesaki ye mwana na ye Mical na kobala.*

*28 Saul amonaki ete ya solo, Yawe azali na David, ...pe ete mwana na ye Mical alingi David.*

*29 Yango wana, azalaki kokima David kobanga mingi lisusu. Bomo na ye mobimba, azalaki monguna na ye.*

**? Tuna bana:****Niveau prescolaire –**

- Boni, bonguna na kati ya David ná Saul bazalaki kosila? (Ezali te. )

**Niveau primaire –**

- Pona nini mokano ya Saul ya koboma David esalemaki te?  
(Ba-philistin babomaki David te, kasi Abomaki bango na bitumba.)

**Niveau secondaire –**

- Nini apesaki Saul pasi na motema ya koleka?  
(Mwana na ye Mical Alingaki David.)

**Bana basala bageste:**

Bana batalisa bageste mingi oyo ezali komonisa ndenge Saul amonaki David. (Likunia, kobanga, kanda, posa ya koboma Ye, etc.)

**Bana bayemba pe babina:**

Kokauka motema butaka

Likunia ya makasi.

Kokauka motema ebotaki

Kobanga pe makasi.

Kokauka motema ebotaki

Lukunu ya mabe.

Kokauka motema ebotaki

Posa ya koboma moto.

**>|< Kosilisa:**

Tomoni ete David asalaki Saul kaka bolamu, kasi Saul apesi nzela ete akauka motema kokota. Ememi Molimo mabe ya kobundisa ye. Ememi kobanga, na makasi, na masumu. Sik'oyo, Saul akomi moto oyo Alingaki koboma David. Asalaki makasi na koboma Ye, kasi Nzambe akangaki ye nzela. O, kokauka motema ezali eloko moko ya mabe.

Batoli 4:24 azali koyebisa biso ete, “Keba monoko na yo malamumu makambo oyo ozali kokanisaka na sé ya motema...” Boni, ozali komona malamumu makamb'ezali na motema na yo?

**♥ Verse ya lel'oyo:**

Kokauka motema te/ na ndako ya ngani./ Kokauka motema te na.../eloko nyonso ya ngani./ Kobima 20: 17 [Moniteur, tala ete ozali na mibeko 10 na kati ya Mibeko 10 minene ya Nzambe.]

Bana bayemba verse oyo lisusu mbala 4. Sima, basi baloba yango mbala moko ná mibali mbala moko. Na suka, tuna nani akoki koloba yango, ye moko.

**Banzembo ezali kokende nzela moko na Leson:**

Bana bayemba lisusu nzembo moko oyo ezali kokende nzela moko na Leson oyo.

**Devoir po na bakristo:**

Devoir nazali kopesa bino bakristo, yano oyo: kobatela malamumu malamumu na mposi oyo makambo nyonso oyo apesa nzela ya kokota na motema na yo. Tala eloko moko ya moke lokola kokauka motema, ekoki kobuta mbuma oyo ekosalisa yo te, ekosepelisa Nzambe pe te. Keba to batela motema na poso oyo !

**Kobenga babungi na Yesu:**

Boni, oyebi malamumu ete Yesu azali Mobikisi na yo? Boni, obongoli motema, oyambi ye na motema na yo?

Biso nyonso tozali na probleme ya motema ya mabe. Bible azali koyebisa ete, “...motema ya moto, etondi na lokuta, ezali na maladi mingi. Ndenge ya kobika ezali te” (Jeremya 17:9).

Soki Molimo na Nzambe ayebisi yo ete motema na ezali na probleme, yeba ete, atako moto akoki kobikisa yo te, kasi Yesu Kristu Mwana na Nzambe akoki kosala yo. Afutaki makila ya kitoko, ya talo na ye po na kosombela pona lobiko na yo.

Soki okobenga kombo na ye sik'oyo pe osengi ye na kobikisa yo, akozala na lombangu na kobikisa motema na yo. Okokoma moto ya esika kati na Yesu. Akopesa yo motema ya bolingo na kolanda ye. Soki ozali na bosenga ya lialisi na likamb'oyo, kaka tikala sima ya Ecodim. Tokoya kosalisa yo.

**==SUKA YA LESON 18****Soki ngonga ekokoka,****📖 Teya mikanda ya Bible:**

(Makanisi ezali na suka ya Mokanda oyo.)

## Leson 19 Jonathan asalisaki moninga na ye David. 1 Samuel 19:1-24, 20:1-42

### I. Preparation ya Moniteur—

#### Tina ya Leson:

Tokoba na boyokani, topesa nzela te na likunia, po toyebi ete boyokani ez'otonga bomoi ya malamumu, kasi likunia oe'obebisa yango.

#### Verse ya lel'oyo:

Moninga ya solo/ alakisaka bolingo na ye/ tango nyonso, ndeke ya solo/ amonanaka na tango pasi.

Batoli 17:17

#### Nzembo ezali kokende nzela moko ná leson:

##### **O Keba Maboko (Motema)**

O Keba motema nini olingi (Likunia te !)

O Keba motema nini olingi (Likunia te !)

Po te' Tata na lola

Azali koyeba yo

O Keba motema nini olingi (Likunia te!)

##### **O Lokuta Tik'ango (O Likunia)**

O Likunia (O Likunia)

O Likunia, Tik'ango ! (O Likunia) (repetér)

##### **Tolingina**

Na libota na Nzambe makambo eleki monene, bolingo ! Bolingo aleki monene ! (repetér)

Bana na Nzambe, Tolingina

Bolingo eleki monene (Tolingina)

Bana na Nzambe, Tolingina

Bolingo eleki monene !

### II. Revision—

#### Kolanda devoir ya Leson oyo eleki:

Na poso eleki, tosengaki bino bakristo kobatela malamumu-malamumu motema na bino, po na makambo nyonso ya mabe lokola kokauka motema, pe likunia, pe bonguna, oyo ekobanda na motema. Nani asalaki makasi kosalela yango? Merci na bino baoyo basalika ba-devoir.


#### Koyemba lisusu Ba-Leson oyo eleki:

Tomoni ete Mokonzi Saul akebaki te motema na ye. Akaukaka motema po lokumu oyo bato bapesaki David, Amonaki ete esengeli akoma na ye. Azwaki David monguna pe alukaki ndenge na ndenge na koboma ye.

### III. Koteya Leson Oyo—

#### Ebandeli:

Kasi bokokanisa pe ete mwana ya Saul na kombo ya Jonathan, asalaki bayokani ya makasi ná David. Nini ekosalama sik'oyo, po tata alingi koboma David, kasi mwana na ye azali moninga na ye?

 **Developpement (Malakisi monene ya Leson oyo na banzete):** [Moniteur, Leson ezali molayi, makapo 2. Yango wana, tolubi biloko mosusu na sommaire pe tolongoli biloko mosusu.]

**19.1 Na mokapo 19, toz'omona ete liboso, Jonathan asengaki Saul na koyebisa David mawa, pe Saul andimaka. Kasi sima, abongolaki. Sommaire, 1 Samuel 19**

#### Tangela Bana sommaire oyo:

Mbala moko, David azalaki kobeta musique. Molimo mabe ezongaki kosimba Saul. Ayokaki posa ya koboma David, yango wana, ye abwakelaki ye lanse. Kasi David akimaki. Na mokapo oyo, mbala 3 Saul mekaki koboma David.

#### Tuna bana:

##### **Niveau prescolaire –**

- Na mokapo oyo kaka, mbala boni Saul amekaki koboma David? (Mbala 3)

##### **Niveau primaire –**

- Nani asengaki Saul koyebisa David mawa? (Jonathan)

##### **Niveau secondaire –**

- Nini abendaki Saul na koboma David? (Molimo mabe. Ekotaki po akaukaki motema pe ayokelaki David likunia.)

#### Bana basala bageste:

Bana bakolakisa misapi misato. Baloba « Mbala 3 lisusu ete, Saul amekaki koboma David. »



#### **Bana bayemba pe babina:**

Saul alingaki kaka koboma David. Likunia esali ye.

**19.2 David akendeki koyima-yima na moninga na ye Jonathan. Basololaki nini kosala, pe Jonathan andimaka koyebisa David soki Saul azalaki na mokano mabe na likolo na ye. Basalaka koyoka soki oyo boyokani na famille na bango tii kuna. 1 Samuel 20:1-17**

 **Tangela Bana:**

16 Sik'oyo, Jonathan ayokanaki ná David pe famille na ye ete bakozalaka kaka baninga tii kuna. Alobi ete: « Yawe apesa yo etumbu soki olandi te boyokani oyo. »

17 ayebisaki lisusu David na kolapa Nzambe ete okolinga Ye, po ye moko Jonathan azalaki kolinga David lokola ye moko.

**? Tuna bana:****Niveau prescolaire –**

- Nani alingaki David mingi? (Jonathan, mwana ya Saul)

**Niveau primaire –**

- Jonathan ná David basalaki boyokani ndenge nini? (Boyokani)

**Niveau secondaire –**

- Yoka boyokani ya Jonathan asalaki ná David, etalaki kaka bango mibale, to nani mosusu? (Kaka bango mibale te, kasi ba-famille na bango na tango ezali koya, tii kuna)

 **Bana basala bageste:**

Bana basala bageste oyo ezali kotalisa ete koyosokiki pe bazali baninga.

**Bana bayemba pe babina:**

Jonathan ná David  
Baninga ya makasi  
Bayokanaki na kati na bango mibale  
Mokolo wana tii kuna.

**19.3 David akoyebisa Jonathan kotikala to kokende na ndenge akobwaka batolo-tolo.****1 Samuel 20:18-24** **Tangela Bana:**

18 Sik'oyo, Jonathan alobelaki David ete: « lobi ezali fete ya sanza ya sika. Soki omonani kuna te, bakoyeba yango, po esika na yo ekozala ya pamba.

19 ...tii na esika oyo obombanaki mokolo mosusu, pe ófanda penepene ya libana oyo babengi Ezel.

20 Pe ngai nakobwaka ba-fleche misato kuna, lokola pe nalingi kobeta eloko.

21 Boye nakotinda mosali na ngai ákende kolokota ba-fleche yango. Soki oyoki nalobi na ye Zonga ; ba-fleche ezali mosika té, yaka kokamata yango, wana yeba 'tè eloko moko ya mabe ezali te ; pe okoki kozonga. Nakati seleka na kombo na Yawe, Nzambe

ya bomoi 'tè elokó ya mabe ekokweela yo te.

22 Kasi, soki nayebisi moto na ngai ete, « Tala, ba-fleche ezali kuna liboso na yo', esengeli olongola, po Yawe az'otinda yo mosika.

23-24 Lokola tosali boyokani, Yawe akozala temoin tii kuna. » Yango wana, David akendeki kobombana na zamba.

**? Tuna bana:****Niveau prescolaire –**

- David akobwaka nini—mabanga to ba-fleche? (Ba-fleche)

**Niveau primaire –**

- Soki abzaki ba-fleche sima ya moto na ye, akoyebisa David atikala, eloko ezali te, Saul alingi koboma ye te. Kasi soki abwaki yango liboso ya moto wana, akoyebisa nini? (David esengeli akende, po Saul alingi koboma ye.)

**Niveau secondaire –**

- David akozala wapi tango Jonathan ezali kobwakaki kobwaka ba-fleche wana? (Kobombana sima ya libanga)

**Bana basala bageste:**

Bana kotalisa bageste lokola bazali Jonathan azali kobwaka ba-fleche.

**Bana bayemba pe babina:**

Jonathan ayebisaki David  
Akende to atikala.  
Ba-fleche bilembo  
oyo ekoloba na ye.

**19.4 Jonathan ayebaki malamumu-malamumu ete ya solo Saul alingaki koboma David. 1 Samuel 20:25-34** **Tangela Bana:**

30 Saul ayokelaki Jonathan kanda mingi. alobi ete: « Mwana-makango (to mwana ya mbwa) ! Na yebi malamumu ete ozali moninga ya mwana ya Jesse. Ezali soni na yo....

31 Yeba malamumu ete, soki mwana wana azali kaka na bomoi, yo okoki kokoma mokonzi te na mabele oyo ata moke.

Sik'oyo, tinda bato, bakanga ye. Bo mema ye awa, po esengeli akufa. »

**? Tuna bana:****Niveau prescolaire –**



- Saul azalaki na esengo na boyokani ya Jonathan ná David, to azalaki na kanda na yo? (Kanda)

#### Niveau primaire –

- Pona nini okanisi Saul afingaki Jonathan na kobenga ye mwana-makangu to mwana mbwa? (Azalaki na kanda na ye.)

#### Niveau secondaire –

- Pona nini Saul azalaki na kanda na boyokani ya Jonathan ná David? (Po ayebaki ete David akokoma mokonzi, kasi mwana na ye Jonathan te)



#### Bana basala bageste:

Bana batalisa bageste oyo azali komonisa kanda ya mingi.



#### Bana bayemba pe babina:

Saul azwaki kanda na mwana na ye Po David esengeli akoma mokonzi ya Israel.

### 19.5 Na mawa, Jonathan ayebisaki David ete esengeli abima. 1 Samuel 20:35-42

#### Tangela Bana:

*41 Tango mwana mobali asili kokende esili, David atelamaki sima ya mabanga oyo abombanaki. Afukamaki mbala misato elongi na mabele liboso ya Jonathan, ebongo bayambanaki pe bapesanaki baisé na kolela. David alelaki mingi.*

*42 Sik'oyo, Jonathan alobelaki David ete: « Kende malamumu. Yawe azala temoin na biso na ndenge ete, yo ná ngai Bana na yo pe Bana na ngai; tobosana te boyokani oyo tosali na kombo na ye. »*

#### ? Tuna bana:

#### Niveau prescolaire –

- Na suka, David esengeli akende, to atikala? (Ye esengeli akende.)

#### Niveau primaire –

- Pona nini Jonathan ná David bayambanaki pe bapesanaki baisé? (Po David esengeli akende, pe bayebaki te soki bakomonana lisusu.)

#### Niveau secondaire –

- Pona nini okanisi bakataki Nzambe lokola temoin oyo ayokanisaki bango, Jonathan ná David? (Po boyokani wana ezalaki makasi pe ya solo)



#### Bana basala bageste:

Bana batalisa elembo ya malamumu ya kokende na moninga na ye ya makasi oyo bamoni lisusu te.



#### Bana bayemba pe babina:

David esengeli akende,  
Mawa na moninga na ye.  
David esengeli akende,  
Mawa na Jonathan.

#### >|< Kosilisa:

Saul abebisaki bomoi na ye na likunia pona David. Kasi mwana na ye Jonathan asalaki boyokani ná David. David alakaki kosalela famille ya Jonathan bolamu tii kuna. Likunia ezali kaka kobebisa, kasi boyokani ezali malamumu.

#### ♥ Verse ya lel'oyo:

*Moninga ya solo/ alakisaka bolingo na ye na/ tango nyonso, ndeko ya solo/ amonanaka na tango ya pasi.*  
*Batoli 17:17*

Ndambo ya Bana baloba ligne ya liboso, ndambo mosusu baloba ligne ya mibale. Sima, babalola ligne oyo bazali koloba.

#### 👁️ Banzembo ezali kokende nzela moko na Leson:

Bana bayemba moko ya Banzembo oyo ezali kokende nzela moko na Leson oyo.

#### 👋 Devoir po na bakristo:

Devoir nazali kopesa bino bakristo ezali kotikala likunia soki ezali, kosala makasi kosalela boyokani ná moto oyo azali koyokela yo likunia.

#### ✝️ Kobenga babungi na Yesu:

Moninga oyo aleki monene ezali Yesu Kristu. Ayaki lisusu po biso bato tosala masumu. Masumu oyo ekataki boyokani na biso ná Tata Nzambe. Yesu akufaki likolo ya ekulusu po na kozongisa boyokani kati na biso ná mokeli na biso. Soki olingi kotika nzela ya masumu, bongola motema, tiá elikia na Yesu kaka, ye pe akobikisa yo. Akokoma moninga na yo, pe Tata Nzambe pe akokoma moninga na yo. Soki oyambi ye nanu te, tango malamumu ya kosal'ango ezali lel'oyo. Soki olingi tosambelega yo na makambo wina, tikala sima ya Ecodim pe tosalisa yo.

#### ==SUKA YA LESON 19

#### Soki ngonga ekokoka,

#### 📖 Teya mikanda ya Bible:

(Makanisi ezali na suka ya Mokanda oyo.)

## Leson 20 David ayokelaki Saul mawa.

1 Samuel 21-23 sommaire, 24

### I. Preparation ya Moniteur—

#### Tina ya Leson:

Tosala bolamu ata na baoya bakomonisa biso pasi, po toyebi ete Nzambe na biso asala bolamu na bato nyonso.

#### Verse ya lel'oyo:

« ...Nazali kolobela bino ete: /Bolinga banquna na bino, / po Nzambe/ po na bato/ oyo bamonisa bino pasi./ » Matié 5:44, Malakisi ya Yesu Kristu

#### Nzembo ezali kokende nzela moko na leson:

##### **Biso Azongisa Mabe te, te, Ve**

Tozongisa mabe—te, te, te ! (3x)  
Topesa yango na Nzambe.

Ko-juger ezali mosala na Nzambe (3x)  
Kasi ya biso bato te.

Tolinga banguna na biso (3x)  
Bazali na maboko na Nzambe.

### II. Revision—

#### Kolanda devoir ya Leson oyo eleki:

Na poso eleki, topesaki bino bakristo devoir ya koyokela bato likunia te, kasi kotonga boyokani ná moto oyo boyosokika na ye liboso. Ayokelaka yo likunia. Nani abandaki kotonga boyokani ndenge wana? Nani akoyebisa biso temoin ya makambo wana?


#### Koyemba lisusu Ba-Leson oyo eleki:

- Tomoni moto moko ya me wila David likunia. ye nani? (Saul)
- Likunia abendi ye na kosala makambo nini ya mabe? (Amekaki koboma ye)
- Nani ayokelaki David likunia te, kasi asalaki boyokani ya makasi ná Ye? (Jonathan)

### III. Koteya Leson Oyo—

#### Ebandeli:

Boni, omoni moto oyo akangeli yo kinguna, ata osalaka ye mabe te? Nayokaki ete mwana moko ya classe akangaki mwana mosusu na kinguna po asalaki koleka malam na examen. David na Bible, ye pe asali eloko te na Mokonzi Saul, kasi Saul azwaki ye na kinguna.

 **Developpement (Malakisi monene ya Leson oyo na banzete 4):** [Moniteur, histoire ozali molai (Mikapo 4 mobimba) yango wana tokosalela sommaire ya biteni mosusu.]

#### **20.1 David ayebaki ete Saul akati na koboma Ye, yango wana ye akimaki.**

#### Tangela Bana sommaire oyo ya mokapo 21-23:

Nganga-Nzambe asalisaki David na bilei pe mbeli. David akendeki kobika ya libulu moko na mabanga pene-pene na mboka Adullam. Kuna bato pene ya 400 bakendeki na ye, po basepelaki te na bisika oyo bazalaki. Bakomaki Basoldat na ye. Ebongo prophete na kombo ya Gath ayebisaki ye akende na mabele ya Juda.

Saul alingaki koboma moto nyonso oyo asalisaki David. Ayebisaki Basoldat na ye boboma ata Nganga-Nzambe. Kasi azalaki na kobanga kosala yango. Yango wana, Saul ayebisaki moto mosusu na kosala yango. Abomaki banganga-Nzambe 85, pe atumbaki mboka na bango na móto. Kaka moko abimaki, Abiatar, pe akendeki kobika ná David.

Tango wana, David ayokaki ete ba-philistin bazalaki koyiba bilei na bilanga na bato ya mboka Keyil. Atunaki Nzambe nini kosala, pe Nzambe ayebisaki ye akende kobundisa bango. Alongaki, kasi Saul ayokaki ete azalaki kuna. David atunaki Nzambe nini kosalela, ebongo Nzambe ayebisaki ye ete bato ya mboka wana bakopesa ye na maboko ya Saul. Yango wana, ebimaki na kati ya esobe. Mikolo nyonso oyo Saul

alukaki koboma Ye, kasi Nzambe alongisaki te mokano mabe na ye.

Moninga na ye Jonathan ayaki komona ye. Jonathan apesaki ye makasi na kombo na Nzambe. Alobaka lisusu ndenge bayokanaki na boyokani na bango. Ebongo Jonathan azongaki.

Basoldat ya Saul balandaki David esika nyonso oyo akendeki, po báboma ye kaka. David ezali kaka kokima, kokima.

**20.2 Saul akotaki na cave esika David ná bato na ye bazalaki kobombana. Bomoï ya Saul ezalaki na loboko ya David, kasi na kobombana David, akataki kaka eteni ya elamba ya Saul. 1 Samuel 24:1-7**



**Tangela Bana:**

*2-3...Saul ....azwaki Basoldat mile misato (3,000) ...ebongo ye akendeki koluka David ná bato na ye ...*

*4 ...Saul ...amonaki libulu moko na kati ya mabanga, akotaki kuna na kati na kokende kosala nzongo enene (W.C.). Nzoka te David ná bato na ye bazalaki babombani na kati ya libulu wana.*

*5 Balobaki na David ete: « Oyo mokolo oyo Yawe alobaki yo ete akopesa monguna na yo na maboko na yo. Osala ye eloko nyonso oyo olingi. » David apusanaki na mayele nyonso kozanga makelele, akataki songe ya elamba ya Saul. ...*

*7 Alobelaki bato na ye ete: « ...Nakoki kosala ye mabe te ata moke, po Yawe ye moko aponaki ye na kozala mokonzi!*

**? Tuna bana:**

**Niveau prescolaire –**

- Boni, David asalaki Saul mabe to te? (Ezali te.)

**Niveau primaire –**

- David alaki kaka nini na Saul? (Akataki kaka songe ya elamba na ye)

- Pona nini David abomaki Saul te? (Amonaki yango mabe na koboma mokonzi oyo Nzambe atíé.)

**Niveau secondaire –**

- Libanda ya libulu ezalaki Basoldat 2,000 ya Saul. Na kati ya cave ezalaki kaka Saul ye moko. po na nini? (Po akoti na cave pona kokende na nzongo enene (W.C.)



**Bana basala bageste:**

Bana basala lokola bazali kokoma pene-pene na esika Saul abombanaki. Basala lokola bazali kokata songe ya elamba na ye.



**Bana bayemba pe babina:**

David amonaki tango ya malamu Akoki koboma Saul. Alingaki kosalela yango te Po Nzambe atíé ye' mokonzi !

**20.3 Sima Saul ebimaki, David ayebisaki ye nini asali, pe alukaki kimia na kati na bango. 1 Samuel 24:8-16**

**📖 Tangela Bana:**

*8 Boye, David aboyaki bato na ye kokweela Saul. Saul ebimaki na libulu yango. Alandaka nzela na ye.*

*9 Sik'oyo, David pe ebimaki na libulu, ebongo abengaki Saul ete: « Mokonzi! Mokonzi! » Saul atalaka sima. David afukamaki na kolakisa lozito,*

*10 Ebongo alobi ete: « Mokonzi, po na nini ozali koyokela bato wana bazali kokosa yo ete nazali koluka kosala yo mabe?*

*11 OKoki komona yo moko ete lel'oyo, Yawe apesi yo na maboko na ngai kuna na libulu. Bato bayebisaki ngai na boma yo, kasi ngai na nalingaki yango te. Nalobi ete ngai nasali mokonzi na ngai mabe te, po azali mokonzi oyo Yawe aponiki.*

*12 Tata, tala eteni ya elamba na yo na maboko na ngai ! Po ngai na lingi te koboma yo, yango wana ngai nakati kaka songe ya elamba ya yo... nazali na makanisi te ata moke ya kosala yo mabe to mubulu....*

16 Yawe akozala Elombe (to juge).  
Akosamabisa bisoná yo....»

### ? Tuna bana:

#### Niveau prescolaire –

- David abengaka nani?  
(Mokonzi Saul)

#### Niveau primaire –

- Tango nini David abengaka Saul?  
(Sima ete abimi na libulu)

#### Niveau secondaire –

- Pona nini David alakisaki Saul eteni ya elamba na oyo akataki ye?  
(Po na koyebisa ete azalaki na makoki ya koboma Ye, kasi aboyaki.)

### ♀ Bana basala bageste:

Bana batombola lobiko lokola eteni ya elamba bakataki. Babenga ete, « Mokonzi ! Mokonzi »



### Bana bayemba pe babina:

Mokonzi ! Mokonzi !  
Nakoki koboma yo te.

## 20.4 Saul asalaki kimia ná David.

### 1 Samuel 24:17-23



### Tangela Bana:

17 Tango David asilisi koloba, Saul alobi ete:  
« Boni, wana (mongongo na) yo David,  
mwana na ngai? » Ebongo, Abandaki kolela.

18 Ebongo alobelaki David ete: « Ozali na Raison, kasi ngai te. Osali ngai bolamu, kasi ngai nasali yo mabe.

....21 ngai nayebi ete okozala kaka mokonzi ya Isarele, bokonzi ya Israel ekotikala na maboko na yo.

22 Kasi lapa na kombo ya Yawe ete okotikala koboma Bana na ngai te soki nakufi, okolongola pe te kombo na ngai ná ya famille na ngai po bato babosana yango te libela. »

23 David pe alapaki ndenge wana. Sik'oyo, Saul azongaki na mboka na ye....

### ? Tuna bana:

#### Niveau prescolaire –

- Likambo kati na David ná Saul, mbala oyo esukaki na ndenge ya malamumu to ya mabe? (Ya malamumu)

#### Niveau primaire –

- Saul andimaki nini?  
(Ete asali David mabe na koluka koboma Ye)

#### Niveau secondaire –

- Saul asosolaki makambo nini ya mutuya po na David?  
(Ete akokoma mokonzi)
- Asengaki David makambo mibale pe David andimaki. Makambo wana mibale ezalaki nini?  
(1. Ete David aboma famille na ye nyonso te, pe 2. ete akokanga bato te nzela ya kokanisa ye.)



### Bana basala bageste:

Bana babeta mutu pona kolakisa ete bazali na mawa po basali mabe.



### Bana bayemba pe babina:

David ayokelaki Saul mawa Mokonzi ya Israel!

### >|< Kosilisa:

David ayokelaki Saul mawa pe abomaki ye te. Asosolaki ete Nzambe asali biso nyonso malamumu, yango wana, alingaka bato na ye pe asalelaka bato nyonso bolamu, ata basali biso mabe.



### ♥ Verse ya lel'oyo:

« ...Nazali kolobela bino ete: /Bolinga banguna na bino, / po Nzambe/ po na bato/ oyo bamonisa bino pasi./ » Matié 5:44, Malakisi ya Yesu Kristu

Bana baloba verse na maloba mosusu—na likolo—na nsé, ya mwasi—ya mibali, ya basi, ya makasi—ya kimia, etc.



### Banzembo ezali kokende nzela moko na Leson:

Bana bayemba moko ya Nzembo ezali kokende nzela moko ná leson oyo.

**Devoir po na bakristo:**

Devoir nazali kopesa bino bakristo, yango oyo: Luka kosala bolamu na bato nyonso. Ata soki moto akangi yo monguna, zongisela ye boyokani. Ata asali yango mabe, yo zongisela yeb bolamu. Oyo ezali kosepelisa Nzambe.

**Kobenga babungi na Yesu:**

Boni, ozali mokristu? Tango nini okomaki mokristu? Moto abotamaka te mokristu, ata baboti na yo balingi Yesu mingi. Moto nyonso esengeli asosola ete asali te oyo Nzambe alingi. Esengeli ososola ete Nzambe asalaki yo po na kopesa ye lokumu. Kasi yo oponi te kopesa ye lokumu. Oponi nzela ya yo moko. Wana ezali masumu. Nzambe azali na kanda na bato ya masumu. Soki oyo azali kopesa yo pasi na motema, ezali Molimo na Nzambe oyo ezali koyebisa yo makambo wana. Bongola motema. Tika nzela na yo moko. Tiá elikia na

Yesu Kristu, Mwana na Nzambe. Apesiki bomoi na ye makabo po na kufuta mbeka ya masumu ya biso bato. Tata Nzambe atalisaki ete andimi makabo na Yesu, na ndenge asekwisaki ye na kufa. Bato mingi bamonaki Yesu na bomoi lisusu. Sima ya mikolo 40, ye abutaki na likolo. Mosala na ye esili, yango wana, azongaki na Tata oyo atindaki ye. Afongoli nzela po na yo okoma mwana na Nzambe. O, Mibwaka na Yesu lel'oyo, ebongo, akobikisa yo.

Poso nyonso tozali awa sima ya Ecodim Tosalisa moto nyonso oyo alingi kotia motema na Yesu.

**==SUKA YA LESON 20**

**Soki ngonga ekokoka,**



**Teya mikanda ya Bible:**

(Makanisi ezali na suka ya Mokanda oyo.)

## Leson 21 David akómaki Banzembo ezali kolakisa ndenge ya koluka Nzambe na tango ya pasi. Banzembo mokapo 18

### I. Preparation ya Moniteur—

#### Tina ya Leson:

Tobenga kombo na Nzambe na tango ya pasi, po toyebi ete azali na esengo ya koyoka kolela na biso, pe kosalisa biso.

#### Verse ya lel'oyo:

*Yawe, / tango nazali kobelega yo/ oya kolongola ngai/ na maboko ya banguna, / otiki ngai. / Lokumu na yo, Yawe ! Banzembo 18:4*

#### Nzembo ezali kokende nzela moko ná leson:

##### Nzambe akoyoka yo

Nzambe akoyoka yo (3X)

Na kombo na Yesu !

Akosalisa (3X)

Na kombo na Yesu !

Tosa ye ! (3X)

Na kombo na Yesu !

Matondo na Nzambe (3X)

Na kombo na Yesu !

##### Senga na Nzambe Kaka

Tosengeli kosambela

Na Nzambe, ye kaka

Ata moto moko te

Mosusu ekoki kosalisa!

##### *Eyano:*

Senga na Nzambe!

Na Nzambe kaka

Senga na Nzambe

Na kombo na Yesu!

### II. Revision—

#### Kolanda devoir ya Leson oyo eleki:

Na poso eleki, topesa bino bakristo devoir ya kosala malamumu na bato nyonso, ata na bango oyo basalaka yo mabe.

#### Koyemba lisusu Ba-Leson oyo eleki:

- Tii sik'oyo, tomoni David na tango ya esengo lokola nini?

(Lokola tango Samuel atalisaki ete Nzambe aponi ye na kozala mokonzi na esika ya Israel.)

- Tomoni David na tango ya pasi. Lokola nini?

(Lokola, mbala mingi Saul alingaki koboma ye.)

### III. Koteya Leson Oyo—

#### Ebandeli:

Tomoni ete David akómaki Banzembo mingi po Na kokumisa Nzambe. Ndambo ya Banzembo, akomaki na kobenga Nzambe na tango ya pasi, lokola tango Mokonzi Saul azalaki koluka ye mayele. Tokomona ndakisa moko lel'oyo— Banzembo 18. Akómaki yango sima ete Nzambe abikisa ye na loboko ya Mokonzi Saul ya bazalaki koluka na koboma ye.

#### Developpement (Malakisi monene ya Leson oyo na banzete 5):

##### 21.1 David akumisaki Nzambe. Andimaki ete Nzambe azalaki makasi na ye. Banzembo 18:1-3.

#### Tangela Bana:

1 Nzembo oyo David ayembelaki Yawe, tango Nzambe abikisaki ye na maboko ya Saul pe banguna mosusu.

2 Yawe, nalingi yo mingi, Ozali makasi na ngai.

3 Yawe, ozali likonzi na ngai, esika ya makasi oyo nakimelaka pona bombana.

Yo Moto abikisaka ngai na banguna.

Ozali libanga oyo ebatelaka ngai; Ozali libaya (barrage) oyo ebatelaka na ngai na ba-fleche ya banguna.

Ozali lopango oyo ba-fleur ya makasi,

Esika oyo abikisaka ngai,

Esika monene oyo na pemaka.

#### Tuna bana:

##### Niveau prescolaire –

- Na nzembo oyo, David akumisaki nani? (Yawe)

##### Niveau primaire –

- Nzembo ezali poeme oyo bato bazali koyemba. Po na nini David azalaki kokumisa Nzambe na poeme oyo ? (Po Nzambe abikisi ye na loboko ya Saul, oyo alingaki koboma ye.)

#### Niveau secondaire –

- Na poesie, mbala mingi tozali kokokisa eloko moko na eloko mosusu. Na poeme oyo, David akokisi Nzambe na nini? (likonzi, libaya wana ekobatelaka moto na ba-fleche)

#### Bana basala bageste:

Bana basala lokola bazali kosimba libaya wana oyo ebatelaka moto na ba-fleche (français 'bouclier').



#### Bana bayemba pe babina:

David akumisaki Nzambe  
Po abikisaki ye! (O yea)  
Po Nzambe abikisaki ye!

### 21.2 Abengaki Nzambe na tango moko ya pasi, pe Nzambe ayokaki ye. Banzembo 18:4-6



#### Tangela Bana:

*4 Yawe, tango nazali kosenga yo oya kolonola ngai na maboko ya banguna, Obikisa ngai.*

*Lokumu na yo, Yawe!*

*5 Basinga ya liwa ekangaki ngai na kingo. Solo na yango epesi ngai kobanga.*

*6 Mokili ya baweyi ezali kozela ngai. Lilita etielaki ngai mitambo.*

#### ? Tuna bana:

##### Niveau prescolaire –

- David asengaki lisalisi ya nani? (Ya Nzambe)

##### Niveau primaire –

- Tango David abengaki Nzambe, amonaki lokola esengeli kosala nini? (Lokola asengeli kokufa.)

##### Niveau secondaire –

- Mikanda ya Ebandeli tii na 1 Samuel oyo tomoni ezali histoire. Bakomaki makambo oyo elakaki. Kasi Mokanda

ya Banzembo ezali poesie. Baverse nini oyo ezali komonana lokola 'photo ya maloba' ya poesie? (Tala verse 5.)



#### Bana basala bageste:

Bana basimba kingo na bango moko. Baloba ete, « Kufa ekangaki ngai singa na kingo. »

Basimba zólo. Baloba ete, 'solo na yango epesaki ngai kobanga.'



#### Bana bayemba pe babina:

David amonaki ete Kufa  
Ezalaki pene-pene na ye. O mawa!

### 21.3 Nzambe akitaki po na kosalisa ye. Banzembo 18:7-9



#### Tangela Bana:

*7 Na tango ya pasi ngai nasengaki Yawe, Nzambe na ngai Naye osalisa ngai.*

*Kuna na ndako na ye, Ayokaki maloba na ngai.*

*Ayokaki ndenge nazali kolelela ye.*

*8 Ebongo mokili nyonso eninganaki, elengaki.*

*Bangomba pe eninganaki makasi po Nzambe asilikaki.*

*9 Milinga ezalaki Kobima na zolo na ye. Móto ya makasi pe makala ya moto ezalaki Kobima na monoko na ye.*

#### ? Tuna bana:

##### Niveau prescolaire –

- David abengaki Nzambe. Boni, Nzambe ayokaki Ye, to Ayokaki te? (Ee, Ayokaki.)

##### Niveau primaire –

- Nzambe ayokaki ndenge nini Saul azalaki koluka koboma David? (Azwaki kanda.)

##### Niveau secondaire –

- Mbala mingi na poesie, bazali kokóma lokola Nzambe azali moto. Basala yango na ndenge ete tokoki kososola

ye. Baverse nini oyo ezali komonisa  
Nzambe lokola azalaki moto?  
(Tala verse 9.)

### **Bana basala bageste:**

Bana basala lokola mabelé ezali koningana.  
Baloba ete, « Nzambe asiliki makasi! »



### **Bana bayemba pe babina:**

Nzambe ayokaki kolela ya David,  
Makambo monene ! Makambo monene!

## **21.4 Nzambe atikaki David na loboko ya Saul. Banzembo 18:17-18**



### **Tangela Bana:**

*17 Yawe uta na likolo oyo azali,  
Atandi loboko na ye, pe akamati ngai.  
Abimisi ngai na likama lokola na kati ya ba-  
mai ya minene.  
18 Abotoli ngai na maboko ya banguna  
Ti bato nyonso wana oyo batiolaka ngai, ba  
oyo baleki ngai na makasi.*

### **? Tuna bana:**

#### **Niveau prescolaire –**

- Boni, Nzambe abikisaki David, to abikisaki David te?  
(Ee. Abikisaki David na loboko ya Saul. Akufaki te.)

#### **Niveau primaire –**

- David ayokaki ete Nzambe asalaki nini na ye? (Nzambe asimbaki ye.)

#### **Niveau secondaire –**

- Eteni nini ya baverse oyo azali kotalisa Nzambe lokola azalaki moto?  
(Akitisaka loboko na ye. Nzambe azali Molimo, yango wana, azali na loboko te. Oyo ezali ndenge poetique ya koloba.)



### **Bana basala bageste:**

Bana bakitisa loboko lokola bazali Nzambe azali kosalisa moto na sé. Baloba ete,  
« David, ayokaki kobanga te ! Nzambe azali ! »



### **Bana bayemba pe babina:**

Nzambe asalisaki  
Tango David abengaki ye!

## **21.5 David apesaki Nzambe lokumu po abikisaki ye na banguna. Banzembo 18:47**



### **Tangela Bana:**

*47 Longonya na Yawe!  
Lokumu na oyo azali Likonzi na ngai !  
Lokumu ezala na Nzambe oyo azali  
kobikisaka ngai !*

### **? Tuna bana:**

#### **Niveau prescolaire –**

- Nzambe abikisaki David na kufa, ebongo David apesaki Nzambe nini? (Lokumu)

#### **Niveau primaire –**

- David apesaki Nzambe lokumu mbala boni na verse oyo?  
(Mbala misato.)

#### **Niveau secondaire –**

- ‘Mokonzi na ngai, elingi koloba nini? (Lokola likonzi oyo ezo’simba ndako, Nzambe azali kosimba bomoi na ye.)



### **Bana basala bageste:**

Bana basala bageste nyonso oyo ezali kotalisa ndenge oyo topesa lokumu na Nzambe.



### **Bana bayemba pe babina:**

Lokumu na Nzambe, e  
Lokumu na Nzambe, e  
Lokumu na Nzambe, e

### **>|< Kosilisa:**

Na nzembo oyo nyonso, David azali kopesa Nzambe lokumu po abengi ye na tango ya pasi, pe Nzambe ayoki ye. Abikisi ye na loboko ya Saul, oyo bazalaki koluka na posa ya koboma ye.

Nzambe azali koyoka tango nyonso tokobenga kombo na ye !



### **Verse ya lel’oyo:**

*Yawe, / tango nazali kobelega yo/ oya  
kolongola ngai/ na maboko ya banguna, / otiki  
ngai. / Lokumu na yo, Yawe ! Banzembo 18:4*



Bana baloba verse mbala 6 ná bageste.

 **Banzembo ezali kokende nzela moko na Leson:**

Bana bayemba moko ya banzembo ezali kokende nzela moko ná leson oyo.

 **Devoir po na bakristo:**

Bana bakristo, nini bino basali na tango ya pasi? Devoir nazali kopesa bino, kobenga Nzambe na ba-pasi nyonso. Tika akosalisa yo.

 **Kobenga babungi na Yesu:**

Kasi ezali pasi kobenga Nzambe soki oyebi ye nanu te. Tango obongoli motema pe oyambi Yesu Kristu, mbala moko oyebi pe Tata

Nzambe. Yesu alobaki ete, “Soki boyebi ngai bokoyeba pe Tata” (Yoane 14:7a). Boni, oyebi malamau ete oyebi ye? Soki omoni lel’oyo ete ozali na posa to bosenga ya koyamba Ye, nakozala na esengo ya kosalisa yo sima ya Ecodim.

**==SUKA YA LESON 21**

**Soki ngonga ekokoka,**

 **Teya mikanda ya Bible:**

(Makanisi ezali na suka ya Mokanda oyo.)

## Leson 22 Abigail alukaki kimia ná David.

1 Samuel 25:3-35

### I. Preparation ya Moniteur—

#### Tina ya Leson:

Toluka kimia na ndenge tolobaka.

#### Verse ya lel'oyo:

*Eyano ya malembe to boboto/ elembisaka kanda/*

*Kasi eyano ya kanda (maloba ya mabe) /ekotelemisaka yango (ekomisaka kanda makasi)./*

*Batoli 15:1*

#### Nzembo ezali kokende nzela moko ná leson:

Salela Verse ya lel'oyo lokola nzembo ekende nzela moko na Leson.

### II. Revision—

#### Kolanda devoir ya Leson oyo eleki:

Na poso eleki, topesaki bino bakristo devoir ya kobenga Nzambe na tango nyonso ya pasi. Nani akoyebisa biso lolenge moko oyo abengaki Nzambe na tango ya pasi Na poso eleki?

#### Koyemba lisusu Ba-Leson oyo eleki:

Na baposo aleki, tomoni ndenge Nzambe asalisaki David tango Saul azalaki koluka na koboma ye. Tomonaki ete sima Nzambe ete asalisaki Ye, David akómaki nzembo po na kokumisa Nzambe.

### III. Koteya Leson Oyo—

#### Ebandeli:

David azalaki kobika kaka na zamba, pe abundaki bitumba mosusu ná banguna ya Israel. Sima ya tango, prophete Samuel akufaki. Balembe ya pe bakundaki ye. Sik'oyo, bato ya David bakómi 600. Bakomaki pene-pene na mboka moko esika mozwi monene azalaki kobika. Kombo na ye Nabal.

#### Developpement (Malakisi monene ya Leson oyo na banzete 6 ):

**22.1 Abigail, mwasi ya Nabal mayele, kasi Nabal moto ya pasi pe ya kanda.**

**1 Samuel 25: 3**

#### Tangela Bana:

*3 Kombo ya mwasi na ye Abigail, mwasi moko ya kitoko pe mayele, kasi mobali na ye azalaki mobali moko ya pasi pe ya kanda.*

#### Tuna bana:

- Nabal moto ya ndenge nini? (Pasi pe kanda)
- Mwasi na ye Abigail moto ya ndenge nini? (Kitoko pe mayele)

**22.2 Na limemia nyonso, David atindaki bato na kotalisa ndenge asalisi bato oyo bazalaki kobatela ba-meme ya Nabal, ebongo kosenga lisalisi na ye. 1 Samuel 25: 4-9**

#### Tangela Bana:

*4-6 ...David... atindeli ye Bilenge-mibali zomi ete: « Bokende ...na Nabal, bopesa ye mbote na kombo na ngai ete: 'Mbote na yo, moninga na ngai. Mbote na yo, na famille na yo pe na baoyo nyonso bazali na yo.*

*7 ...Bato na yo oyo babatelaka ba-meme, tango bazalaki ná biso, tosalaki bango ata eloko te....*

*8 Okoki kotuna bango, bakoyebisa yo.*

*Nazali kosenga yo, ozwa bato na ngai malam, po lelo ezali mokolo ya fete.*

*Yango wana, Pardon, soki olingi, pesa basali na yo pe mwana na yo David eloko (ndambo ya bilei) nyonso ozali na yango.' »*

*9 Bato ya David bakendeki na Nabal, balobelaki ye makambo nyonso oyo David alobaki, ebongo bazalaki.*

#### Tuna bana:

##### **Niveau prescolaire –**

- Bato oyo babatelaka ba-meme ya David bazalaki ná David. Boni, asalaki bango mabe? (Ezali te.)

##### **Niveau primaire –**

- David asengaki Nabal nini? (Eloko nyonso ezalaki na yo—mwa lisalisi po na mokolo ya fete)
- Boni, bato ya David basengaki Nabal na ndenge ya kanda to ya limemia, ya malembe? (Ndenge moko ya limemia, ya alembe)

##### **Niveau secondaire –**

- Tala maloba David ayebisaki bato na ye na koloba na Nabal. Nini na kati na yango ezali kolakisa lozito to limemia? (Moninga na ngai ya malam na famille nyonso, Pardon, soki olingi, mwana na yo David)

**👤 Bana basala bageste:**

Bana batalisa ndakisa ya ndenge ya limemia ya kosenga eloko na culture na biso.

**Bana bayemba pe babina:**

David asengaki lisalisi na Nabal  
Na limemia nyonso.

**22.3 Nabal azongiselaki bango na ndenge moko ya kanda. 1 Samuel 25:10-11****Tangela Bana:**

*10 Kasi Nabal apesaki eyano oyo: « David nani? Mwana ya Jesse nani? Mikolo oyo ba-umbu mingi bazali kokima bakonzi na bango !*

*11 Ebongo ngai nazwi mapa na ngai pe mai na ngai pe nyama na ngai nabomaki bato na ngai ya mosala, ngai napesi na bato balongwé soki na wapi? Ezali te ! »*

**? Tuna bana:****Niveau prescolaire –**

- Boni, Nabal andimaki kosalisa David? (Ezali te.)

**Niveau primaire –**

- Omoni ndenge nini Nabal apesaki ye eyano—lozito, limemia to te? (Luzitu, limemia te. Kanda.)

**Niveau secondaire –**

- Pona nini eyano wana ezalaki ya limemia te? (Alobi ete lokola ayebaki David te, lokola akokaki kozala moto moko ya pamba.)

**👤 Bana basala bageste:**

Bana kotalisa elongi ya mawa po na ndenge Nabal apesaki eyano ya kozanga limemia.

**Bana bayemba pe babina:**

(Na ton ya mawa) Nabal azongisaki na ndenge ya limemia te.

**22.4 Tango David ayokaki yango, amilengelaki kobundisa Nabal. 1 Samuel 25:12-13****Tangela Bana:**

*12 Bato ya David bazongaki, babetaki na David makambo oyo Nabal alobaki.*

*13 David alobaki ete: « Bino nyonso, mbeli na maboko! » Bango nyonso bazwaki bambeli na bango, David pe azwaki oyo ya Ye, ebongo akendeki ná bato na ye pene ya kama minei (400). Bato kama 200 (200) batikalaki na kotala biloko.*

**? Tuna bana:****Niveau prescolaire –**

- Eyano oyo Nabal apesaki David ya esengo, to ya esengo te? (Esengo ve)

**Niveau primaire –**

- David alingaki kosala nini? (koKende kobundisa Nabal)

**Niveau secondaire –**

- Eyano ya kanda ya Nabal me kitisa makamb'oyo, to yo asali nini? (Ezali te. Yo me yika tiá lisusu. Makambo akomi makasi.)

**Bana basala bageste:**

Bana nyonso sala lokola bazali ezali bato ya David, ke simba mbeli na bango kokende kobunda.

**Bana bayemba pe babina:**

Eyano ya kanda  
Asosola makombo ya moto.

**22.5 Moto moko abisaki mwasi ya Nabal Abigail, ebongo akendeki koloba na malembe na David pe kosalisa ye na bilei. 1 Samuel 25:14-31****Tangela Bana:**

*18 Na lombangu Abigail akamataki mapa...vino, ba-meme ...ya kotumba...blé ya kokalanga...ba-mbuma ya vino, pe ba gateau...ya ba-figue. Pe batiáki yango likolo ya ba-punda.*

*19 Ebongo, alobi na bato ya mosala ete: « Bokende liboso, nazali kolanda bino. »...*

*20 Abigail amataki likolo ya punda na ye...po amona David pe bato na ye baye...*

*21 Na Tango wana, David azalaki koyima-yima na sé ya motema...*

*23-24 Tango Abigail amonaki David, pe akitaki na lombangu na punda. Afukamaki liboso ya David, elongi na mabele. Ebongo alobaki na ye ete: «Pardon mingi mokonzi, mabe ezali ya ngai...Tika ngai moumbu na*

*yo na loba na yo. Yoka maloba na ngai Pardon.*

*25 Mokonzi, kolanda te makambo ya Nabal. Azali moto ya pamba. Azali moto ya liboma, ndenge kombo na yé...Kasi ngai moumbu na yo, namonaki te bato oyo otindaki.*

*...27 Pardon mokonzi, tala cadeau oyo nayé namemeli yo po okabolela yango bato na yo.*

*28 Pardon, limbisa ngai po na mabe na ngai. Yawe akotiá yo ná Bana na yo bakonzi, po y'opona kobunda bitumba ya Yawe ...*

### ? Tuna bana:

#### Niveau prescolaire –

- Nani akendeki kosolola na David? (Abigail, mwasi ya Nabal)

#### Niveau primaire –

- Ndenge nini omoni ndenge ete alobi na ye? Limemia to na limemia te? (Limemia mingi)

#### Niveau secondaire –

- Abigail alobaki na limemia, kasi nini mosusu etalisi limemia? (Kofukama elongi na mabele)

### † Bana basala bageste:

Bana baloba na limemia bangoo na bango, « Pardon, mokonzi. Pardon, mokonzi. »



### Bana bayemba pe babina:

Abigail alobaki na malembe  
Na limemia mingi.

## 22.6 1 Samuel 25:32-35 David andimaki koloba ya malembe ya Abigail, yango wana kimia ekotaki. 1 Samuel 25:32-35



### Tangela Bana:

*32 David alobaki na Abigail ete: « Lokumu na Yawe...atindi yo lel'oyo koya kokutana na ngai!*

*33 Merci po na mayele na yo...*

*35 David andimaki cadeau ya Abigail amemelaki Ye, ebongo alobi na ye ete: « Zonga na yo, kozala na kobanga te. Ngai na yoki yo. Ngai nandimi yango. »*

### ? Tuna bana:

#### Niveau prescolaire –

- Makombo wana esukaki na ndenge ya malamu to ya mabe? (Na ndenge ya malamu)

#### Niveau primaire –

- Ndenge nini David ayokaki koloba ya limemia, ya mayele ya Abigail? (Na Esengo—andimaki yo.)

#### Niveau secondaire –

- koloba ya malembe ya Abigail esukisaki makombo nini? (Kanda ya David pe mokano ya kobundisa famille na ye)



### Bana basala bageste:

Bana koyebisa monoko pe baloba na maloba na mongongo ya makasi, ya kanda ete: « maloba na mongongo ya kanda ezali koasosola moto na makombo ! » Bakoyebisa monoko na loboko mosusu pe baloba na maloba ya malembe ete: « maloba ya malembe elembisaka kanda. »



### Bana bayemba pe babina:

Maloba ya kanda, te ! Te ! Te !  
Maloba ya malembe, E ! E ! E !

### >|< Kosilisa:

Soki makombo ezali na kati ya bato, mbala mingi toyokaka posa ya kopesa eyano ya kanda. Eyano ya ndenge wana esalisaka te. Malamu Bana na Nzambe bayekola ndenge ya kopesa eyano ya malembe, lokola Abigail asalaki.

### ♥ Verse ya lel'oyo:

*Eyano ya malembe/ elembisaka kanda/ Kasi eyano ya kanda/ etelemisaki yango./ Batoli 15:1*

Bana bayemba yango pe bageste. Babina pe mbala mutoba.



### Devoir po na bakristo:

Bino bakristo, na poso ezali koya, nazali kopesa bino devoir ya kokeba na biyano ozali kopesa na bato. Tiá makasi ete kanda ezala te, kasi limemia pe malembe.



### Kobenga babungi na Yesu:

Lel'oyo tozali kokanisa biyano. Mokolo moko okotelema liboso na Nzambe. Eyano nini akopesa yo? Yesu alobaki ete bato mosusu bamonani lokola balandi na ye, kasi na suka Nzambe akoyebisa bango ete,

'Nayeba bino nanu te. Bino bato bosalaki makombo ya mabe, bolongwa awa na misson na ngai!' (Matié 7:23). Soki ya solo obongoli motema na Yesu, okolanda pe Ye. Akopesa ye esika na motema. Akolinga lisusu masumu te. Boni, oyebi malamuru ete obongoli motema na yo. Kobongola motema elingi koloba "changement". Soki olingi kososola makambo

wana lel'oyo, yaka kosolula ná biso sima ya Ecodim.

## ==SUKA YA LESON 22

**Soki ngonga ekokoka,**



**Teya mikanda ya Bible:**

(Makanisi ezali na suka ya Mokanda oyo.)

## Leson 23 David akimaki kanda ya Saul pe ayokelaki ye lisusu mawa. 1 Samuel 26:1-25, 27:1-12.

### I. Preparation ya Moniteur—

#### Tina ya Leson:

Tozongisa mabe na mabe te, kasi tozongisa malamuru soki moto moko apesa biso mabe.

#### Verse ya lel'oyo:

Reviser lisusu maloba ya Yesu na *Matié 5:44*:  
« *Kasi ngai nalobi na bino: / bólingaka  
banguna na bino, / bósambelaka po na bato/  
oyo banyokolaka bino. »*

#### Nzembo ezali kokende nzela moko na leson:

#### **Tozongisa Mabe te, te, te**

Tozongisa mabe—te, te, te ! (3x)  
Topesa yango na Nzambe.

Ko-juger ezali mosala ya Nzambe (3x)  
Kasi oyo biso bato te.

Tolinga banguna na biso (3x)  
Bazali na maboko ya Nzambe.

### II. Revision—

#### Kolanda devoir ya Leson oyo eleki:

Na poso eleki, topesaki bino bakristo devoir na kozongisela bato biyano na ndenge moko ya malembe, ya limemia, ya kimia. Kozongisa eyano te na kanda. Nani akoyebisa biso lolenge Basalaki yango?

#### Koyemba lisusu Ba-Leson oyo eleki:

Tomoni ete prophete Samuel ayebisaki ete David akokoma mokonzi sima ya Saul.  
Tomoni ete Nzambe akati ete bokonzi ya

Saul ekoumela te, po atosaki te na Nzambe. Saul ameki mbala mingi na koboma David, kasi alongaki te.

Davidi amonaki ngonga oyo akokaki koboma Saul, kasi aboyaki, po amonaki ete, Nzambe alobi na Saul mokonzi, yango wana, ezali kaka Nzambe oyo akoki kotiya ye. Davidi eyebisaki Saul ndenge ayokeli ye mawa, yangowaina Saul abongolaki makanisi pe asali mbe. Andimaka ete akoluka koboma lisusu David te.

### III. Koteya Leson Oyo—

#### Ebandeli:

Boni, akokanisa promese wana, to akobongola lisusu na koluka David? Pe nini David akosala soki Saul alandi koluka na koboma ye lisusu?

#### **Developpement (Malakisi monene ya Leson oyo na banzete 6):**

**23.1 David atikalaki kaka na esobe. Na tango moke, Ayokaki ete Saul azalaki koluka na koboma ye lisusu. Atindaki bato ya yeba soki ya solo ezalaki boye nde. 1 Samuel 26:1-4**

#### **Tangela Bana:**

*1 Bato mosusu ...bakendeki na Saul  
...bayebisaki ye ete David abombami ...na ngomba...*

*2 Saul azwaki Basoldat mile misato (3,000)..., ebongo akendeki na mabele ya zelo na zelo ...Po na koluka David.*

*3 Atongaki camp na ye ...David ...ayokaki ete Saul aye koluka Ye,*

*4 Atindaki bato na kotala pe koyeba penza kaka soki Saul ayé. Amonaki ete ezali ya solo.*

**? Tuna bana:****Niveau prescolaire –**

- Saul alukaki David lisusu, to alukaki David te?  
(Alukaki lisusu David.)

**Niveau primaire –**

- Bato ya David bakomi 600. Saul alandakia ye na Basoldat boni?  
(3,000. Cinq fois Basoldat ya David !)

**Niveau secondaire –**

- David amonaki ete nini ezalaki ya solo?  
(Ete Saul alandaki ye lisusu na Basoldat mingi)

**Bana basala bageste:**

Saul azalaki na Basoldat 5 po na soldat nyonso ya David. po na kotalisa yango, Bana batanga 1,2,3,4,5. Tiá bango à part, Basoldat ya Saul. Batanga mwana moko, soldat ya David. Bakoba kotanga tii tango Bana nyonso bakokómi soldat ya Saul to ya David.

**Bana bayemba pe babina:**

Saul apesaki promese alobi ete.  
Akloanda David na Basoldat mingi.

**23.2 David amonaki Saul ná Basoldat nyonso na ye kolala na pongi ya makasi. Mosalisi na ye Abischaï alingaki koboma Saul, kasi David akangaki ye nzela. 1 Samuel 26:5-10**

**📖 Tangela Bana:**

....6 Sik'oyo, David tunaka Achimélec, ... pe Abischaï, ... ete: « Nani akokende na ngai na camp ya Saul? Abischaï azongisaka ete: « Ngai...nakokende ná yo. »

7 Ebongo na kati ya molili, David ná Abischaï akendeki kokota na camp ya Saul. Saul azalaki kolala na kati-kati ya camp penza... Abner ná Basoldat na ye ...balali.

8 Abischaï alobelaki David ete: « Nzambe apesi monguna na yo na maboko na yo le'oyo. Tika ngai naboma ye na likonga na ye moko. Nabeta ye mbala moko na mabele. Nakobeta ye mbala ya mibale te! »

9 Kasi David alobi ete: « Koboma Ye te ! Nani akoki kotia loboko na moto oyo Yawe aponi, kozanga etumbu?

10 Na kombo ya Yawe ...na bomoi, nazali koyeba ete Yawe ye moko bakoboma Saul soki tango na ye ekoki, to na bitumba.

**? Tuna bana:****Niveau prescolaire –**

- Boni, David andimaki koboma David, to andimaki te? (Andimaki te.)

**Niveau primaire –**

- Pona nini David andimaki te koboma Saul?  
(Po Nzambe aponi ye na kozala mokonzi)

**Niveau secondaire –**

- David amonaki ete nani esengeli aboma Saul?  
(Nzambe ye moko na ndenge na ye pe na tango na ye)

**Bana basala bageste:**

Bana basala bageste lokola bazali koboya koboma Saul. Baloba ete, « Koboma Ye te! »

**Bana bayemba pe babina:**

Mbala ya mibale, David  
Aboyaki na koboma Saul.

**23.3 Ebongo azwaki likonga pe elokó ya mai oyo ezalaki kolala pene-pene na motù ya Saul, akendeki na yango. 1 Samuel 26:11b-12**

**📖 Tangela Bana:**

11 b Tozwa kaka likonga na ye pe elokó na ye ya mai. Tokende. »

12 Yango wana, David azwaki likonga pe elokó oyo ezalaki kolala pene-pene ya motù ya Saul. Akendeki na yango. Ata moto moko te alamukaki na pongi to amonaki bango to ayebaki makambo nini ekweyaki. Bango nyonso bazalaki kolala kaka, po Yawe atindelaki bango pongi ya makasi.

**? Tuna bana:****Niveau prescolaire –**

- Nani atindelaki Saul ná Basoldat na ye pongi ya makasi? (Yawe)

#### Niveau primaire –

- David asimbaka nini oyo akendeki na yango?  
(Likonga pe elokó ya mai ya Saul)

#### Niveau secondaire –

- Pona nini azwaki biloko oyo?  
(Po na kotalisa ete ya solo azalaki kuna, azalaki na makoki ya koboma Ye soki alingaki)



#### Bana basala bageste:

Bana basala lokola bazali kotambola malembe kozanga makelele, asimbi biloko mibale, babimaki na malembe.



#### Bana bayemba pe babina:

David asimbaki likonga  
Ti elokó ya mai ya Saul.  
Akendeki na yango.  
Akendeki na yango.

**23.4 David abengaki mokonzi ya Basoldat ya Saul, Abner, ete, po na nini okengeli mokonzi na yo te? Bango nyonso balamuki na pongi, Saul pe asosoli ete David ayokeli ye mawa lisusu. 1 Samuel 26:13-20**

#### Tangela Bana:

*13 David aleki na ngambo mosusu ya libulu. Atelemaki mwa-liboso mosika ná camp likolo ya ngomba,*

*14 Ebongo abengaki na maloba ya mongongo ya makasi Basoldat ya Saul ná Abner ete: « Abner, boni, ozali koyoka ngai te? » ...*

*15 David ete: « ...pona nini obateli Mokonzi na yo te? Moto moko ayaki kokota na camp na bino po na koboma mokonzi na yo.*

*16 ....Wapi likonga ya mokonzi? Wapi elokó ya mai oyo ezalaki na motù ya mabeto na ye?*

*17 Saul ayebaki ete wana maloba ya David, Ebongo atunaka ye ete: « wana yo, mwana na ngai David? » David ete: « E, mokonzi, oyo ngai.*

*18 Mokonzi, po na nini ozali kolanda lisusu? Nazali koyoka yo? Nini ngai nasali yo? Nini ya mabe nasali?*

*20 ...Mokonzi, po na nini ozali koya koluka koboma ngai oyo, niama ya pamba? Po na nini ozali koya kokula ngai lokola moto akei koluka na koboma soso ya zamba na bangomba?*

#### ? Tuna bana:

#### Niveau prescolaire –

- David abengaki, to azongaki na ndako? (Abengaki.)

#### Niveau primaire –

- David abengaki pe nani?  
(Pea Abner, mokonzi ya Basoldat ya Saul)

#### Niveau secondaire –

- Question monene nini David atunaki Saul?  
(Pona nini ozali koluka koboma ngai?)



#### Bana basala bageste:

Bana basala bageste lokola baz'o benga. Baloba ete, « Saul, Saul. »



#### Bana bayemba pe babina:

Saul, po na nini  
Nge ozali koluka ngai lisusu?

**23.5 Saul andimaki masumu na ye lisusu pe alakaki lisusu ete akotika makamb'oyo ya koluka na koboma David. 1 Samuel 26:21-25**

#### Tangela Bana:

21 Saul azongisaka ete: « nasali mabe. Koya kozonga, mwana na ngai David. Ngai nakosala lisusu yo mabe te, po abomi ngai te lelo. Ya solo, nasali buzoba. Nayokeli yo mingi penza. »

22 David ete: « Mokonzi, tala likonga na yo yango oyo. Tinda moto na yo moko, aya kozwa yango.

23 ...Lel'oyo, (Nzambe) apesi yo na maboko na ngai kasi ngai na Sali yo eloko te, po ozali mokonzi oyo moko Yawe atiáki. » ....

25 Saul alobaki na David ete: « Nzambe apambola yo, mwana na ngai. Eloko nyonso oyo okolinga kosala, okosala yango pe. » Ebongo David akendeki nzela na ye, Saul pe azongaki na mboka.

### ? Tuna bana:

#### Niveau prescolaire –

- Na suka, boni, Saul afingaki David, to apambolaki ye?  
(Apambolaki ye.)

#### Niveau primaire –

- Na suka, boni, Saul azalaki koluka na koboma David lisusu, to ye atikaki?  
(Ye atikaki)

#### Niveau secondaire –

- Pona nini Saul atikaki koluka na koboma David?  
(Po David azwaki ya koboma ye, kasi ayokelaki Saul mawa lisusu.)



#### Bana basala bageste:

Bana basala biteni mibale : Basoldat ya Saul ná Basoldat ya David. Makombo esili, bango nyonso bazongi na bandako na bango na kimia.



#### Bana bayemba pe babina:

Makombo esukaki malamau  
Na kimia nyonso.  
David ayokelaki Saul mawa,  
Bango nyonso bakendeki.

### 23.6 Kasi David asolaki ete Saul akoki kobaloka lisusu pe koboma Ye. Yango wana, akendeki kobika na kati ya ba-philistin.

#### 1 Samuel 27:1, 5-7

#### 📖 Tangela Bana:

27:1 David amilobeli ye moko ete: « mokolo ezali nakokufa na maboko ya Saul. Malamau nakima kaka na mabele ya ba-philistin. Boye nde Saul akotika na koluka ngai na mabele ya Israel. Ngai nakozala pe Na kimia kuna. »

Kozongisa mabe na mabe ematisaka makombo. Kanisa. Soki moto asali yo mabe, yo pe ozongisi, osali ye mabe. Amoni ete

5 David olobelaki Akisch (Mokonzi ya mboka esika akimelaki) ete « Mokonzi, soki ya solo nazwi bolamu namiso na yo, pesa ngi esika ya kofanda na mboka moko ya esobe. Po ebongi té ete ngai na fanda esika moko na yo na ville ya mokonzi.. »

6-7...Akisch apesaki ye mboka Tsiklag na kotonga...David abikaki na mabele ya ba-philistin mbula moko na na basanza minei.

### ? Tuna bana:

#### Niveau prescolaire –

- David akendeki kobika na kati ya bato nini? Bato ya... (Ba-philistin)

#### Niveau primaire –

- David asengaki mokonzi apaesa ye mboka nini?  
(Mboka mosusu oyo ye moko akotonga.)

#### Niveau secondaire –

Mokonzi apesaki David mboka Tsiklag, pe David abikaki kuna tango boni?  
(Mbula moko pe basanza minei)



#### Bana basala bageste:

Bana basala bageste lokola bazali kotonga bandako. Baloba ete, « Biso toz'otanga mboka Tsiklag. »



#### Bana bayemba pe babina:

David atongaki mboka  
Oyo ye abikaki Na kimia.


#### »|< Kosilisa:

Saul asalaki David mabe mbala mingi. Soki David azongiselaki ye mabe, bitumba ya makasi alingaki kozala. Kasi David azongisaka mabe te. Asalaki Saul malamau. Ayokelaki ye mawa. Mbala mibale, ye azwaki makoki ya koboma Saul, kasi asalaki Saul eloko te. Na suka, Saul abimaki pe atikaki David lisusu Na kimia.

esengeli azongisela yo, ebongo soki asala yango, mabe lisusu. Ebongo esengeli ozongisela ye mabe. Ebongo esengeli



azongisela yo mabe. Ebongo esengeli ozongisela ye. Ekokende musikaaaaa. Ndenge nini ekoki suka? Verse na biso lel'oyo ezali koyebisa yo. Bosila deja kolonga yango!

 **Verse ya lel'oyo:**

Matié 5:44: *Maloba ya Yesu Kristu: « ...Nazali kolobela bino ete: /Bolinaq banquna na bino, / po Nzambe/ po na bato/ oyo bamonisa bino pasi. / »*

 **Banzembo ezali kokende nzela moko na Leson:**

Bana bayemba lisusu moko ya bayemba oyo ezali kokende nzela moko na Leson oyo.

 **Devoir po na bakristo:**

Devoir nazali kopesa bino bakristo, yango oyo: Na poso oyo, tango nyonso moto asala yo mabe, to alobi mabe po na yo, yokela ye mawa pe zongisela ye bolamu. Ekosalisa mingi ete makombo wana esila.

 **Kobenga babungi na Yesu:**

Biso nyonso tosalela Nzambe mabe. Apesa biso bomoi pe biloko mingi ya malamun, po tokoka kopesa ye lokumu. Kasi mbala mingi, tokanisi yango te. Tozongiseli ye matondo te. Tosali makambo mingi oyo ekoki te na misson na ye. Kasi na mawa na ye, atindela biso Mwana na ye, Yesu Kristu. Mawa na ye, Yesu andimaki komona pasi pe kokufa po na kufuta mbeka ya mabe na biso. Asekwé na kufa, Azongaki na lola, pe Azali na bomoi lel'oyo. Akoyoka biso soki tobenga kombo na ye. Soki olingi kozonga na Nzambe lel'oyo, bongola motema na yo, tiá elikia kaka na ye, yaka komona ngai na sima ya Ecodim. Nako zala na esengo ya kosalisa yo. To, okoki kobenga kombo na ye pe bongola motema tango nyonso, po matoyi na ye ezali kofongola na kobenga na yo.

**==SUKA YA LESON 23**

**Soki ngonga ekokoka,**

 **Teya mikanda ya Bible:**

(Makanisi ezali na suka ya Mokanda oyo.)

## Leson 24 Nzambe aboyaki Saul po alukaki moto oyo asololaka na bakufi. 1 Samuel 28

### I. Preparation ya Moniteur—

#### Tina ya Leson:

Toluka lisalisi ya Nzambe, bongo toluka yango te na banganga-ngombo, ba-fetiché, magie, kindoki, etc.

#### Verse ya lel'oyo:

*Soki bato koyebisa bino bokende kutuna banganga-ngombo/...soki bango bakoloba ete: /« Bino kende kaka po tosengeli tuna badiabulu pe bibembe/...bino ta azongisa ete, / « Bino wa Malakisi ya Yawe azali kopesa bino! / Bino wila banganga te... »/ Yezaya 8:19-20*

#### Nzembo ezali kokende nzela moko ná leson:

##### **Banzambe mosusu**

Banzaaa-mabe mosusu  
Bato basali yango  
Kaka ozali Nzambe  
Osalaki biso!

##### **Senga na Nzambe Kaka**

Tosengeli kosambela  
Na Nzambe, ye kaka  
Ata moto moko te  
Mosusu akoki kosalisa!

##### **Eyano:**

Senga na Nzambe!  
Na Nzambe kaka  
Senga na Nzambe  
Na kombo na Yesu!

##### **Zonga, Afrika ! Zonga !**

Zonga, Afrika, zonga !  
Zonga na Nzambe mobungi  
Totika milimo nyonso, bikeko nyonso,  
Tozonga na oyo asalaki biso !  
Tozonga na oyo asalaki biso !

### II. Revision—

#### **† Kolanda devoir ya Leson oyo eleki:**

Na Leson oyo eleki, topesaki bino bakristo devoir ya kozongisa malamumu na tango

nyonso oyo moto akosala yo mabe. Nani akoki koyebisa biso ndenge asalaki yango Na poso eleki?

#### **† Koyemba lisusu Ba-Leson oyo eleki:**

Na Leson oyo eleki, tomonaki ndenge ete Saul alandaki lisusu koluka na koboma David. Tomonaki ndenge David azwaki makoki ya koboma Ye, kasi asalaki yango te. Ayokelaki Saul mawa lisusu. Saul alobaki ete Pardon, nasali mabe. Kasi David asosolaki ete akoki kobaloka lisusu, ete mokolo moko Saul akoki koboma Ye. Yango wana, atikaki mabele na ye Israel. Akendeki kobika na kati ya ba-philistin. Atongaki mboka kuna ya kombo ya Tsiklag.

### III. Koteya Leson Oyo—

#### Ebandeli:

Saul asali mabe na misson oyo Nzambe mbala boni? (Ee, mbala mingi.) Boni, bakozonga na Nzambe, tokolanda kaka nzela na biso moko? Lel'oyo tokomona ete asalaki makambo moko ya mabe lisusu. O, mawa na Mokonzi Saul !

#### **Developpement (Malakisi monene ya Leson oyo na banzete 5):**

**24.1 Ba-philistin baboyaki kobundisa Israel, yango wana Saul atunaki Nzambe nini kosalela, kasi Nzambe apesaki eyano te.**

**1 Samuel 28:1, 5-6**

#### **Tangela Bana:**

*1 Na tango yango wana, ba-philistin bengaki Basoldat na bango po bakende kobunda bitumba na bato ya Israel...*  
*5 Tango Saul amonaki camp ya Basoldat ya Ba-philistin, kobanga esimbaki ye mingi pe kolenga.*  
*6 Atunaki Yawe, kasi apesaki ye eyano te, ata na (bandenge nyonso oyo alukaki).*

#### **? Tuna bana:**

##### **Niveau prescolaire –**

- Saul amonaki ete Basoldat ya Ba-philistin bayé. Azalaki na esengo na yango, to na mawa na yango? (Mawa na yango)

**Niveau primaire –**

- Pona nini Mokonzi ya Saul ezalaki na kobanga? (Po Basoldat ya Ba-philistin bayaki Kobundisa bango bato ya Israel.)

**Niveau secondaire –**

- Saul asengaki Nzambe nini kosalela, kasi Nzambe apesaki eyano te. Okanisi oekoki koyebisa nini? (Asali mabe, akati boyokani pe Nzambe.)

**Bana basala bageste:**

Bana basala mwa-scenette mibale-mibale. Ya liboso sala lokola Saul, atalisa kobanga. Mususu asala lokola Nzambe. Saul asambaki Nzambe, kasi Nzambe abaluki, apesaki ye mukongo, azipaki matoyi na ye.

**Bana bayemba pe babina:**

Saul abengaki Nzambe  
Kasi Nzambe akangaka matoyi.  
Ekoki koyebisa nini?  
Ekoki koyebisa nini?

## 24.2 Yango wana, Saul akendeki kobombana na koluka ngangangombo, atako ye moko deja a basisa bango nyonso na mabele, lokola maloba oyo Nzambe azali kosenga.

**1 Samuel 28:3, 7-10****Tangela Bana:**

*3 Tango oyo akufaki, Saul abimisaki mibeko ete bato bakende lisusu te kotuna banganga-kisi to banganga-ngombo.*

**(NB po na Bana oyo bakoli: Na français oyo ozali koloba ete abimisaki bango na mabele ya Israel. Nzambe apesi Moïse mibeko ete bandoki bakoki kobika te (Kobima 22:17).**

*7 Sik'oyo, Saul alobi na bato na ye ete: « Bolukela ngai mwasi moko azali ngangangombo. Nazali na posa ya kutuna ye. » Balobaki ete: « Ezali na mwasi moko na Endor, azali ngangangombo. »*

*8 Saul alongolaki bilamba. Alataki bilamba mosusu, na ndenge ete bato bayeba te ete ye mokonzi Saul, ebongo na butu akendeki...Alobelaki mwasi ete, « Pardon,*

*tuna bakoko oyo bakufa, bayebisi ngai makambo ezali koya. Bengela ngai moto oyo nakoyebisa yango. »*

*9 Mwasi wana alobaki ete: « oyebi malamumu malamumu makambo oyo mokonzi Saul asali, ndenge abengani-bengani banganga-kisi pe banganga-ngombo na Israel. Ebongo po na nini ozali kolukela ngai kufa? »*

*10 Saul ete: « nazali kolapa na kombo ya Yawe, Nzambe ya bomoi, ete pasi ekokweela yo te ata make soki osali yango. »*

**? Tuna bana:****Niveau prescolaire –**

- Saul akendeki kotuna nani—pasteur, to ngangangombo? (Nganga-ngombo)

**Niveau primaire –**

- Pona nini Saul akendeki na elamba mosusu lokola azalaki moto mosusu? (Po bato bayeba te ete abenganaka bandoki oyo bakendeke komona bandoki.)

**Niveau secondaire –**

- Pona nini ngangangombo wana alingaki te kosalela oyo Saul asengaki? (Ye akanisaki ete ezalaki mutambo po na kokanga ye na makambo oyo bazalaki mibeko.)

**Bana basala bageste:**

Bana basala bageste lokola bazali Saul azali kolata bilamba mosusu, azali kokende malembe-malembe.

**Bana bayemba pe babina:**

Liboso Saul alongolaki bandoki Sima, ye moko alukaki bango.  
O, mawa!  
Ata Nzambe alingaki yo te.

## 24.3 Asengaki ngangangombo wana kosekwisa Samuel, asalaki yango. 1 Samuel 28:11-14

**Tangela Bana:**

*11 Bongo Mwasi atuni ye: « Olingi*

*nabengela yo nani? » Tunela ngai  
« Samuel. »*

*12 Tango mwasi amonaki Samuel, agangi makasi, ebongo alobi na Saul ete: « Si, yo mokonzi Saul! po na nini okosi ngai? »*

*13 Ye ete: « Kobanga te. Ozali komona nini? » Mwasi ete: « <Nazali komona lokola moto moko ezali kobima na sé ya mabele ezali koya na kobima. »*

*14 Saul atuni ye ete: « azali ndenge nini? » Ye ete: « azali mobange, amizipi kazaka. » Saul ayebaki ete wana Samuel. Pe akufami elongi na sé po na kolakisa lozito.*

### **? Tuna bana:**

#### **Niveau prescolaire –**

- Saul alingaki mwasi wana abenga nani?  
(Samuel, molobeli na Nzambe)

#### **Niveau primaire –**

- Nini azali kolakisa ete mwasi wana azalaki na kobanga tango amonaki Samuel?  
(Alobi maloba na mongongo ya makasi)

#### **Niveau secondaire –**

- Tango amonaki Samuel, mwasi wana ayebaki nini?  
(Ete moto wana azalaki okonzi Saul.)



#### **Bana basala bageste:**

Bana basala bageste oyo ezali kolakisa kobanga po amoni moto oyo akufaka deja.



#### **Bana bayemba pe babina:**

Samuel ayaki kosolola na Saul.

**24.4 Samuel azongisaki sango moko ya mawa. Nzambe atikaki Saul, akoma monguna na ye, pe akolongola ye na bokonzi, pe lobi, ye na Bana na ye nyonso, bakokufa na bitumba. Israel pe akolonga te. 1 Samuel 28:15-19**



#### **Tangela Bana:**

*15 Samuel atuni Saul ete: « po na nini oyé kotungisa ngai na kobenga ngai awa? » Saul ete: « nazali na pasi mingi. Ba-philistin*

*bayé kobundisa ngai ebongo Nzambe atiki ngai. Ayanoli te, ata na monoko ya ba-prophete, ata na bandoto. Yango wana, nabengi yo, oyebisa ngai nasala nini. »*

*16 Samuel ete: « po na nini esengeli obenga ngai soki Yawe ye moko atiki yo, akomi monguna na yo? »*

*17 Yawe asali yango ndenge alobaki yango na monoko na ngai. Abotoli bokonzi na maboko na yo. Apesi yango na moto mosusu, David.*

*18 Olandaki te mibeko ya Yawe. Obomaki te pona libela bato ya libota ya Amalek pe biloko na bango nyonso. Yango wana, Yawe asali yo makambo ya ndenge oyo lelo.*

*19 Azali kopesa yo pe bato na yo, bato ya Israel, na maboko ya ba-philistin. Lobi yo ná Bana na yo, bokoya kokuta ngai na sé ya baweji, ebongo Basoldat na yo, Yawe akopesa bango na maboko ya ba-philistin. »*

### **? Tuna bana:**

#### **Niveau prescolaire –**

- Samuel apesaki Saul sango ya esengo, to ya mawa? (Ya mawa mingi.)

#### **Niveau primaire –**

- Samuel ayebisaki Saul ete Nzambe azalaki ndenge nini ná Ye?  
(Atiki Ye, akoma monguna na ye)
- Pona nini Nzambe akomi monguna ya Saul?  
(Po atosaki Nzambe te.)

#### **Niveau secondaire –**

- Makambo nini minei ya pasi akosalema lobi?  
(1. Nzambe akolongola bokonzi na Saul, 2. akokufa, 3. Bana na ye nyonso bakokufa, 4. Ba-philistin bakolonga bango na bitumba.)



#### **Bana basala bageste:**

Bana kolakisa misapi minei. Baloba ete, « Bitumbu minei po na yo, Saul. »

**Bana bayemba pe babina:**

Bokonzi ekolongwa na Saul,  
O mawa, mawa !  
Saul esengeli akufa lobi,  
O mawa, mawa !  
Bana bakokufa lobi, pe  
O mawa, mawa!  
Basoldat ya Israel bakolonga te  
O mawa, mawa !

**24.5 Tango Saul ayokaki sango wana, akwekaki na mabele, pe makasi na ye esilaki.****1 Samuel 28:20****Tangela Bana:**

*20 Tango kaka Saul asilisi koyoka maloba ya Samuel, akwei na mabele, alali mobimba na ye na mabele, po makambo oyo Samuel alobelaki Ye, ebangisa ye mingi penza. Azalaki petepete na nzoto...*

**? Tuna bana:**

- Saul ayokaki sango ya mawa wana, ebongo asalaki nini? Afingaka Samuel, to ye akweyaki na mabele? (Akweyaki na mabele)

**Bana basala bageste:**

Bana baloba, « Aiii » pe bakweya na mabele.  
[Moniteur, keba ete moto azoka te te.]

**Bana bayemba pe babina:**

Oyo makambo ya suka  
Koluka nganga-ngombo.  
Kaka Sango ya mawa.  
Lobi Saul esengeli akufa.

**>|< Kosilisa:**

Bana, Nzambe alingi kosalisa bato na ye. Soki ayoki te, malamumu tomituna boni, tozali kolanda ye malamumu. Soki apesi eyano te, oyo ezali koyebisa biso tokende koluka lisalisi na bandoki, na banganga-ngombo, na magie, na ba-fetiche. Biloko ozali ya Nzambe te. Yango Tozali bamonguna ya Nzambe po tozali bato mabe oyo bapesaka Ye lokumu te. Kasi Nzambe alingi kozala moninga na yo. Atindaki

ezali ya Satan, ya milimo mabe. Yango wana, mibeko na Nzambe ezali koboya yango. Saul asali makambo mingi ya mabe, kasi koluka nganga-ngombo, wana makambo ya suka. Nzambe atangaki jugement ya makasi likolo na ye.

**♥ Verse ya lel'oyo:**

*Soki bato mosusu bakoloba na bino bokende kutuna banganga-ngombo/...soki balobi ete: /« Bokende kaka po to sengeli kotuna ba-diabolo pe bibembe/...bokozongisa ete,/ « Boyoka Malakisi oyo Yawe azali kopesa bino !/ Boyokela banganga te... »/ Yezaya 8:19-20*

**Banzembo ezali kokende nzela moko na Leson:**

Bana bayemba moko ya Nzambe ezali kokende nzela moko ná leson oyo.

**Devoir po na bakristo:**

Makambo nazali kopesa bino bakristo, yango oyo, banda lelo tii kuna, kokende lisusu te koluka ba-fetiche, ba-magie, etc. Kokende kaka koluka Nzambe na biso. Soki ayoki te, kanisa soki ozali kolanda nzela na ye malamumu-malamumu. Ebongo landa kaka kosambela pe kukotiála ye motema. Soki ozali na fetiche, mema yango na pasteur po akosalisa yo, akoyoka yo. Babungi azali koluka lisalisi ya milimo mabe, kasi bakristo bakoluka Nzambe na bango kaka.

**Kobenga babungi na Yesu:**

Soki oyebi nanu te soki obongoli motema na Yesu Kristu, nalingi okanisa makamb'oyo: Nzambe akomaki MONGUNA ya Saul. Samuel ayebisaki Saul ete lobi akoboma, pe Nzambe azali monguna na ye. O, mawa mingi na kokufa soki Nzambe azali monguna na yo !

Makambo ya solo ezali ete Nzambe azali monguna ya moto nyonso tii tango akobongola motema pe kokota na nzela ya Yesu Kristu, Mwana na Nzambe.

Mwana na Ye ya kitoko po Alongola bonguna na kati na biso ná Nzambe. Oyo ezali raison Yesu akufaki likolo ya ekulusu. Kasi Atikalaki

na kufa te. Asekwaki, Azongaki na Tata na Ye na likolo. Azali na bomoi lel'oyo. Akoki koyoka yo soki obengi kombo na Ye lel'oyo. Azali kozela obongola motema, okota na nzela na Ye. Soki lelo oyo omoni ete ozali na bosenga na Ye, okoki kobenga kombo na Ye. Ndimasumu na yo. Senga Ye mawa pe bolimbisi. Soki olingi kosambela ná moto mosusu, tozali

awa poso nyonso sima ya Ecodim, kaka pona kosalisa yo.

**==SUKA YA LESON 24**

**Soki ngonga ekokoka,**



**Teya mikanda ya Bible:**

(Makanisi ezali na suka ya Mokanda oyo.)

## Leson 25 Saul akufaki na bitumba.

### 1 Samuel 31

#### I. Preparation ya Moniteur—

##### Tina ya Leson:

Totiá motù-makasi te, kasi tozala na lombangu na koyoka batoli ya maloba na Nzambe. Soki tokokweya na masumu, tozala lombangu kozonga na nzela.

##### Verse ya lel'oyo:

*Soki yo ozali motù-makasi/ tango nyonso oyo bapesaka yo toli,/ abebaka na mbala moko / pe akoki kobang lisusu te./ Batoli 29:l*

##### Nzembo ezali kokende nzela moko ná leson:

##### Yoka Bible

Yoka Bible

Tanga Bible

'Bongo yo

okomona

Nzela malamumingi

Nzela malamumingi

Pe bwagna I

Pe bwagna!

Yoka Bible

Tanga Bible

'Bongo yo

Oko yeba

Makanisi ya Nzambe

Makanisi ya Nzambe

Na biso!

Na biso!

#### II. Revision—

##### Kolanda devoir ya Leson oyo eleki:

Na poso eleki, tosengaki bino bakristo kotika makambo nyonso ya ba-fetiché pe ya ba-magie. Nani azalaki na fetiché oyo abwaka? Nani akoyebisa biso nini asalaki na makambo wana? Vraiment, felicitacion na bino oyo bozali kosala makasi na kosala ba-devoir oyo biso tazali kopesa bino. Bino Bana oyo bokokola na kikristo.

##### Koyemba lisusu Ba-Leson oyo eleki:

Na Leson oyo eleki, tomonaki ete Saul asalaki masumu lisusu. Ayebaki maloba na Nzambe oyo aboyaki ete bato na ye kokende te na bato ya magie, yango wana, na mikolo ya kala, Abimisaki bango na mabele. Kasi mbala oyo, Nzambe alingi koyoka ye lisusu te pona mabe asali, yango wana, azongi na nzela ya mabe. Aluki lialisi ya nganga-ngombo.

Nganga abengaka Samuel, pe Samuel alobaki ete ezalaki likambo ya suka, ete lobi Saul akokufa ná Bana-na ye ya mibali nyonso. O, mawa na Saul !

#### III. Koteya Leson Oyo—

##### Ebandeli:

Boni, kufa ya Saul akosalema ndenge Samuel alobaki? Tokomona lel'oyo.

##### Developpement (Malakisi monene ya Leson oyo na banzete 3):

**25.1 Lobi, sima ete Saul abimaki na nganga-ngombo, akendeki kobunda na ba-philistin. Bana nyonso misato ya Saul, ye moko bakufaki na bitumba. 1 Samuel 31:1-8**

##### Tangela Bana:

*1 ...bato ya mokili ya Ba-philistin babundaki bitumba na bato ya Israel... Bato mingi ya Israel bakufaki, bato mosusu bakimaki.*

*2 Ba-philistin balandaki Saul pe Bana na ye. Bakangaki bango, ebongo Bana na ye bano oyo: Jonathan, Abinadab, pe Malkischua,, babomaki bango.*

*3 Sik'oyo, bitumba nyonso etikaki bobele kaka na maboko ya Saul pamba. Banguna oyobabwakaka flèche, bamoni Ye, ebongo ye Saul, akomina kobana ya mingi.*

*4 alobi na elene oyo azalaki komemela ye bibundeli: « Kamata mbeli na yo, pe boma ngai. Nalingi te ete bapakano oyo baya koboma ngai pe bafinga ngai. » Kasi elene yango aboyi, po azalaki kobanga ya mingi. Yango wana, Saul akamati mbeli na ye moko, amibwaki likolo na yango. ....*

*6 Boyé Saul ná Bana na ye misato...bakufaki mokolo yango wana moko.*

**? Tuna bana:****Niveau prescolaire –**

- Saul pe Bana na ye, bakufaki na mokolo moko, to na mikolo mingi?  
(Na mokolo moko)

**Niveau primaire –**

- Ba-philistin babomaki Bana ya Saul, kasi Saul, nani abomaki ye?  
(Amibomaki, ye moko)

**Niveau secondaire –**

- Pona nini Saul alingaki te ete ba-philistin koboma Ye?  
(Amonaki ete bakofinga ye.)

**Bana basala bageste:**

Tango nyonso okoloba ete moto akufi, Bana basala bageste lokola kolela.

*Babomaki Jonathan, mwana ya Saul.*

*Babomaki Abinadab, mwana ya Saul.*

*Babomaki Malkischua, mwana ya Saul.*

*Saul amibomaki ye moko.*

**Bana bayemba pe babina:**

Mawa, mawa! Mokonzi Saul akufaki.

Mawa, mawa! Bana na ye bakufiki.

Etumbu na Nzambe esimbi bango.

**25.2 Ba-philistin bazalaki kokumisa Banzambe na bango na makambo wana.****1 Samuel 31:7-10****Tangela Bana:**

*8 ...ba-philistin bayei koyiba biloko ya mabemde ya bato oyo bakufaki. Bakuti ebembe ya Saul pe Bana na ye misato...*

*9 Bakati Saul motù, bazwaki bibundeli na ye ya bitumba, ebongo batindi bato bakende koyebisa sango oyo ya malamumu na mokili nyonso ya Ba-philistin na Banzambe na bango ya bikeko pe na bato na bango.*

*10 Sima, Batiáki bibundeli ya Saul ya na ndako ya...nzambe na bango ya mwasi (Astarté. Ebembe na ye, bakangi yango na lopango ya ville (mboka Beth-Schan).*

**? Tuna bana:****? Tuna bana:****Niveau prescolaire –**

- Ba-philistin batiáki biloko ya Saul ya bitumba na ndako na Nzambe, to na ndako ya Nzambe na bango ya bikeko?  
(Na ndako ya Nzambe na bango)

**Niveau primaire –**

- Ba-philistin basalaki makambo nini ya soni na ebembe ya Saul?  
(Bakataki ye motù.)

**Bana basala bageste:**

Moniteur, loba makambo oyo esalamaki. Makambo nyonso okoloba, Bana balela lokola bato ya Israel.

Ba-philistin bamonaki bibembe ya Saul pe ya Bana na ye. (Bana balela.)

Bakataki Saul motù. (Bana balela.)

Bayebisaki bato nyonso ya Ba-philistin ete Saul akufika, ná Bana na ye. (Bana balela.)

Batiáki biloko na ye ya bitumba na ndako ya bikeko na bango. (Bana balela.)

**Bana bayemba pe babina:**

Bana bayemba na mawa:

Mokolo ya mawa

Ya soni mingi.

Mokonzi ya Israel

Akufaki.

**25.3 Bato ya Jabès-Galaad balongolaki bango soni pe baasosolaki bibembe na bango.****1 Samuel 31:11-13****Tangela Bana:**

*11 Tango bato ya mbokia Jabès ...bayokaki makambo ya ba-philistin basalaki Saul,*

*12 bato na bango ya molende koleka bakendeki butu-butu.... Balongolaki*

*ebembe ya Saul ná oyo ya Bana na ye na na mur ya lopango ya mboka, bazongisi na yango na Jabès pe batumbi yanokuna.*

*13 Sik'oyo, bakamati mikwa na yango, bakundi yango na sé ya nzete monene ya Jabès, sima bamilalisi nzala sambo.*

**Niveau prescolaire –**



- Bato ya Jabès bakundaki ebembe ya Saul na mabele ya nini—ndako, to nzete ya tamarisi? (Nzete ya tamarisi)

#### Niveau primaire –

- Pona nini okanisi batumbaki bilamba móto liboso ya kokunda yango? (Mbala mosusu po na solo. Balalaki libanda mwa-mikolo, pe Israel ezali mokili moko ya mwa-moto.)

#### Niveau secondaire –

- Pona nini baboyaki kolia mikolo sambo? (Koyebisa mawa ya Mokonzi na bango oyo akufi.)



#### Bana basala bageste:

Tiá Bana na biteni mibale. Ndambo moko bakotanga tii na sambo, malembe-malembe. nombre nyonso oyo bakoloba, Bana na ndambo ya mibale bakolela lokola bazali kolela kufa ya mokonzi.



#### Bana bayemba pe babina:

O, mawa, mawa!  
Saul, oyoki te batoli ya Nzambe.  
O, mawa, mawa!  
Ememi ye wapi?

#### »|< Kosilisa:

Mbala mingi prophete Samuel ayebisaki Saul nzela ya solo. Mbala mingi apesi ye batoli malamumu ya Nzambe. Mbala mingi Saul atié motù-makasi. Suka, kokende na ye na banzambe mosusu ya nganga-ngombo, koluka conseil, sima abuyi conseil ya Nzambe. Suka na ye mawa mingi.

O Bana ! Malamumu tozala te lokola ye. Tozala mbangu na koyoka batoli ya Nzambe.



#### Verse ya lel'oyo:

Soki yo ke tiá motù-makasi/ tanqo nyonso bo azali kopesa yo batoli,/

mokolo kele/ motù na yo ta pasuka,/ yo ta yilama lisusu te./ Batoli 29:l

Bana basala competition Bana-mibali, Bana-basi. Baloba yango mbala 6.



#### Banzembo ezali kokende nzela moko na Leson:

Bana bayemba 'Yoka Bible' to nzembo mosusu ezali kokende moko ná Leson oyo.



#### Devoir po na bakristo:

Bino Bana bakristo, devoir nazali kopesa bino toli, bazala lombangu kolanda batoli ya Nzambe. Ekoki kokoma na yango Malakisi ya Ecodim, Malakisi ya pasteur, Malakisi ya mama pe papa, Malakisi ya balakisi ya classe, Malakisi ya maloba na Nzambe na radio, lokola program "Bible Kitoko" na 89.0 FM. Ekoki kozala Malakisi oyo ozali kotanga na Bible, to moto mosusu azali kotangela yangoo. Koyoka yango pe kolanda yango malamumu. Maloba na Nzambe, O yea!



#### Kobenga babungi na Yesu:

Saul akufaki na soni pe na pasi. Kasi makambo koleka makasi, Akofaki (lokola)monguna ya Nzambe. O Bana, nazali kobondela bino, kotikala te monguna ya Nzambe. Okoki kokoma moninga na ye na nzela ya Yesu Kristu. Makila ya Yesu efutaki likolo ya ekulusu, ekoki na kolongola mabe nyonso oyo osala. Ekoki na kolongola bonguna pe kozongisa boyokani kati ya yo pe Nzambe. Asalaki yango po na yo, pe Nzambe asekwisaki ye na kufa po na kolakisa ete ya solo, andimi kufa na ye na esika na biso. O, kende na lombangu komibwaka na ye. Kosenga ye mawa. Alingi kobikisa yo.

#### ==SUKA YA LESON 25

Soki ngonga ekokoka,



#### Teya mikanda ya Bible:

(Makanisi ezali na suka ya Mokanda oyo.)

## KOMEMA MWANA NA YESU

Moniteur, landa mibeko oyo:

- Kobenda mwana te na makasi kondima Yesu. Molimo na Nzambe esengeli ebenda ye.
- Kopesa mwana soni te po andimi Yesu. Molimo na Nzambe esengeli abenda ye.
- Koboya te mwana andima Yesu, ata ya age nyonso, soki Molimo azali ezali Kobenda ye.
- Limbola malamumu-malamumu lokano ya lobiko. Mwana esengeli asosola Nzambi azali nani, probleme na kati ya Nzambi ná ye po na masumu, Yesu azali nani, Yesu asalaki nini po na ye.
- Mwana esengeli asosola ete azali te kaka koloba losambo moko, kasi azali kobongola motema po atika masumu, abanda kolanda Yesu tii kuna.
- Sala makasi na kotosa nde mwana oyo asosoli, pe ete oyo azali komonana ete Molimo azali Kobenda ye.
- Mwana esengeli asambela ye moko. Soki oyo ezali pasi, lobela ye nini alingi Yesu asala po na ye. Soki olobi ete ‘bikisa nga’ to makanisi lokola yo, ozali kolakisa ye ozali “Kaka kosenga Ye asalisa yo.”
- Koyebisa mwana te ete abiki, kasi tuna ye ba-question po ayebisa yo.

**NZAMBE ASALISA YO KOLIMBOLA NZELA  
YA KOBIKA MALAMU-MALAMU, PE MEMA  
NA YESU MWANA NYONSO OYO MOLIMO  
NA NZAMBE AZALI KOBENDA !**

## KOTEYA MIKANDA YA BIBLE

- Mokanda ya 1 Samuel ezali na 2eme ndambo ya mikanda ya Bible. Ndambo ya liboso ezali Mikanda 5 ya Moïse. Ndambo ya mibale ezali mikanda 12 ya Histoire ya Israel na mabele na bango.
- Mikanda ya Histoire ya Israel yango oyo:  
Jozué  
Bilombe to ba-jeune  
Rut  
1 Samuel  
2 Samuel  
1 Bakonzi  
2 Bakonzi  
1 Basango  
2 Basango  
Esdras  
Nehemya  
Ester

Bana batanga yango na liste, sima baloba yango bango moko, sima olakisa Mokanda moko pe bazali koyebisa nini ezali kolanda sima na yango, liboso na yo.

- Bana bayemba nzembo ezali kolakisa mikanda ya Moïse oyo bayekoli deja, pe mikanda oyo ya histoire ya Israel:

### MIKANDA YA YOSOKIKI YA NTAMA

Mikanda ya Moïse, Moïse, Moïse,  
Mikanda ya Moïse—Mibeko-Nzambe !  
Ebandeli, Kobima, e Levi, Kotanga  
Pe suka ke Koteya, Mikanda ya Moïse!

Mikanda ya histoire, histoire, histoire,  
Mikanda ya histoire—Histoire ya Bajuif !  
YJzué, Bilombe to Ba-jeune, pe Rut, pe Ba Samuel,  
Pe Bakonzi, Basango, pe Esdras  
Nehemya, pe Ester, Mokonzi-Mwasi  
Oyo nyonso zomi na mibale mikanda ya histoire.

- 1 pe 2 Samuel ezali kotalisa mingi histoire ya David. 1 Samuel ezali kotalisa yambo akoma mokonzi, 2 Samuel ezali kotalisa bokonzi na ye.

- Bato minene toz'omona na 1 Samuel bazali Samuel (molobeli na Nzambe), Saul (mokonzi ya liboso ya Israel) pe David. Samuel azalaki Elombe (to juge) ya suka ya Israel, Saul mokonzi ya liboso. Yango wana, Mokanda ozali lokola pont ya ezali kosilisa tango ya bilombe, ezali kobanda na tango ya Bakonzi ya Israel.



### ***MBOTE BANDEKO BAMONITEUR***

*Yo lo lingomba na yo, bodesi mokanda na Centre de matériels ya Ministère pour Chaque Enfant. MCE ezali moninga ya dibundu oyo ezali kosalisa Malakisi ya bana na nzela ya Formation de moniteurs pe kodefa ya Matériels. tosengi yo na kombo ya Nkolo Nzambe, na kozongisa mokanda oyo na Centre de matériels sima ete osilisi kosalela yango. Boye tokozala na makoki ya kosalisa bandeko mosusu na malakisi ya Maloba na Nzambe.*

*Yo pe okozwa ndingisa ya kodefa matériels ya sika. Tsengeli namu kaka ete ozongisa mokanda oyo na biloko nyonso oyo ozwaki nzela moko na yango.*

**BONNE COMPREHENSION PE NZAMBE APAMBOLA YO NA MATEYA NA YO NYONSO.**